

**NATIONAL ASSEMBLY OF
SEYCHELLES**

Wednesday 2nd June, 2021

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm e bonzour telespektater e oditer ki pe swiv nou. Byenveni pou ankor en lazournen travay nou Lasanble. Nou annan bann Mosyon e nou a konmans avek Mosyon premye ki lo nou *Order Paper*. *LGB* ou ava konmanse.

HON BERNARD GEORGES

Mersi Mr Speaker. Bonzour Mr Speaker. Bonzour tou bann Manm Onorab. E bonzour tou bann dimoun ki pe swiv nou dan lakour.

Mr Speaker sa premye Mosyon bomaten se en Mosyon ratifikasyon, e lir *comme swivan*:

In accordance with Article 64(4) of the Constitution, this Assembly resolves to ratify the Agreement Establishing the

African Continental Free Trade Area (AfCFTA).

Mr Speaker, kominikasyon ek komers i absoliman krisyal dan sa letan kot nou vwar nou ozordi, e nou vwar sa partou dan lemond. Toulezour nou koz lo komers e ki mannyer komers i kapab devlop bann Nasyon e fer ki la demokrasi i permet meyer kominikasyon ant Nasyon.

E i promouvwar son lekor atraver lemond, atraver bann lesanz komersyal ki annan. John Donne ti dir detruwa syek pase *“No men is an island.”*

Annefe *no island is an island*. Nou tou nou form parti en kompleks mondyal kot dan tou sa ki nou fer, nou *interact* avek bann lezot Nasyon.

E nou sirtou Sesel nou enn sa bann pei ki pa kapab *avoid* sa koneksyon komersyal, par lefe ki nou en pti pei izole ki pa prodwir bokou keksoz ki nou konsonmen.

Nou en pei maritim ki'n toultan ouver avek lemond. E nou en pei kot lamazorite bann keksoz ki nou konsonmen isi, i sorti dan en lot pei e nou bezwen enport li.

Lo en lot kote, dan sa bann dernyen - anfen pa vremen dan sa bann dernyen lannen a tou tan pandan ki nou ti en pei a vokasyon agrikol, nou

ti annan osi leksportasyon nou ti eksport kopra, nou ti eksport kannel, nou ti eksport lavanniy, nou ti eksport patsouli e nou'n eksport plizyer lezot komodite, me sa se bann prensipal.

E la resaman dan sa bann dernyen deseni, nou'n konmans eksport pwason lo en tre gran lesel.

Aprè nou annan parey nou'n tande yer swar par Gouverner Labank Santral, nou annan en lot eksportasyon ki tourizm nou eksport i en benefis ki nou gannyen atraver lefe ki nou resevwar tourizm.

E resaman nou'n tande ankor lo televizyon *PS Nalletamby* avek son Minis Vidot, ti pe eksplike ki nou pe regard dan bann lezot sekter ki nou kapab fer komers avek tel parey kannel.

Donk nou en *COG* si ou anvi Mr Speaker dan sa marse mondyal ki marse komers. E nou pa kapab *avoid* sa, nou pa kapab evit li.

E ler ou pa kapab evit en keksoz ou pa fer parey dernyen ladministrasyon *L'Amerique* ti sey fer, e sa sete izol ou lekor avek larestan lemond, dan en fason pou ou domin lemond. Me ou bezwen angaz ou lekor parey tou bann pei in rekonnèt, ou bezwen fer atraver bann trete komersyal komansan par

WTO li menm (*GATS*) *General Agreement on Trade* eksetera.

So nou'n nou bezwen angaz nou lekor, pa selman aköz nou bezwen me aköz i bon pou nou. E parey mon ti dir o konmansman, komers e lesanz i anmenn plis louvertir i anmenn plis la demokrasi.

E i fer ki anmezir ki ou pe annan lyen komersyal avek en lot pei ou pa pe selman anbras son la demokrasi, me ou pe eksport sa ki pou ou. E nou isi Sesel parey nou konnen nou en model la demokrasi.

E anmezir ki nou annan bann lesanz, nou kapab osi montre bann ki en pe pli an retar ki mannyer lesanz komersyal i enportan pou promouvwar bokou plis ki komers li tousel.

Mon'n konmans Mr Speaker, avek sa detrwa mo pou sitye sa *Agreement* bomaten dan son konteks global. Bann pei in toultan anvi angaz zot lekor avek bann *partenaire* pou komers. Sa in toultan arive. Menm avan *WTO*.

Enn bann premye legzanp, *L'Europe* sete zis apre lager zis apre dezyenm lager mondyal. Kot en pti groupman pei ki nou apel *Benelux Belgium Netherland Luxembourg*, ti zwenn ansanm pou fer en sa ki

nou apel en *Regional Economic Community*, en *REC*, *REC*.

E pou zot fer komers antre zot akoz zot ti konpran ki zot ti 3 pti pei antoure par de gro pei *L'Allemagne* avek *La France*, e ki si zot ti fer en blok komersyal zot ti a kapab annan plis pouvwar pou zot kapab negosye avek sa bann pli gro blok.

Dan nou rezyon nou'n nou menm nou nou'n fer Komisyon *L'Ocean Indien*. Nou'n *join COMESA*, nou'n zwenn *SADC* e tou sa bann *Regional Economic Communities* ti annan senpleman sa bi. Setadir group ansanm, akoz linyon i fer lafors.

E *Benelux* li, *L'Europe* in grandi in vin *European Economic Community* i isi ki'n konmans avek 7 pei mon krwar e ozordi in ariv 27 pei.

E son rezon sete pou fer en blok ekonomik ki ti pou kapab balans a sa lepok *L'Amerique* ki ti en gro pwisans, me ozordi i kapab balans *La Chine*, ki kekfwa i en pli gro pwisans ankor ki *L'Amerique*.

E toultan donk nou vwar ki anmezir ki nou devlope nou annan gran lentere dan zwenn ansanm avek bann *partenaire*, rezyonal dan nou kwen pou nou kapab fer en blok kont lezot ki pli pwisan.

European Economic Community li in fer en parkour

kot in konmans parey mon'n dir avek en pti group *Benelux* apre in vin *European Economic Community*, apre in vin *European Union*.

In konmans konman en blok ekonomik, e in transformen pou vin en blok politik - *politico-economic* akoz *European Union* i annan son kote politik, me i annan son kote ekonomik osi.

L'Afrique nou'n swazir en lot model. Annefe, *African Union* ki sorti parey nou konnen konman (*OAU*) *Organisation of African Unity* e mon profite la pou dir ki ler *OAU* ti an egzistans, bokou dimoun ti dir ki sel mo sel mo vre dan *Organisation of African Unity* se sa mo 'of', akoz i pa ti ni en lorganizasyon, ni *African* e ni *United*.

I ti annefe dezorganize i ti annan detrwa pei *Arab* abor bann nor *L'Afrique* e i ti sertenman pa ini akoz bann pei malgre ki zot ti dan *AU* ti kontinyelman pe lager antre zot, akoz bann rezon ekonomik e politik.

Me lo *L'Afrique OAU* in deside transform son lekor an premye lye dan en lorganizasyon politik *African Union*, avan organiz son lekor dan en lorganizasyon ekonomik

AfCFTA ki fek ganny fer depi 2 ou 3 lannen pase.

Pe enport Mr Speaker rezilta i parey. Rezilta se linyon i fer lafors, annou met nou lafors ansanm dan en seri lorganizasyon rezyonal, pou nou kapab fer fas avek bann defi sirtou bann defi ki *L’Amerique* konman en gro blok i anmennen.

Ki *L’Europe* konman en gro blok i anmennen, ki *La Chine* i anmennen e ki *L’Inde* i annan posibilite pou anmennen.

E pou nou ariv lo sa ki nou pe al fer la ozordi nou’n osi nou’n konmans pti pa pti pa. Parey mon’n dir taler dan nou rezyon nou’n fer Komisyon *L’Ocean Indien*. (*L’Afrique*), *Kenya*, *Uganda*, *Tanzania*, *Uwanda*, ek *Burundi* in fer *East African Community - EAC*.

Bann pei rezyon *Sud L’Afrique* in etabli *SADC*. E bann pei les ek sid *L’Afrique* in etabli *COMESA*.

E i kler ki i annan en problem, akoz i annan serten pei ki ti dan *COMESA* ek dan *East African Community*, ek dan *SADC* tou le 3. I annan en bann ki dan 2 nou, nou dan 3 nou pa dan *East African Community* me nou dan *SADC*, nou dan *COMESA* nou dan Komisyon *L’Ocean Indien*.

E zot in realize ki i annan serten defayans ler ou fer sa bann pti groupman ekonomik rezyonal, akoz zot menm zot, zot pe lager ek kanmarad. E zot pa toultan vwar *eye to eye*.

Alor dan en premye pa in annan bann *agreements* ki sey regroup sa bann pti groupman ekonomik dan bann pli gran groupman ekonomik.

E dan nou rezyon ti annan 2 ou 3an pase en mannev sa ki ti apel en *Tripartite Agreement* pou fer zwenn *COMESA*, *SADC* avek *East African Community* ansanm, pou li vin en gro blok.

Akoz parey mon’n dir ti annan *in fighting* ler ou annan 3, e ler ou en manm plis ki enn *obviously* ou lwayote i ganny disipe parmi sa bann blok.

Lo lot kote les *L’Afrique*, i annan *ECOWAS*, e annou pa bliye sa mo sa let *E* dan *ECOWAS* i *Economic - Economic Community of Western African States*.

Alors i zot osi zot ti annan zot blok laba. E *L’Afrique* in realize ki i en kontinan ekstrememan ris e nou ki vwayaz *L’Afrique* Mr Speaker nou konnen ki *L’Afrique* i en kontinan ki li i kontinan demen, akoz se li ki annan plis resours ki pa ankor ganny eksplwate lo kote bann min, lo kote bann *minerals* lo kote petrol li menm.

I annan en popilasyon ki pe eksploze zenn ki pe travay, e i annan e kantite later pou devlope.

Donk *L’Afrique* in realize ki anmezir ki *L’Europe* in *oversaturated* ki *La Chine* i plen, ki *L’Inde* i plen ki *L’Inde* pe *falter* ekonomikman. Ki *L’Amerique* pe tir son kannet dan ron. E i pe sey al endepandan li tousel.

Sa i en loportinite pou *L’Afrique get together* e fer son lekor vin en blok ekonomik tre enportan.

E se koumsa ki *African Union* in dir avek bann *Regional Economic Communities*, aret sey *join* ansanm, annou fer enn ki pou anglob *L’Afrique* an antye. E koumsa ki sa *Agreement* lo *African Continental Free Trade Area* in devlope. E in en lide eksepsyonnèl.

E i nou loner ozordi pou nou kapab entrodwir sa *Agreement* dan nou pei avek tou bann benefis ki i pou anmennen.

Mr Speaker sa *Agreement* i annan pou fer avek *Free Trade* parey son non i dir. Se pou liberaliz komers ant bann Pei Manm sa *agreement*, pou fer ki nou pou kapab fer komers libreman san annan tarif. Setadir ou kapab enport *orange juice* sorti *L’Egyp* parey nou pe

fer deza atraver *COMESA*, aköz *L’Egyp* i en manm *COMESA* e nou en manm *COMESA*.

Me nou pou kapab osi prezan enport prodwir sorti *Senegal*, oubyen *Cameroon* ki ozordi nou napa en lyen avek san tarif. E nou kapab nou eksport nou prodwir.

E *PS Nalletamby* in dir nou ki son letid i montre ki i annan en gran marse *L’Afrique*, nou pa bezwen al pli lwen, *L’Afrique* pou nou prodwir kannel eksetera.

Donk la en benefis imedyat aköz nou pa pou bezwen *focus* zis lo bann pei *SADC Sud Afrique* natirelman pli enportan, oubyen bann pei *COMESA*, *L’Egypte*, natirelman pli enportan.

Me nou pou kapab al pli lwen, nou pou kapab al regard *Nigeria* ki pli gran pei anfen pei avek pli gran popilasyon *L’Afrique* nou pou kapab viz sa bann lezot marse e pou leksportasyon nou bann prodwir *tariff free*. E se sa son gran lavantaz.

Lo lot kote san *comment* en serten pert nou souvrennte aköz sak fwa ki nou antre dan en *regional* oubyen dan en *Multinational Agreement* nou bezwen *give up* en pti pe nou souvrennte.

E sa pwen i en pwen enportan e mon konnen ki *IAC* dan zot rapor zot in soulev sa konman en konsern, ki nou bezwen debat lo la ozordi.

Akoz sak fwa parey mon dir ki ou antre dan en groupman rezyonal ou enternasyonal, ou pe donn en pe ou souvrennte a sa groupman. E sa i toutafe normal, mon a donn zot en legzanp.

Dan *COMESA* ozordi si nou annan en dispit avek enn nou en lezot en lot manm *COMESA* se pa Lakour Sesel ki pou deside. Se Lakour *COMESA* kot mon annan loner asize ki pou deside ki deside tanzantan la lotrozour nou fek rann en zizman, an faver *L'Egypte* kont *Maurice* aköz ti annan en lenportasyon ti annan en dispit lo lapentir ki ti pe ganny enporte sorti *L'Egypte* pou al *Maurice*.

Byento la Lakour pou bezwen deside si pou protez en lendistri lokal *Maurice* ki fer delwil, i enport bann *oilseed*, e i mel li *Maurice* e i fer delwil *Maurice* kont lenportasyon delwil sorti *L'Egypte* ki'n fini ganny met dan boutey e ki pe vann pli bonmarse *Maurice* ki prodwir lokal.

Donk i annan tou sa bann keksoz e nou bezwen *give up*

nou drwa pou ensiste ki nou, nou annan en rezon e les en lot dimoun desid pou nou.

E Mr Speaker rezon ki mwan mon kontan sa *African Continental Free Trade Area*, se ki mon'n vwar leksperyans *COMESA from the inside* e mon realize ki sa ki nou pe *give up* i ptipti konpare avek bann benefis ki potansyel-man nou kapab gannyen.

Pa nou ki pou benefisyé plis aköz nou pa en gran pei. E nou pa pe fer bokou *trade* avek bokou pei. Me kantmenm sa nou pou benefisyé atraver sa bann lareg, ou plito sa mankman, sa *reduction* dan bann lareg ki sa *Agreement* pou anmennen pou nou.

Lo sa lide lo sa mo *sovereignty*, lo sa konsep *sovereignty*, ki mon fek koz lo la, ler sa *AfCFTA* ti ganny sinyen *Kigali* detrwa zan pase, mon ti'n ganny demande le 21 Mars 2018, mon ti'n ganny demande pou mwan adres en group *businessmen Kigali* dan sa menm dan sa menm letan sinyatir.

E mon'n avek ou permisyon Mr Speaker, vwala sa ki mon ti dir lo sa lide *sovereignty*, e sa sete son lanmenm ki sa *agreement* ti'n ganny sinyen, ti'n gannyen sinyen par Vis-Prezidan

Meriton ki ti *Kigali* avek *PS Mangroo* e son lannmen ti annan sa *speech* ki mon ti fer. E mon ti dir, *in the Kigali NEW TIMES yesterday there was a headline yesterday* sete sa zour ki ti ganny kot i ti ganny sinyen, *there was a headline hiding behinds sovereignty is an old song.*

E mon dir *and we all heard the words of the Tanzanian delegate at the AfCFTA signing yesterday who said, and I quote "You can eat from trade, but you can't eat sovereignty."*

E sa mon krwar i enportan. E se sa pwen ki mon pe dir. Sak fwa ki nou zwenn enn sa bann lorganizasyon, nou pe *give up* nou souvrennte. Nou pe *give up* en pe nou abilite pou nou desid pou nou menm. Me bann retonbe. I bokou pli gran. Akoz ou pa kapab manz *sovereignty* me ou kapab manz bann prodwir komers. E mon krwar sa delege *Tanzanien* ti byen dir, ler i ti dir sa.

Alor Mr Speaker, sa ki pe arive la, se ki *L'Afrique* in dir avek bann *COMESA*, ek bann *SADC* bann *East African* ek *ECOWAS* avek *COE* e avek sirtou en gran *REC Sud Afrique* ki apel *South African Custom Union* ki anglob *Sud Afrique, Namibi, Swaziland, Eswatini* prezan e *Botswana* i pe dir avek

zot arete sa bann zafer rezyonal, annou travay konman en kontinan an antye. Annou anglob dan en *Continent Wide Free Trade Agreement* tou sa bann pti *Agreement* rezyonal ki annan.

E donk se sa ozordi atraver sa ratifikasyon ki nou pe ganny demande pou fer.

E parey mon'n dir, nou annan bokou leksperyans dan komers e nou annan mon bezwen salye la dan Minister Finans en Seksyon Komers ki byen devlope avek bann travayer byen konsyan e ki konn tou sa bann keksoz e ki'n eksplik avek *IAC* egzaktman bann retonbe ki sa *agreement* pou anmennen pou nou.

Donk Mr Speaker mon ti a kontan avan ki mon pas lo en pti pe avek ou permisyon lo konteni sa *Agreement*, eksplike ki parey dan rapor *IAC* i ganny dir lo paragaf 1 54 Manm *L'Afrique* in sinyen sa *Agreement* e nou, nou ti la son zour kot ti annan pli gran kantite sinyatir.

Ek 36 Manm in fini ratifye li ti bezwen zis 22 pou li vin an loperasyon. Alor in fini vin an loperasyon, e donk nou, nou vin enn sa bann ki pe ratifye li apar apre sa 22 in arive, e annefe apre ki 36 in fini ratifye li.

Me ratifikasyon sinyatir ek ratifikasyon se zis konmansman. Akoz sa set en proze parey *Français* i dir sete en proze *à long à leur* pran ankor en bon pe letan avan ki tou bann Protokol ek tou bann kontenir sa *agreement* i pou vin an plas. E sa i toutafe normal.

Akoz ou pa kapab 10 zour or lanmen abandonn ou bann pratik komers ki ou'n abitye dan en serten peryod letan pou adopte enn ki i ankor dan son ankor en pti zanfan ki fek ne.

Alor i annan serten negosyasyon ki'n fini ganny fer anba sa *agreement* bann negosyasyon lo bann keksoz fyotosanniter, bann sa ki nou apel bann *non-tariff barriers*, bann keksoz ki pe ganny eliminen pou permet komers lib, *customs corporation* sa i en gro problemn li menm.

Nou menm nou nou'n vwar ki manner zis isi Sesel ki manner *Custom* i en problemn. E toultan nou pe sey moderniz nou fason fer antre bann keksoz.

Me nou, nou annan zis en frontyer, mazin bann mazin *Rwanda* par egzanp ki li ler i anvii enport en keksoz sorti an deor *L'Afrique* sa komodite fodre i ariv lo Por *Mombasa* i pran tren oubyen en konminyon i bezwen donk pas en frontyer

Mombasa, Kenya i bezwen pas en dezyenm frontyer *Uganda* avan ki i ariv en trwazyenm frontyer *Rwanda*. E mon kapab dir zot ki i [a fasil.

COMESA in depi son formasyon, pe sey fer en sistenm kot frontyer i disparet pou komers, akoz larzan napa avek sipor Linyon *European* e ziska prezan i pa'n kapab fer li. In sey fer li zis ant sa 3 pei ki mon'n mansyonnen la *Kenya, Uganda* avek *Rwanda* ki ou ti a krwar ti ava fasil e *still* en problemn.

Alor nou pe negosye pou ankor en kantite letan lo ki manner nou pou arive pou etabli tou bann vizyon ki nou annan dan sa *Free Trade Agreement*.

Fasilitasyon *trade* in plito ok apre in bezwen annan en bann prosedir, e bann prosedir in fini ganny etabli lo ki manner pou regle en dispit, ler 2 ler i annan en problemn parey mon'n dir taler, ant delwil ki pe antre *Maurice* sorti *Kenya* avek sa prodikter lokal, lekel ki pou pran sa desizyon?

Ou bezwen etabli en sistenm *dispute resolution*, en sistenm arbitra en sistenm Lakour eksetera. Tousala se bann negosyasyon ki fini oubyen ki pe al fini. *Rules of Origin* i en lot problemn.

Akoz par egzanp si isi Sesel nou, nou ti pe prodwir *t-shirt* pou eksport *Kenya*, nou konnen ki nou, nou napa koton isi, nou pa prodwir koton.

Alor nou pa pou kapab enport koton sorti *L'Inde* fer en *t-shirt* isi e anvoy li *Kenya* konmkwa i en triko Seselwa. Alor ou bezwen annan en serten poursantaz *input* lokal oubyen *input* eksteryer (eskiz mwan) pou permet ki ou kapab *comply* parey *WTO* avek sa bann *rules of origin*.

So se bann negosyasyon ekstrememan konpleks ki mon krwar nou devret les avek *PS Komers* dan *Minister Finans* aköz zot, zot annan tousala aker e zot annan pratik dan tou sa bann keksoz.

Aprè pou annan negosyasyon lo servis e la sa i enportan pou nou. Aköz Sesel i en eksportater servis li. Non selman *tourizm*, me osi nou *Financial Services Authority*. Nou en gro zwer lo nivo servis finansye.

E sa i vin en i anmenn en problemn li menm. Aköz an mezir ki ou pe liberaliz komers, ou bezwen liberaliz komers dan bann servis e lemoman ki ou fer sa laport pou ouver pou sa Avoka *Nigerian*, pou dir be mwan mon anvì al travay Sesel, mon annan en Diplonm dan

Lalwa. Mon konn plis dan serten en sekter ki bann Avoka Sesel mon bezwen al laba e Seselwa osi pou dir nou annan en nou konn en serten keksoz, ki manke dan en lot pei nou anvì al travay laba.

Donk *trade in person* pou vin en problemn i pa ankor ariv lo la nou ankor lo *trade in services*, ki li menm li i pou anmenn gran deba *business services, communication services, financial services* e dan nou ka *tourism and trade related services*.

Yer swar nou'n vwar en lagreman posib avek *Angola*, pou kominikasyon aeryen tousala pou tonm dan sa bann keksoz ki nou pe koz lo la.

Alor Mr Speaker en kantite negosyasyon pe kontinyen. Pou bezwen annan bann negosyasyon lo operasyon sa sistenm li menm, dan sak pei ;- ki mannyer pou peye par egzanp pou bezwen annan en *african payment system*. Kot *L'Afrique* li menm li i pou annan en sistenm komersyal kot anmezir ou eksporte oubyen ou enporte ou pa bezwen pas atraver en lot pei pou peye i pou bezwen etabli son *Pan-African Payment and Settlement System* parey zot pe prevwar.

Donk sa osi pou bezwen ganny negosye e bezwen ganny

met an mars. Mon pa pou al dan tou detay, mon konnen ki mon koleg *Chair IAC* pou rebran en pe lo la.

Permet mwan an konklizyon Mr Speaker pou zis pas lo de pti keksoz, premyerman benefis ratifikasyon. Mon krwar nou'n tous lo la plizoumwèn. Nou pou annan nouvo marse pou nou komodite e nou pou annan posibilite pou kapab enport bokou plis atraver nou rezyon olye al dan bann marse tradisyannel, kot i annan tarif *WTO* ki ganny enpoze.

Donk enn bann benefis se kou lavi natirelman pou desann, lo lenportasyon sa bann komodite. Nou pou annan akse a en kantite resours e *L'Afrique* parey mon dir taler i ris an resours, donk nou pou annan en akse otomatik avek sa.

Nou pou redwir nou depandans lo nou bann *partenaire* komersyal aktyel malgre ki enn deza i *L'Afrique*. Nou annan en kantite komers ek *Sud Afrique* me nou annan en kantite komers avek lezot pei, par egzanp *Dubai* donk nou kapab prezan annan en lavantaz vizavi *L'Afrique*, bann pei ki prodwir keksoz dan nou rezyon, par egzanp *Madagascar*, *Kenya* ki mon

konnen menm ladministrasyon presedan ti anvi angaz son lekor ladan. Donk tousala se pou bann loportinite ki pou nou an alan pli devan.

E enn bann gran retonbe, se ki sekretarya sa *AfCFTA*, pou ouver a nou dimoun pou ganny en lanplwa laba. Deza nou konnen ki nou ti annan 2 Seselwa ki ti travay dan sekretarya *COMESA* a tre o nivo, enn malerezman nou'n perdi li trazikman lannen pase oubyen lannen avan.

Me Mrs Lanka Dorby i ankor *still* dan Sekretarya *COMESA Lusaka* e i ansarz *IT* dan tou pei *COMESA* - 13 pei *COMESA* se li ki ansarz. En Seselwaz donk nou pou annan sa bann loportinite, pou nou bann dimoun isi ganny anploye dan Sekretarya pou fer sa travay met an aplikasyon *mise en oeuvre* parey *Français* i dir sa *Agreement AfCFTA*.

Alor Mr Speaker, avek sa detrwa mo zot ava konpran ki lapel ki mon fer avek sa Lasanble, se pou adopte sa pti baba konman enn nou zanfann ratifye sa *agreement* ozordi e annou *look forward* pou fer ankor plis travay, avek nou bann *partenaire Africain*. E aret regard bann lezot pei ki tradisyannelman nou'n toultan zanmi avek e *focus* en pe lo

kontinan *L'Afrique* ki en kontinan *which is tomorrow's continent*. Parey tou dimoun i realize.

Annou *get in* lo premye pa annou *get in ground floor*, annou pa les lezot pei e mon konnen *Maurice* i enn ki agresiv e i anvi antre *L'Afrique*, avek son servis finansye, avek son *arbitration hub* ki in devlope. Akoz i ti anvi anmenn sa bann komers.

This is the time pou nou osi fer li. E nou annan sifizaman dimoun isi, sifizaman konpetans, sifizaman konnesans pou nou kapab osi pran en kopo.

Akoz les mon dir ou en keksoz Mr Speaker, si ou demann avek okenn dimoun, okenn *L'Afrique* lo kontinan *L'Afrique*, kote zot ti a kontan vini pou en Konferans *or whatever* toultan Sesel i tonm premye.

Let's tap into that market, akoz i en marse ki la pou nou. Nou konnen ki mannyer pou fer, nou konnen ki dimoun i kontan vin isi. E sa set en loportinite ki nou annan.

Alor Mr Speaker, parey mon'n dir mon demann avek Lasanble pou donn zot sipor sa Mosyon ratifikasyon. Mon remerci ou.

MR SPEAKER

Mersi Onorab Georges. Nou a pas lo segonn-man sa Mosyon. Onorab William.

HON WAVEN WILLIAM

Bonzour Mr Speaker. Bonzour tou dimoun ki a lekout. Mr Speaker mon le segonn sa Mosyon pou ratifikasyon sa lagreman lo marse lib lo kontinan *L'Afrique*.

Mr Speaker mon ti a kontan konmans par dir ki i en mo marse ase enportan ozordi, pou partisip dan ratifikasyon sa lagreman. E mon pe dir sa akoz letan mon ti al dan Eleksyon avek Parti *LDS* ki'n sorti viktorye anba son manifesto, mon vwar sa aksyon ki mon pou fer ozordi par aprouv sa Mosyon, i tonm anliny avek bann gran laliny devlopman ki dekoul dan sa manifesto pou pep Seselwa.

Mr Speaker sa ratifikasyon i vin dan en moman byen plase. Apre ki *COVID* ti'n met nou lendistri touris lo son zenou kot Sesel in reouver son frontyer pou viziter etranze pou relans son lekonomi.

Ankor enn fwa mon remerci Bondye pou faver ki i annan lo nou bann dirizan e lo nou pei. E osi ki in donn zonm ek fanm lentelizans. Wi i en gro

challenge pou nou sistenm lasante si nou ti al dan en *lockdown*.

Mr Speaker dan manifesto pou Eleksyon 2020 Parti LDS dan son misyon pou Sesel i ti dir ki i ou pou fer, par egzanp sa menm Sesel odela pandemik COVID, fer ladministrasyon pei vin Gouvernman pou Seselwa, kree loportinite pou Seselwa lev reveni e standar lavi, batir en meyer Sesel, batir en sosyete rezilyan, e envestir dan son zenn. Sa ratifikasyon Mr Speaker, frer e ser Seselwa pe ofer sa bann posibilite pou pei ozordi.

Mon pou prezant pas en pti pe Mr Speaker lo listwar devlopman, bann prosesis ki'n anmenn nou an ver sa lagreman i bon dir ki sa lalit in konmanse depi 1963.

Linyon *Africain* ti lanse ofisyelman an Zilyet 2002 an *Durban Sud Afrique*, swivan en desizyon an Septanm 1999 par son predeser lorganizasyon *Afrique Unis (OAU)* pou kree en nouvo lorganizasyon kontinan *L'Afrique*, pou kontinyen konstri lo sa linisyativ parey devlopman in arive lo kontinan *L'Europe - European Union*.

An 1980 OAU ti adopte plan aksyon *Lagos* pou devlopman lekonomi ek *L'Afrique*, formasyon en marse

komen lo kontinan *L'Afrique*, pou donn lelan devlopman lenstitiyonel e politik ver lazanda lentegrasyon Pei Manm Linyon *Africain*.

1991 Sef Deta *L'Afrique* bann pei *L'Afrique* ti siny trete *Abuja* pou kree kominote ekonomik *Africain AEC* fodre dir ki 80poursan komers *L'Afrique* i an deor kontinan Mr Speaker. Me selman 10poursan ki ganny fer ant bann pei *L'Afrique*.

Pran *Lagos* ti kree plizyer kominote rezyonal parey loter Mosyon in prezant devan nou, par egzanp *ECOWAS*, dan was *L'Afrique COMESA* dan les *L'Afrique, SADC Sud Afrique* me sa nivo komers in dousman son devlopman pou plizyer rezon.

Par egzanp in mank armonizasyon bann fragmantasyon ki annan lo kontinan kou eleve pou fer komers, kou eleve baryer tarif e non baryer tarif, sistenm *Custom* ki son bann regleman i tro sarze e ki fer komers vreman difisil.

Me Labank Mondyal *L'Afrique* labank *Africain* i rekonnnet, ki lentegrasyon rezyonal i priyorite pou devlopman kontinan *L'Afrique*.

Zanvye 2012 Mr Speaker Sef Deta kontinan *L'Afrique* ti adopte en desizyon pou kree en marse lib pou kontinan

L'Afrique. In ganny rekonnèt ki kontinan *L'Afrique* Mr Speaker pou bezwen met an mars sa lagreman. Pou son benefis dan lavenir.

Mr Speaker dan bann *forum* enternasyonal par egzantp *ACP-EU* avek *IPU* in annan bokou bann diskisyon vizavi sa devlopman. E parey mon dir mon kontan ozordi ki nou'n ariv kot nou ete ozordi.

Mr Speaker prezan mon pou pas en pti pe an detay lo sa lagreman. Mr Speaker Lagreman Komers Lib kontinan *L'Afrique* Sesel ti'n siny sa lagreman le 21 Mars, 2018 an *Kigali Rwanda*, 54 pei *L'Afrique* in ganny dir in sinyen, e 36 in ratifye ziska konmela.

Negosyasyon pe ganny fer pou ganny fer an de faz. Faz enn in kouver komers komodite servis. Dezyenm faz i kouver lenvestisman drwa propriyete e entelektyel e Polisi konpetisyon.

Mr Speaker sektor ki negosyasyon in konplete se lo baryerman tarif lo komers, baryer teknik lo komers, korperasyon *customs* e lasistans mityel ladministrasyon.

Fasilitasyon komers regleman e prosedir pou rezourd dezakor, 90poursan negosyasyon lo reglemantasyon lorizin, e proze dir tranzitwar.

Mr Speaker negosyasyon dan komers servis in konmanse depi Desanm 2018. Lapros negosyasyon dan servis in tonm dan en kad korporasyon legal lo lagreman Komers Zeneral lo komodite e servis.

Kot negosyasyon pou pran an plas, se an 2 faz. Faz 1 i kouver 5 sektor priyorite. Biznes servis, servis kominikasyon, servis finansyel, servis tourizm e servis vwayaz, servis transportasyon. Sesel ti soumet en lof an Out 2020 swivan nevyenm group travay lo komers dan servis.

Mr Speaker par egzantp menm apre ratifikasyon sa lagreman deliberasyon negosyasyon lo bann lezot size, kot pa ankor tonm dakor pou kontinyen parey loter Mosyon in dir.

E la size ki pa ankor tonm dakor dan faz 1 negosyasyon se regilasyon lo size lorizin, lo tarif, faz 2 negosyasyon i konpri, drwa propriyete entelektyel, Polisi konpetisyon e ki pa ankor konmanse. Lezot sektor servis parey Lasante, Ledikasyon parmi lezot.

Fasilit lazisteman lagreman Komers Lib Kontinan *L'Afrique*. Mr Speaker i pou lenfliyans lenvestisman pou siport komers e krwasans ekonomik pandan peryod

lazisteman swivan liberalizasyon e permet Pei Manm relevan pou administre lefe advers.

L'Afrique Unis sistenm peyman e rektifikasyon? Lenfrastruktir peyman santralize e rektifikasyon pou komers ant pei kontinan *L'Afrique* e peyman komers.

Platform *Africain due diligence* repozitwar. I servi konman en sours santralize lenformasyon pou sirveyans lo kliyan.

Mr Speaker lo obzervatwar komers lib *L'Afrique* i pou deservi konman repozwar prensipal lo kalite e lakantite lenformasyon komers. Pou etabli en Sant Lenformasyon Komers *L'Afrique* i pou sirvey evalye lenplimantasyon proses e lenpak komers *L'Afrique*. I pou furni lenformasyon detaye e lezot lenformasyon asosye e komers sektor prive loportinite biznes.

Mr Speaker prezan mon pou koz en pe lo bann benefis sa ratifikasyon. Benefis ki pou vin atraver sa ratifikasyon, i *comme* swivan, i pou ofer nouvo marse pou bann Pei Manm kontinan *L'Afrique*, enkli son bann Pti Leta Zil.

Mr Speaker parey mon ti dir o debi i prezant en loportinite sirtou la dan sa

sityasyon advers *COVID* e osi prezant osi loportinite lanplwa parmi lezot.

Mr Speaker i pou osi retir nou depandans lo bann marse tradisyonnèl dan kad Sesel marse Linyon Eropèen parmi lezot.

Mr Speaker, mon rapel dan bann diskisyon dan lepase ti annan sa bann lenkyetid letan nou Sesel, ti pe negosye avek Linyon Eropèen lo sa Lakor *ACP-EU*.

E nou ti vwar ki i annan sa nesese pou al dan sa direksyon parey sa lagreman pe donn nou sa loportinite ozordi.

Mr Speaker lavantaz osi se i pou kree akse e kontak resours alternativ e divers.

Mr Speaker sa i vreman nesese ozordi, akoz nou vwar ki i annan bokou lentere parmi bann zenn lantreprenèr ozordi dan Sesel e dan serk biznes, kot i demande sa diversifikasyon e kontak pou ganny resours, an menm tan nouvo marse. I pou promot devlopman endistriyel soustenabilite kapasite rezilyans en krwasans enkli-siv sosyo ekonomik.

Mr Speaker, la ankor sa pou donn nou sa lenpak lo nou kapasite rezilyans Mr Speaker letan nou bann sitwayen zot pou antre dan sa bann nouvo marse ki pe ganny ofer.

Mr Speaker i pou osi adres bann tel *challenge* notaman kreasyon plis lanplwa diversifikasyon dan kreasyon larises e finalman atir lenvestisman direk dan Sesel.

Mr Speaker, avan mon konklir, mon ti a kontan lev 2 pwen pou konsiderasyon. Mr Speaker mon'n ganny sans koz avek plizyer bann endividi dan sektor biznes. E osi dan partisipasyon parey mon dir dan *ACP-EU* avek *IPU*.

Nou vwar ki lo kontinan *L'Afrique* i annan bann baryer, baryer ki ozordi ou demann ou lekor be akoz ki sa bann baryer pa kapab ganny tire e mon kontan taler ki loter Mosyon in koz lo sa size *sovereignty*, sa osi en size ki petet dan lavenir nou pou bezwen al lo la, akoz letan ou pe get lafason ki globalman lentegrasyon pe arive, evidaman mon pou bezwen perdi serten poursantaz lo souvrennte.

Si non Mr Speaker, sa lekspektasyon ki nou annan avek sa bann tel lagreman ki nou pe ratifye i pa pou anmenn nou bokou zistans.

E alor isi Sesel mon santi poudir i annan serten bann *gaps* ki nou pou bezwen adrese. E la mon pa konnen si lo kote sirveyans Lasanble i pou tonm lo kote *FPAC*.

Me mon santi poudir sa bann loportinite atraver sa bann lagreman ki nou sinyen, i bon, i byen. Me mon santi poudir menm si ozordi nou'n an devlopman teknolozi, devlopman dan transportasyon ensidswit, me i annan nou bann dimoun ki bezwen en koudmen.

Parfwa bann dimoun ki ansarz dan bann serten Lazans i dir be nou'n mete mesaz la deor. Nou'n konsilte. Me solman ou pa vwar bokou dimoun pe aprozé. Me ou demande eski Lasanm Komers Sesel i ase azour avek devlopman, avek sa bann lagreman ki pei pe sinyen?

Eski i annan ase langazman, eski i annan ase lentere pou zot vin devan e travay ansanm pou vwar ki fason nou kapab pous nou bann sitwayen ki dan biznes, anver sa bann loportinite.

Mr Speaker la mon santi poudir sa *gap* depi en bon pe letan, i demann ranpli me i demann bann dimoun ki ansarz pou pran bann linisyativ.

E mwan mon ti ava demande ki, mon pa pe dir ki Minister Finans ouswa bann lezot lazans pa pe fer ase. Me i annan bann *gaps* ki nou konman bann Manm Parlman, letan nou antre an diskisyon ek bann plizyer, akter nou vwar

poudir i annan sa nesesite pou adres sa bann *gaps*.

Mr Speaker, mon a donn ou en legzanp. Nou aprann la ki i pou annan sa *Dubai Expo* e mon'n ganny sans koz avek enn de bann dimoun ki dan biznes. Me ou a sirprann ki ou a krwar zot pa konnen poudir ti annan sa

E la mon pe mazin *WonderWeiss* ki i annan en proze ki mon santi ki Sesel ti kapab ganny larzan, si i ti kapab al ekspoz son proze laba dan sa *Dubai Expo*, kot ti ava annan en lenterer sorti kot en lenvestiser etranze.

Akoz mon'n ganny dir poudir i annan pei ki'n deza donn larzan serten pei ki pe partisipe pou zot kapab devlop bann proze.

Par egzanp enn se *chez l'habitant* en proze ki Sesel osi ti ava lo la dan leparse.

Me i annan en pei ki'n prezant en proze parey e in ganny finansman. Me nou'n vwar ki nou pe mank bokou loportinite.

Me atraver deliberasyon lo sa ratifikasyon mon espere ki bann dimoun ki pe ekoute, bann dimoun ki annan pou fer avek fer biznes an menm tan fasiliter ava pran serten mon bann pwen an konsiderasyon.

Avek sa 2 mo Mr Speaker mon remerci ou. Mon ti ava demann tou Manm pou siport sa Mosyon Mersi.

MR SPEAKER

Mersi Onorab William. Onorab Aglae mon apel ou pou ou lentervansyon.

HON EGBERT AGLAE

Mersi Mr Speaker. Bonzour tou Manm Onorab e tou dimoun ki a lekout. Mr Speaker mon osi mon pou pare pou mwan donn mon sipor ratifikasyon sa lagreman *Free Trade*, ki i annan gran lenportans e osi ki sorti vremen lwen pou nou kapab ariv la.

Me selman menm si nou'n ariv la, i annan ankor en gran parkour dan realizasyon sa *Free Trade area*. Mr Speaker i annan en sitasyon ki Prezidan *Uhuru Kenyatta* ti fer sorti mon pou lir li koumsa komansman sitasyon;

"They cannot be a good reason why it is easier for US to trade with Asia, Europe and the America rather than with the fellow Africans." Fen sitasyon.

Ki vedir i pe fer resorti ki nou war li pli fasil pou nou fer komers ant bann pei Lasi, *L'Europe* e *L'Amérique* ki pou fer avek nou menm nou ki trouve bann pei lo kontinan *L'Afrique*.

E Mr Speaker i annan bokou rezon per deryer bann diferan difikilte pou kapab anmenn sa *featured area*.

Parey loter Mosyon ti komanse ti nonm enn de bann blok ki ti'n egziste dan *L'Afrique* komers ki'n plizoumwen, mon pou dir 100poursan in marse, me selman in anmenn serten benefis. Me selman in ede osi pou kre bann divizyon lo nivo *L'Afrique*.

Dan mon parkour lo nivo SADC Mr Speaker nou'n vwar e bann diferan dosye e bann diferan konsern menm atraver Mosyon ki ganny table. E bann Lalwa model ki ganny met devan, pou sey anmenn sa *L'Afrique* ki nou konnen ozordi ki li menm li i annan en gran pwisans ekonomik.

Malgre nou pe dir i mizer, nou konnen poudir *L'Afrique* li menm li i pe domin plis ki 30 poursan resours mineral mondyal, plis ki 40 poursan kot i konsern metal, plis ki 902 poursan ki konsern bann rezerv *platinum*.

E osi en gran poursantaz delwil ki bokou bann pei tyermonn parey *L'Europe* menm *L'Amérique*, *L'Azie* zot par deryer pou zot kapab ganny sa resours li menm e ki zot deza pe eksplwate.

Me nou, nou konsern se ozordi se ki mannyer *L'Afrique* li menm, menm si nou dir i annan tou sa resours ki montre ou poudir i vremen ris, bokou son bann pei i dan la mizer.

Mr Speaker avan mon tous en pti gin lo sa teknikalite ki annan en pti gin dan sa lagreman li menm li, i bon fer resorti ki bann zefor lepase ki'n ganny mete par bann Dirizan *L'Afrique*, in al dan diferan direksyon.

Diferan direksyon akoz nou konnen tradisyonnelman *L'Afrique* i en kontinan ki'n ganny kolonize par bann Eropéen, par bann diferan pei ki ti annan pouvwar ekonomik sa letan, e zot in andoktrin en fason ekonomik mon kapab dir lo sa bann pei.

E bann zefor ki'n ganny mete pou sey liber zot en pti gin, pou zot kapab pran zot desten dan zot lanmen, i ganny met an otaz par sa bann menm pwisans ekonomik pou bann diferan rezon lentere ki zot annan lo kontinan *L'Afrique*.

E sa i fer ki okenn bann linyon ki ou formen okenn bann blok ki ganny sey formen, tou kou i ganny *undermine* par deryer avek en rezon politik ekonomik.

E sa i fer ki nou pa pou kapab vwar sa ki nou, nou ti

ava anv'i vwar sa 100poursan *featured agreement* ki'n egziste san ki nou pa konmans dezentegre sa bann baryer, elimin li pti-a-pti pou fer ki *L'Afrique* i a kapab dir 100 poursan i a kontrol son desten ekonomik.

E pour sa Mr Speaker i annan gran parkour pou nou ale. E se sa ki dan sa lagreman li menm li i annan bann diferan faz negosyasyon ki'n egziste depi komansman.

Pa tou keksoz ki ti al byen mon kapab dir, akoz bann negosyasyon ti entans e parey loter Mosyon i dir souvrennte ekonomik en pei i ti ganny kestonnen bokou, e bann lenterferans eksteryer par bann lezot Linyon, in fer ki parkour in ale. Me in *bumpy* parey nou dir an Angle, i annan bokou bann *rough*.

Me selman sa ki enportan se avek serten sanzman *mindset set* e bann nouvo zenerasyon ki trouve lo *L'Afrique* e bann nouvo dirizan ki pe vini ki pa tradisyonnelman ki'n la pou plizyer lannen, i pe enkilke e kiltive sa kalite *mindset set* ki nou war i pe arive fer sa ki sa *African Free Trade* pe demann nou ozordi.

E ozordi sa ki mwan mon kontan se ki, i annan en louvertir, en louvertir

ekonomik, en louvertir ekonomik, en louvertir *trade*, e i annan bann proteksyon ki vin ek sa bann louvertir. Sa ki enportan.

E ler mon pe dir proteksyon mon pe dir bann Polisi, bann Lalwa ki pe ganny anmennen pou protez bann tel louvertir parey. E enn bann gran prensip ki ganny bann proteksyon, se si mon pe antre dan en lenvestisman li menm li, kot ou drwa sa ki nou apel nou *Intellectual Property Rights*, si ou pe vin avek en prodwi, ou pe devlope, ozordi i annan son Lalwa ki pe protez li.

Si ou pe antre an konpetisyon osi avek bann lezot pei osi i annan bann *Competition Policy* ki egziste enn bann prensip ladan.

I fer osi mansyon pou annan bann korperasyon rezyonal an term *trade* e bann diferan *area* ki ganny trouve dan sa bann *trading services*. E osi i kre bann mekanizm osi si an ka parey loter Mosyon, kot i annan bann dispit ki arive ekonomik ki ou kapab ganny en *fair trial*, en *fair settlement*.

E la ou kapab dir be mon a kontinyen mon biznes, mon relasyon, ouswa mon drwa ouswa mon lobligasyon ki i ganny egzekite anba sa bann lagreman.

So Mr Speaker nou dan bon direksyon e nou bezwen kontinyen e soutenir sa lagreman li menm. E bann benefis ki anmennen anba sa lagreman e eksper ki'n vwar poudir ki ozordi *L'Afrique* i annan li en *GDP value* pis ki \$3.4trilyon *combine* sa 5 pei ansanm.

E pour nou sa, ler ou pe partaz li avek sa 1.3bilyon dimoun ki ganny trouve lo *L'Afrique*, nou vwar poudir i annan larzan i annan resours i zis en fason kot annou partaz li prezan ekitableman, pou nou kapab dir *L'Afrique* pa mizer.

Tan ki nou pa pe fer sa lapartaz ekitab nou pou touzour dir poudir *L'Afrique* pou reste mizer. E osi i pe anmenn li ler nou fini ratifye sa bann lagreman, tou pei ki form par sa laranzman, nou pou kapab vwar poudir pou annan apepre 52.3poursan *economic boost*.

E ki s aki pou anmennen plis diversifikasyon dan *trade*, nou ava annan plis sistenm takzasyon ki a pli armonize, nou ava annan bann karyer bann tayer, bann barif ki a ganny tire pou benefis bann pei sirtou lo kontinan ki bezwen pas lafrontyer kanmarad.

E sa i pe anmenn ankor en krwasans \$2.5trilyon dapre

bann analiz eksper, *once* nou get sa keksoz dan *gear* pou bouze. Me kote Sesel i antre ladan? Mr Speaker Sesel koman i en Pti Leta Zil li menm li nou depan bokou lo lenportasyon.

Nou annan bann partener ekonomik, bann lagreman ekonomik osi ki nou annan lo baz Gouvernman li menm e osi bann lorganizasyon, kot nou kapab fer bann lenportasyon dan nou bann pei tradisyonnel. Ki byen sa, napa problem.

Me lefe i reste ki ozordi *L'Afrique* sa resours ki li i annan, sa potansyel devlopman ki i pe mars lo la, i annan plis potansyel pou li kapab *trade* lo nivo *L'Afrique*. Sa in montre nou sa.

Me i annan detrwa baryer ki mon santi mon bezwen adrese met devan loter Mosyon, lo lafason ki lekonomi Sesel kot i konsern *trade*, i ete ozordi. E ler nou pe gete premyerman sirtou lo lenportasyon komodite li menm li, bann *goods* i ganny dominen par bann Endyen dan en sans.

E nou, nou konnen poudir bann Endyen zot pa tro *trade* avek *L'Afrique*. Sa i en fe. Zot plito tradisyonnelman parey kiltir Sinwan i ete *trade within themselves*, vedir zot pou al dan Lenn. Si nou ti annan plis

sinwan zot ti pou al ver *La Chine* osi zot osi.

Sa i ede kit sa resours ant, nou konnen ki mannyer sa i marse. Ki nou, nou bezwen fer la, mon krwar ki enportan, se ki mannyer nou revaloriz Seselwa, reste anmenn Seselwa desann bann sekter lenportasyon kle kot i konsern lenportasyon bann *goods*.

I annan ban lezot servis ki Seselwa i dominan, sa i napa problem nou pou benefisye lo la. Parey si nou annan en Lendistri Lapes kot Seselwa i kapab antre, i annan bokou Seselwa Ladan.

Nou annan bann *additional services provider* ki nou annan nou osi ki kapab antre, ki pou benefisye avek bann pei Afriken. Nou annan osi petet bann sekter avenir ki nou pe mazin devlope sirtou, avek Lekonomi Ble ki deza egziste ki pou anmenn benefis pou nou Seselwa.

Me selman sa ki mon pe dir kot vant Seselwa i konsernen, pa Seselwa ki pe kontrol son vant lo lenportasyon ozordi. Sa i kler. Si nou pou al dan *garment industry* sa i en lot direksyon ki nou kapab pran.

Alors Mr Speaker Departman *Trade* kot Finans, mon krwar i annan en pe travay

ki zot bezwen asize fer pou vwar ki mannyer nou pou *bring* Seselwa *onboard*.

Parey Onorab William refer sorti taler in dir poudir in koz ek bokou bann akter dan lendistri ki ti annan *Expo 2020 Dubai* zot pa okouran.

Me sa ki enportan se ki mannyer nou fer Seselwa *engage*? Ou kapab okouran me selman ki mannyer ou annan sa lafors pou met en pa pli devan pou al angaz ou anver bann demars e loportinite, ki bann lagreman pe anmennen. E sa i nesesit en kantite negosyasyon e koze.

Mr Speaker ler mon pe koz lo negosyasyon ek koze anba sa lagreman li menm li, menm si nou, nou'n ratifye, nou pe ratifye, son sinyatir ti ganny fer par Vis-Prezidan li menm.

Nou annan bann Protokol osi ki atase dan sa lagreman. *Ok* nou'n siny sa *key guide regulation* apre nou'n sa menm sa *AFTA* menm nou'n sinyen. I annan sa bout kot *a Free Movement* Protokol. *Free movement of business person* anba sa lagreman li menm ki nou Seselwa nou pa ankor ratifye e mon konpran akoz nou pa kapab ratifye sa.

Nou en pti pei, nou pa kapab *allow* en *influx of* dimoun lo kontinan vini antre pou vin

fer biznes ouswa pou antre dan i kapab dan Sekter Touris li menm li, vi ki i en biznes, nou pou bezwen annan serten kontrol lo la, akoz nou pou war nou dan problem.

So i annan bann lezot pei osi tou ki pa tro krwar ladan, ki pa'n sinyen pou bann rezondet parey. Sirtou la dan peryod *COVID*, mon krwar i enportan ki mannyer kwa ki vin, lekel ki vin kot ou, keler ki i vin kot ou, e kantite ki ou lese antre se ou. Mon krwar i enportan sa.

E lo sa menm kontinan menm parey nou a war *Sud Afrique* osi li osi li ki i paret mwan i pa re anvi form par sa pou bann diferan rezon, menm sinyatir inisyalyal li i pa ankor anvi sinyen. So i annan bann eleman mon krwar baze lo sak pei ki zot, zot bezwen kontinyen negosye.

Akoz sa *negotiation process* i pa ankor fini i kontinyel. E ler par egzanp nou ki dan *WTO*, kot nou'n siny *WTO* e ladan i annan bann diferan eleman ki nou bezwen tonm an akor avek.

E ler ou pe get avek *AFTA* osi ki mars en pti pe anliny me selman i anmenn - mwan pou mon ler mon pe get li i pe anmenn en pri pe plis proteksyon ki anba *WTO* li menm.

E Mr Speaker pou Sesel li menm li kapab, mon kapab dir vwar 100poursan en fri e *come* pour nou kapab dir la nou pe anmas benefis anba sa lagreman ki nou pe sinyen. Zefors an plis i bezwen ganny mete pou nou kapab *engage* Seselwa parey mon pe dir. Annou pran zot, annou liste bann prodwi.

Souvandfwa ki nou'n war se ki menm nou, nou pa lo kontinan, nou lo Leta Zil dan losean. Bokou pei *L'Afrique* i pa konnen ki zon *counterpart* lot kote pe fer ki annan pou ofer me nou vwar bann senp legzanp parey nou kapab dir en legzanp se *Botswana* nou ti vwar.

Botswana i en pei ki avek en popilasyon apepre 2.2milyon zabitan. I enn bann pli gran prodikter lavyann bef, pli bon kalite bef li menm li. E bokou pei *L'Afrique* ti a kontan ganny sa pli bon kalite lavyann bef, me difikilte i vin avek se bann baryer ekonomik ki egziste.

Me selman nou vwar poudir *L'Europe*, *Botswana* i enport *least* lavyann ver sa kontinan. Sa i en bann fe ki avek bann lagreman parey i ava retir en pe sa bann baryer ekonomik ki fer ki akse i a pli fasil e nou, nou kapab *trade amongst ourselves*.

E pour terminen Mr Speaker enn osi ki enportan, mon krwar i en keksoz pli enportan pou nou kapab mezir sikse lo sa laliny sa bann lagreman se ki mannyer Sesel li i etabli en *trust* avek en konsistans anver bann pei *L'Afrique*.

Menm si nou konnen parfwa bann diferan eleman parey lager bann konfli politik, bann konfli entern laba *L'Afrique* in ede pou detri sa *trust* ki nou ti kapab mete e osi sa konsistans.

Mon pe dir sa aköz? Si demen mon dir nou etabli en lyen komers ki Sesel in deza pe konmanse avek Kenya. Nou dir *ok*, nou pou enport lavyann, nou pou al ant enport en pe parey bann fri, legim menm fler parey dan ortikiltir.

Nou etabli sa *trust* nou dir be ok sa marse i la pou nou, nou pe anmenn Seselwa laba. Me soudenkou apre i annan bann konfli politik ki leve ki fer ki *supply and demands change* i ganny koupe e nou war nou napa en konsistans.

E bokou bann pei *L'Afrique* parfwa i pe pas atraver bann konfli ki an se moman la, i en pti pe mwens, mwens. Me si sa bann eleman *controversial* i ganny arete mon krwar nou kapab fer pli byen.

E anvoy plis Seselwa e devlop sa *economic trust* ki enportan ek sa ekonomik *consistency* pou fer ki nou ava kapab *trade amongst ourselves* en pti pe plis. E nou ava war benefis desann dan pri aköz i annan bokou bann bon prodwi lo nivo *L'Afrique*. E osi Sesel nou annan bann bon prodwi ki nou kapab eksporte ver *L'Afrique* e sa i ava ede.

E avek sa Mr Speaker mon pare pou mwan donn mon *full* sipor sa lagreman aköz mon war kote ki i pe ale, kote i pou anmenn Sesel, kote i pou anmenn biznesmenn Seselwa e ki benefis ki atase avek. Mersi Mr Speaker.

MR SPEAKER

Mersi Onorab Aglae. Mon apel Onorab Hoareau.

HON JOHN HOAREAU

Mersi Mr Speaker. Bonzour Mr Speaker. Bonzour tou dimoun a lekout.

Mr Speaker Mosyon ki devan nou se pour donn sipor sa lagreman ki Sesel pe al sinyen avek *AfCFTA - African Continental Free Trade Zone*.

Bon mon krwar i enportan ki nou apros sa size osi avek en lespri oubyen avek perspektiv en pe istorikal, pou nou kapab konpran en pti pe ki fason

oubyen ki relasyon Sesel depi byen lontan i annan avek *L'Afrique*.

Parey in ganny dir, Sesel ti form parti OAU, an Zen 1976 apre nou lendepandans. Me li menm OAU in ouver si oule formelman depi 1963 *Addis Ababa*. E i ti ouver avek en filozofi si oule ki ti ganny apele *Pan-Africanism* kot ti pe prolifere bann mouvman lendepandans oubyen prolifere ideoloji pou bann peyi *L'Afrique* pran zot *political independence* e osi *economical independence*.

Me ler nou gete pandan sa lepok ki sa ti pe arive ti annan sa ki nou apel *La Guerre Froide* ant *east* ek *west* Sosyalizm avek Kapitalizm e laplipar bann pouvwat kolonyal ti sorti dan bann peyi kapitalis.

Alor ti normal dan en serten fason ki bann pouvwat revolisyoner, bann *new emerging* parti politik ti sorti dan bann, si oule filozofi Sosyalizm e apartir sela zot ti annan sa afilyasyon avek sa 2 blok *super power* ki ti annan dan sa lepok.

Me ki'n arive, se ki vre *L'Afrique* in ganny bokou *political independence*. Bokou bann *state* in vin endepandan. Me ekonomikman sa pa'n bouz tro lwen.

In annan bokou koripsyon, bokou *bad governance*, bokou birokrasi e *cumbersome procedures* dan *trade* ki'n fer ki ekonomikman *L'Afrique* pa'n tro bouz tro lwen lo sa size *economically independence*.

Apartir oubyen a leksepsyon serten peyi parey *Sud Afrique*, parey *Namibia*, parey bann peyi *Northern Africa* ki ti annan delwil e ki ti vwar zot dan en pozisyon ekonomikman pli soutenab.

Me apartir sela ler sa kalite lorganizasyon OAU pa'n kapab ede pou anmenn *eradication of poverty* e *promote peace and development*, ki'n arive nou'n vwar poudir in annan bann *regional integration bodies* ki'n ganny formen en pe partou, partou *L'Afrique*.

Parey in ganny dir *ECOWAS - Economic Community of West African States*, *SADC - Southern African Development Community*, *COMESA - Common Market for Eastern and Southern Africa*.

E sa bann keksoz in ganny formen pou etabli si oule en lyen komers, en lyen ekonomik ant serten groupman dan *L'Afrique* li menm.

Si nou get par egzanp lo bann *data* ki *World Bank* i

provide, i dir nou koumsa poudir komers antre kontinan ler nou get *L’Amerique* i pe zwe dan 51poursan komers antre bann pei dan sa kontinan.

Lazi apepre 49, *Latin America* apepre 22poursan. E ler nou pou get pou *L’Afrique* i tonm apepre 17poursan. E *forecast pour economic growth L’Afrique* in ganny dir poudir i pou apepre 3.6poursan sa lannen.

Alor ler nou pran kont tou sa bann sityasyon, i fer nou vwar poudir i annan en nesese *more than ever before* ki *L’Afrique* i zwenn koman en kontinan e i etabli serten mekanizm pou fer komers antre bann pei. E sa i pe ganny fer anba *hospice AU - African Union*.

An dizon sa Mr Speaker sa *African Continental Free Trade Area*, i pou anmenn bokou benefis pou komers isi Sesel. Par egzanp mon pe mazin Mustafa ki fer prodwi *cinnamon*, prodwi azoute i vedir *cinnamon oil*, i osi aste lekors kannel, i reste Beau Vallon, pou posib pou li vwar bann nouvo *markets*.

Par egzanp *Sud Afrique* ozordi i a pe fer bokou prodwi ala baz kannel dan *drinks* e dan kosmetik e sa i pou ede petet anmenn en pers ekonomik pou

li. I annan osi bann lezot dimoun dan Beau Vallon ki pou petet benefisye si nou annan en lagreman parey.

Mr Ah-time par egzanp ki pe al dan prodwi *fish products and value added products* petet dan pwason, petet i a war li annan en nouvo marse pou li penetre dan *L’Afrique* olye al Lazi olye al lezot pei.

Me selman an prenon kont tou sa ki nou pe dir dan nenport ki fason biznes, biznes i ganny dikte par profi. Alor en dimoun i dan son lentere pou li vann oubyen fer komers kot i ganny plis profi.

So, i nesese ki sa lorganizasyon i travay osi lo bann tarif e lo bann lagreman pou *avoid double taxation*, ki fer ki prodwi antre sa blok komers *L’Afrique*, i a ganny fer dan en fason ki ou ganny *maximum profit out of it*.

Mr Speaker nou pei osi koman en pei pou benefisye si nou annan nouvo *market* e nouvo loportinite biznes. Nou dimoun ki annan larzan i kapab *freely* al investir dan bann lezot pei *L’Afrique* e *vice versa* bann dimoun dan bann lezot pei *L’Afrique* i kapab anmenn sa ki nou bezwen isi se *FDI - Foreign Direct Investment*.

I ede pou redwir nou lendependans lo touris. Parey

nou konnen avek sa bann problem COVID ki pe arive ozordi, i nesese ki nou *diversify* nou lekonomi, nou sorti, nou pa sorti konpletman me nou *diversify*, nou met si oule parey nou sir nou lapat dan diferan sekter, ki i a kapab anmenn en soutyen pou pei a en letan ki touris pa kapab *travel*.

Mr Speaker sa i osi a ed nou ganny akse parey dir avek *raw materials*. E mon kontan ki laplipar dimoun ki'n koze in rekonnèt ki *L'Afrique* i kontinan pli ris an term resours natirel, e i osi annan posibilite vin en kontinan pli ris an term *labour* avek Resours Imen.

Me selman i pou tou depan ki mannyer nou zwe nou kart, ki mannyer nou pep Afriken nou sezi bann loportinite pou nou enport teknolozi e osi servi teknolozi dan en fason ki pou anmenn benefis pou nou pei e pou bann lezot pei dan *L'Afrique*.

Mr Speaker en keksoz osi ki'n ganny fer resorti me selman mon oule met en pe lanfaz lo la, se ki bokou de fwa si nou get par egzansp bann pei parey bann ki dan *L'Europe*, zot ti'n pas atraver bann faz kot nou apel bann *industrial revolution*, in sorti *agriculture, economy*

based activities pou vin dan teknolozi.

Dan lendistri. Me nou osi kontinan *L'Afrique* nou kapab annan sa faz devlopman ki pou fer ki resours natirel ki *L'Afrique* i annan i kapab ganny eksplwate e ganny *turn into* bann *finished products* parey nou apel sa, *L'Afrique* menm.

Alors i nesese annan en kadreman dan sa lagreman ki ankouraz sa kalite demars, ki ankouraz demars syantifik, ki ankouraz proteksyon pour *intellectual properties*, pou *copyrights* ensidswit.

Ki en fason ki ler bann pei *L'Afrique*, bann dimoun ki viv dan kontinan *L'Afrique* i dekouver serten keksoz, i kapab servi li avek serten proteksyon ki son lide pa pe ganny kopi *elsewhere* e sa i anmenn benefis pou tou sa bann Nasyon.

An dizon sa Mr Speaker mon pou siport sa lagreman, e mon pou demann sirtou tou m0on bann koleg pou fer menm parey e siport sa lagreman ki Sesel i ava kapab benefisye atraver lentegrasyon dan sa lagreman. Mersi.

MR SPEAKER

Mersi Onorab. Nou a pran poz la e nou a rebran travay l1er. Mersi.

(BREAK)**MR SPEAKER**

Permet mwan verifye mon lalis. Mon annan Onorab Cosgrow, Loze, Woodcock, Henrie, Andre, Bistoquet, Pillay e Lemiel. Korek sa? I annan lezot ki ti'n met lanmen? Loizeau e Adelaide, byen? Tre byen. Mon apel Onorab Andre.

HON CLIFFORD ANDRE

Mersi Mr Speaker. Bonzour tou Manm Onorab e tou dimoun a lekout.

Mr Speaker koman Sef Delegasyon Sesel pou *ACP-EU* i fer mwan en tre gran loner pou kapab partisip dan sa diskisyon ozordi, dan sa ratifikasyon plito ozordi.

Me en konsern ki mon ti a kontan leve, se ki Sesel in siny sa lagreman depi 2018 letan i ti ganny pase, depi an 2018. In pran 3an pou nou kapab ratifye sa lagreman. Pour mwan sa i en keksoz ki konsern mwan bokou.

Akoz koman en pti pei mon krwar i enportan ki letan nou pe diskrit sa bann lagreman, definitivman nou bezwen soulev bann konsern ki afekte oubyen ki pou afekte nou koman en pti pei. E si nou'n ariv staz kot nou'n sinyen, mon

krwar ratifikasyon osi bezwen pran tro bokou letan pou nou kapab fer ratifikasyon.

Akoz letan nou get lo lalis i annan pei ki'n sinyen e 3 mwan apre zot in ratifye, pa neserman ki nou bezwen fer li apre. Me selman mon mazine 3an i en pti pe bokou letan pou nou fer sa prosesis.

Me parey nou konnen i pa en *issue* pou ladministrasyon aktyel pei, me i en keksoz ki'n pase. E nou nou'n, *LDS* in *inherit* sa sityasyon, alors nou pe fer nou mye pou nou kapab ariv lo ratifikasyon ki la ozordi.

Mr Speaker mwan osi, parey lezot ki'n koze, krwar ki i enportan pou nou annan en lagreman ki permet *trade* ant bann pei libreman. Sa i en keksoz ki ti pou arive, to ou tar i ti pou arive.

Si nou get Linyon Eropéen ki'n al en pti pe pli lwen ki sa ki nou, nou annan, e Sesel nou pa'n siny sa Protokol *Free Movement*, mon pou vin lo la en pti pe pli tar. Me letan nou get Linyon Eropéen, Linyon Eropéen i annan *trade* e i annan sa laspe *Free Movement*.

En drayver ki anbark lo en kanmiyon *La France* i kapab *drive*, menm pou li al *L'Angleterre* an servan *channel* lo bato. E letan i ariv *L'Angleterre* i antre, la prezan

akoz *L'Angleterre* in sorti dan Linyon Eropéen pou annan en lot prosedir ki pou ganny efektye.

Me selman avan sa, sa *Free Movement*, ti egziste ti napa sa bann zafer *border control as such*, pour ki zot kapab libreman fer *trade* antre kanmarad. E sa in enportan akoz in montre ki poudir Linyon Eropéen, in kapab fer bokou keksoz pandan sa letan ki zot in ansanm, menm si zot in annan defi, e defi i form par lavi.

Alors defi i toultan pou la. Me selman parey mon'n dir zot in nobou fer bokou keksoz. Sa eleman *Free Movement* si nou koman en *non-EU citizen* nou pran en *Schengen visa*, nou kapab al dan en nenport ki pei *Schengen*, nou pa bezwen al rod en lot *visa* pou sa pei respektif ki nou pe al ladan.

So sa osi i annan son lavantaz, me i annan posibilite ki i annan son dezavantaz. Me selman nou pa ankor eksplor son lavantaz. Mon en pti pe konsernen e mon pou met sa devan loter Mosyon pou posibleman eksplik nou.

Onorab Aglae in dir ki nou pa'n siny sa e mon ti'n *spot* sa mwan osi. Pou eksplik nou rezondet par deryer Sesel pa'n siny sa Protokol. Akoz letan nou pe get dan definisyon,

definisyon sa lagreman, i dir nou ki dan Lartik 1 kot i koz definisyon i dir nou "*agreement means - this agreement establishing the African Continental Free Trade Area and its protocols.*

I annan en 's' avek. "*Annexes and appendices which shall from part, which shall form an integrate part thereof.*" So mon konsern lo la se si dan son definisyon i dir nou ki i enkli tou son bann Protokol, son *annexes* ek son bann *appendices* e ladan i mete *which shall from part.*

So akoz? Eski sa ti en opsyon, menm si bann pei i bezwen siny Protokol separeman, me selman letan mon pe posibleman kekfwa dan mon lenterpretasyon i pa tro korek. Me selman letan mon pe get sa i pe dir ki sa bann Protokol i form par sa lagreman.

So nou pa ankor siny sa enn Protokol, *free movement*. Eski nou pou sinyen apre, apre nou pou annan sa lot prosesis pou ratifye sa Protokol ki nou'n sinyen. E si i lentansyon Gouvernman pou sinyen, kan ki nou kapab mazine pou sinyen, e ki lentansyon e i lenpak swa pozitiv oubyen menm negativ i kapab annan lo nou pti pei Sesel?

Mr Speaker sa lagreman i enn ki pou mwan, vreman konpreansiv, akoz letan nou get son bann lobzektif ki i donnen i dir ou lobzektif 1(a) dan Lartik 3 i dir;

“To create a single market for goods, services, facilitated by movement of persons in order to deepen the economic integration of the African Continent, and in accordance with the Pan African vision of an integrated prosperous and peaceful Africa enshrine in agenda 2063”.

I en gran parasol Mr Speaker akoz i pe koz lo ki mannyer bann pei *L’Afrique* pe vwar *L’Afrique* li menm de la 2063. E i annan bokou paramet i annan *Free Air Movement* osi ki en *issue* ki zot in dir nou bezwen konsidere ladan.

So mon pou demann loter Mosyon pou si i posib la pou *enlighten* nou lo vizyon Gouvernman dizour, lo sa bann laspe e si nou'n komans vwar en pti kou sa azanda 2063.

E letan nou get sa lagreman Mr Speaker, ki mwan osi mon pou definitivman donn mon sipor, akoz i enportan, *L’Afrique* i nou kontinan, i annan bokou Seselwa ki dir ou i pa Afriken.

Ennler ou sey konpran ki kontinan ki nou asosye nou

avek e mwan mon fyer pou mwan asosye mon avek kontinan *L’Afrique* dayer mon nesans in dan en pei *L’Afrique*.

Alors mon krwar nou bezwen fer sir ki pei *L’Afrique*, kontinan *L’Afrique* i reste enn ki ozordi parey in ganny dir i annan bokou resours e letan ou get kolonizasyon ki'n arive, lentansyon i paret ki zot ti anvi eksplwat bann resours ki kontinan *L’Afrique* i annan pou zot benefis.

E sa in ganny fer parsyelman e letan zot i ale zot in kit *L’Afrique* si oule avek bokou bann defi ki nou ankor pe fer fas avek.

Mr Speaker avek sa detrwa mo, ek sa detrwa kestyon ki mon'n poze. Mon espere ki nou ava ganny serten klarite lo serten sa bann pwen. I en lagreman vreman detaye.

Alors mon mazine i annan lezot Manm ki pou koze, zot ava al lo lezot pwen ki pertinan, pou nou kapab fer sir ki a lafen dizour nou konpran sa.

E mon ti a demande ki kekfwa ki Lotorite i konsyantiz bann *traders*. Pa zis nou, nou koze nou, nou dir sa imsy sa madanm i kapab ganny plis perse. Me selman nou konsyantiz zot ki responsabilite zot annan ki drwa zot annan ki

zot kapab fer, ki zot pa kapab fer anba tel lagreman ki zot osi zot ava familyariz zot avek en lagreman.

Akoz souvandfwa nou war ki en lagreman i vin dan Lasanble nou ganny en deba lo la, apre i fini lanmenm person pa konnen. Bann dimoun ki sipoze ganny afekte zot menm zot, zot pa al dan sa lagreman pou zot gete ki bann pwen, ki bann konsern zot kapab *raise* menm si nou, nou'n fini diskrit sa dan Lasanble.

Mr Speaker avek sa de mo, mon ti a kontan dir loter Mosyon ki mon pou definitivman donn mon sipor pou sa Mosyon, me selman mon ti a kontan serten klarite parey mon'n demande. Mersi Mr Speaker.

MR SPEAKER

Mersi Onorab. Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour tou Manm Onorab. Bonzour tou dimoun ki a lekout.

Mr Speaker mersi pou donn mon laparol koman en Manm nou Lasanble e osi en Manm Komite IAC ki mon'n privilezye pou mwan ganny sans zwenn avek bann

teknisyen Departman Komers, ki'n eksplik nou en pti pe lo sa Protokol. E ki ozordi mon kapab fer mon deliberasyon dan Lasanble Nasyonal.

Mr Speaker bann Manm ki'n koze avan mwan in koz bokou lo lentegrasyon Sesel avek Linyon Afriken avek kontinan *L'Afrique*. E nou'n koz bokou lo lapartenans Sesel avek sa kontinan en kontinan ki annan bokou potansyel en kontinan ki son lavenir i briyan.

E Sesel in osi form parti bann desizyon ki'n ganny pran lo kontinan *L'Afrique*, e nou fyer ozordi pour ki nou kapab dir nou'n osi kontribye dan devlopman sa kontinan malgre ki nou en pti pei e nou detase avek *mainland Africa*.

Mr Speaker sa lemond ki nou pe viv ladan ozordi, i enn ki'n vin tre globalize. Deplizanpli okenn pei pa kapab pratik en Polisi izolasyon avek zot rezyon, zot kontinan e lemond li menm an zeneral.

Ki swa groupe lo nivo politik, ki swa groupe lo nivo ekonomik, bann pei i groupe lo bann lentere komen afen ki zot kapab retir bann diferan benefis pou avans zot bann plan e Polisi entern.

Sesel Mr Speaker menm si nou pti parey mon'n dir, e separe par losean avek mazorite

bann gro pei e bann gran marse. Nou osi nou pa en leksepsyon. Nou bezwen adapte nou pou nou kapab fer fas avek sa realite.

E lentegrasyon rezyonal in lo nou azanda politik e ekonomik pou bokou lannen bokou letan prezan.

Striktir ki'n ganny mete par Gouvernman e souvandfwa nou refer lo bann Gouvernman oparavan e nou konnen lekel Gouvernman ki ti la oparavan.

E a nivo Departman Zafer Etranzer e Departman Plan Ekonomik e Departman Komers, zot in travay bokou pou met bann striktir an plas pou nou kapab entegre rezyonalman. E fer sir ki Sesel i atas gran lenportans avek lentegrasyon.

Annefe Mr Speaker Sesel in entegre depi tre lontan avek kontinan *L'Afrique*, politikman atraver Linyon Afriken e in ganny dir avan atraver, son predeser OAU. Nou'n enn bann premye manm sa Linyon. E nou'n toultan angaze pour pous azanda Linyon Afriken dan tou domenn.

Byensir kot Sesel i kapab retir maksimonm benefis, resaman nou'n war nominasyon ansyen Prezidan Danny Faure ki sanpyon Linyon Afriken pour domenn Lekonomi

Ble. So i montre kantite langazman ki Sesel in fer atraver sa Linyon e ki pe kontinyen fer Mr Speaker mon bezwen dir.

Enn bann resan konfirmasyon ki Sesel i vreman antas lenportans ek lentegrasyon avek kontinan *L'Afrique* se deklarasyon par *State House* ki paviyon Linyon Afriken pou ganny flote *State House*.

So i en konfirmasyon ki Sesel i kontinyen reste entegre e ki nou form par kontinan *L'Afrique* e ki nou angaze avek kontinan *L'Afrique*.

Sesel i osi en Manm aktiv SADC parey in ganny dir par en Manm oparavan avek COMESA. So sa Protokol ki devan nou Lasanble ozordi Mr Speaker i testaman louvraz tre dir ki'n ganny fer par Sesel pou entegre ekonomikman avek nou kontinan.

The African Continental Free Trade Area i annan pou bi prensipal kre en marse komen, pou tou pei *L'Afrique*, pou fasilite komers ant tou bann pei *L'Afrique*. E pour fer sir ki maksimonm pei *L'Afrique* i tir maksimonm benefis dan bann komers ki annan antre nou.

E pour ki nou bann pei *L'Afrique* nou kapab bouze ekonomikman, e nou kapab osi

annan konpetisyon avek bann lezot blok, bann lezot blok par egzanp Linyon Eropéen, *L’Amerique*, e menm bann lezot pei pare *La Chine* ek *L’Inde*.

Sesel ti siny sa Protokol le 21 Mars 2018 e dapre diskisyon i nou bann Manm Komite zafer Etranzer avek bann Zofisye Departman Komers nou'n ganyen. Nou konnen ki sa ti fer an 2 faz.

Premye lo sa ki apel '*Trade in goods and services*' e dezyenm lo 'Lenvestisman Drwa Propriyete Entelektyel' ek Polisi 'Konpetisyon ek bann servis.'

Sa ki osi enportan pou note Mr Speaker se ki menm apre ratifikasyon i annan serten negosyasyon ki pou kontinyen e a labaz teknik dan diferan lezot domenn. Benefis sa Protokol Mr Speaker e pour agrandi komers parmi bann leta afriken.

Sesel i kapab tir bokou benefis, e nou bann antreprenner i devret profit lo sa louvertir ki ratifikasyon sa Protokol i anmennen.

Souvandfwa nou bann antreprenner i *focus* lo nou pti zil, e pa get de la lorizon ki devan nou, me potansyel i annan en kantite atraver sa kontinan *L’Afrique* parey in ganny eksplike.

Antreprenner Seselwa in kapab ganny akse avek en

marse emerzan ;- en marse ki en potansyel enorm kot nou kapab agrandi nou lekonomi domestik.

Nou a realize ki Sesel marse i annan serten limitasyon e nouvo frontyer pou nou bann lendistri se marse Afriken.

Sa pou anmenn plis larises Mr Speaker pou nou pei pou nou pep, e ki nou a kapab fer bokou plis ki nou anvizaze fer dan le fitir.

Mr Speaker nou annan serten antreprenner ozordi Sesel ki kapab fer sa *leap* pour al lo nivo kontinan *L’Afrique* e pour envestir e pour *rip* bann *benefits* ki sa bann tel lenvestisman i kapab anmennen.

An dizan sa de pi mo Mr speaker mon oule osi kosyonn Lasanble, e kosyonn sa bann dimoun ki pe ekout nou, lo serten lezot aspe sa Protokol ki nou bezwen byen vizilan lo la. E ki kapab koz serten difikilte pou nou pti pei.

Nou bezwen fer byen atansyon ler nou kontiny negosyasyon, ki nou pa war nou dan problemm pli tar ;- notaman par egzanp lo bann kestyon '*rules of origin*', ki kapab annan lenpak lo nou Lendistri Lapes.

Loter Mosyon in koz lo 'rules of origin', mon krwar i en area tre, tre enportan ki nou fer sir se ki nou benefis ladan akoz si i esap nou i kapab tre, tre move pour nou.

E osi lo negosyasyon lo sekte servis, parey nou konnen lapas e osi servis, *tourism* i osi en servis, servis finansyel i bann servis e si nou, ou bezwen fer sir ler nou negosye ki nou *rip* maksimom benefis pou Sesel dan sa bann domenn.

Akoz i annan potansyel e si nou pa kapab kapte li byen nou riske pa war sa benefis ki nou kapab gannnen.

In osi annan serten kosyon lo sa zafer 'movement in person.' Parey nou konnen Linyon Eropéen zot, zot in *fully* adopte 'movement in person' kot en nenport ki dimoun dan nenport ki pei *L'Europe* pe form parti Linyon Eropéen i kapab travay dan lezot pei.

E la pa zis mouvman sorti fizikman transpor al dan enn en zour troun dan lot, me ou kapab fikse ou lekor dan en lot pei e travay san gran, gran lobstak. Malgre serten kosyon, i enportan ki Sesel i met an plas osi bann striktir pou kontiny devlopman nou pei.

So alors Mr Speaker an dizon tousala, mon war ki sa Protokol i anmenn bokou plis

benefis pou Sesel ki negativite. Mon santi ki si nou sivre byen bann laliny negosyasyon, e si nou met lentere Sesel devan, mon pa war ki mannyer nou pa pou benefisye.

E bann negosyater mon swet zot tou, mon konnen bann negosyater tre kalib, nou annan en tim kot Departman Komers ki tre kalib, zot tre eksperyanse e nou'n war sa dan ban negosyasyon ki zot in fer dan lepase.

Mon swet zot tou de bon dan bann negosyasyon ki kapab vini a lavenir. E nou konnen sa bann keksoz i dinamik e keksoz i ganny aranze, azoute anmezir nou ale. So mon swet zot tou de bon.

E mon ti a kontan ki a lafen si Sesel, Seselwa ki benefisye, ki nou kapab bouz devan koman en pei kre plis larises pou nou pei, plis larises pou nou pep, plis loportinite pou nou bann antreprenner. E parey mon'n dir ki Sesel ki premye, Sesel i benefisye.

So avek sa de pti mo Mr Speaker mon a remerci ou pou donn mwan laparol e mon a konfirm mon sipor pou sa Protokol ki devan nou. Mr Speaker, mersi.

MR SPEAKER

Mersi Onorab. Onorab Woodcock.

HON WAVEL WOODCOCK

Bonzour tou Manm e tou dimoun ki a lekout. Mr Speaker Mosyon pe demann Lasanble pou ratifye lagreman pou etabli *The African Continent of Free Trade Area*. En *African market* en pe parey *European market* ozordi.

Mon bezwen fer resorti Mr Speaker ki malerezman i annan bokou Seselwa ki kestyonn lenvestisman dan bann pei lo kontinan *L'Afrique*.

Annefe yer swar ti annan en deba enteresan lo *Facebook* lo rezo sosyal. Apre ki sa nouvo Anbasader *Angola* in ganny akredite. *The newly accredited Ambassador Angola* ti zwenn avek Minis Radegonde e i ti annan en lagreman ki ti ganny sinyen. En *general corporation agreement* kot pou annan bann Korperasyon ant sa de pei.

Angola ek Sesel kot i konsern *tourism*, lagrikiltir osi ledikasyon. Ki zisteman apre sa e lanfaz ti ganny met bokou lo *tourism*. E zisteman apre sa, Lanbasader ti osi zwenn avek Minis Derjaques e zot i pe koz lo posibilite annan en lagreman, kot en Lakor kot Sesel i kapab, nou *airline* i kapab al *Angola*.

E apre sa *news item* Mr Speaker ti annan bokou deba lo rezo sosyal e bokou ti pe menm gognard en pe *Air Seychelles* al *Angola*. Konmsi akoz le problenm se ki Seselwa malerezman bokou nou, nou *mindset* nou pa pe realize poudir ozordi, bann pei *L'Afrique* pe evolye ;- bann pei *L'Afrique* pe devlope.

E *Angola* menm si dan lepase zot in annan bann lager sivil zot in annan zot bann problenm, me ozordi si ou pou get Kapital *Angola Rwanda*, ou krwar poudir i vin vreman devlope. E sa pei pe evolye.

E bann pei lo *L'Afrique* pe sanz en kantite pe vreman, vreman devlop *at en pace* ase vitman menm si zot annan zot bann *issues*. Me selman i en pei ki'n ouver avek lemonn pou komers.

E Seselwa parey mon'n dir nou bezwen sanz nou *mindset* kot i konsern *L'Afrique*. *L'Afrique* i pa zis en I pa zis en (*fun*) *world countries* ouswa zis bann pei ki an ger tou lazournen. Me i bann pei *L'Afrique* pe bouze.

Zot pe devlop a en vites vreman, vreman rapid e i annan bokou loportinite pou Sesel e bann lezot nasyonalite pei, pou al envestir lo kontinan *L'Afrique*.

E i annan en kantite loportinite pou investir dan plizyer bann pei *L'Afrique*. Zisteman la mon pe mazin enn de pei *at the top of my head*, la mon mazin *Botswana*, en pei ki mon'n ganny sa privez pou vizite. Ier ti annan *CP Africa* ti annan en konferans laba, e mon ti ganny sa loportinite pou *attend*.

E mon'n soke pou aprann kantite resours natirel ki zot annan. E *Botswana* i en pei ki annan plis bef ki dimoun. E mon krwar dan lepase in deza annan serten koze pou *Botswana* pou enport bef sorti dan sa pei.

E i annan bokou loportinite pou menm bann biznes e investiser *Seselwa* pou antre dan sa bann pei, antre dan biznes dan sa bann pei.

Mon pe osi mazin *Ghana*. *Annefe King Prempeh* ti ganny anmenn an egzil dan plizyer pei apre i ti *end up* *Sesel*. Sete akoz ler bann kolon *Angle* ler zot ti ariv laba zot ti zwenn avek *King Prempeh*, kot i ti pe asize son lipye ti lo en *stool* an lor. E ler bann sa bann lafors kolonyal *L'Angleterre* nou war sa, deswit zot in konnen poudir i en pei ki ris an sa bann mineral.

E pou bokou lannen pei *L'Afrique* in ganny eksplwate akoz sa bann resours ki

L'Afrique, sa bann pei *L'Afrique* ki sa bann kontinan i annan.

Si nou pe pran legzanp lo en lot pei, se *Ethiopia*, *Ethiopia* i en pei ki'n pas dan *famine*, lasesres in pas dan lamizer vremen, vremen sever dan lepase, e ozordi i en pei ki'n vremen leve.

I en pei ki pe bouze, zot *Airline despite* sa sityasyon *COVID* ki nou ladan, zot *Airline* in nobou *survive* kan plizyer lezot *Airline* in antre dan ladministrasyon.

Alor Mr Speaker le kestyon ki nou bezwen demande, e ki mon pe demande ozordi se kantite *Seselwa* ki pe investir? Kantite *Seselwa* ki pe *set-up* biznes aletranze sirtou dan bann pei *L'Afrique*?

E malerezman Mr Speaker i pa bokou, pa bokou *Seselwa* ki pe *venture* pou antre dan biznes pou fer komers ek bann pei *L'Afrique*, ki ozordi i annan sitan, sitan bokou potansyel.

Ozordi *L'Afrique* i en *market* enportan pou bann lezot pei sirtou bann gran pei *L'Asie*, bann gran pei *L'Europe*. E nou'n war *trend*, nou'n war *trend*. E nou pa bezwen al lwen Mr Speaker, e menm *Sesel* nou war bokou bann investiser etranze in vini.

Sirtou Eropéen in vini in investir *Sesel*, zot in fer lotel,

nou annan bann international brand ozordi, bann investiser in antre zot in eksplwat lo lanmer. Ozordi nou annan bann lizin ton, nou annan bann diferan bato lapas ki sorti dan Linyon Eropeen.

E *L'Afrique* i ankor pe ganny eksplwate ozordi. *L'Asie* sirtou nou pou war bann gran pei parey *L'Inde* avek *La Chine* zot sitwayen pe fer bokou investisman dan *L'Afrique*.

Mr Speaker mon bezwen dir kontrerman ki en Manm lot kote latab in dir, ki *L'Inde* tradisyonnelman pa investir dan *L'Afrique*. Mr Speaker sa i fo.

Trade ant *L'Inde* ek *L'Afrique* in grandi gradyelman sorti \$5.3bilyon an 2001 pou vin \$62bilyon an 2018, kot bann *Indian Companies* bann *firms* dan plizyer sekter parey *energy, metals, automobiles, pharmaceutical, lagrikiltir, banking* e plizyer lezot sekter ankor.

Bann sitwayen ki sorti *L'Inde*, *L'Inde* li menm pe investir bokou, bokou dan bann pei *L'Afrique* e zot pe fer bokou bilyon, bilyon Dolar tou le lannen. Mr Speaker *L'Inde* ek *La Chine* sirtou en pei parey *La Chine* zot lekonomi in eksplote apre ki zot sitwayen in komans investir an deor zot pei.

Ou kapab pran en konparezon *La Chine, La Chine at point* ti fermen avek lemond, be manke in ouver zot pei plis ki 300milyon zot sitwayen in sorti dan zot pei e zot in al investir partou dan lemond enkli kontinan *L'Afrique*.

E sa ki'n ede agrandi lekonomi *La Chine* ki ozordi i en pouwar dominan an term ekonomik dan lemond. E Mr Speaker pa zis *L'Inde* ek *La Chine* ki kapab investir dan pei *L'Afrique*. Investiser Seselwa osi i kapab ale, antre dan sa bann pei sirtou la avek sa lagreman ki pou fasilite sa e i annan en kantite resours lo kontinan *L'Afrique*.

Parey plizyer Manm in Dir oparavan i en kontinan avek plis resours mineral, i kontinan avek plis resours mineral dan lemond. I annan bann resours parey lor, dyanman, dibwa, lerb, *copper, iron, titanium, zinc, cobalt* e lezot mineral ek resours ankor parey delwil.

I malere Mr Speaker ki *L'Afrique* pou plizyer lannen in ganny eksplwate. Me Afriken zot menm zot pa neseserman benefisye lo lanpler ki zot ti'n merite.

L'Afrique i sa pei ki ou pou ganny plis bann *raw materials* bann materyo brit pe ganny eksplwate diferan prodwi parey

pe ganny fer, dibwa, *Madagascar* ou pou war bann dibwa pe ganny eksplwate pou fer meb, lor pe ganny eksplwate pou fer bann *accessories* sennon, mont *whatever*.

E *iron* osi pe ganny *manufacture* pou fer bann lezot, bann *finished products* e sa bann keksoz *once* sa bann *finished product* ti'n fini sa bann investiser sa bann biznes zot retourn *L'Afrique*, zot re aranz sa bann menm keksoz a bann pri vremen eleve, a bann pri vremen egzorbitan.

Se bann lezot pei *L'Asie*, *L'Europe* ki pe benefisye avek pei *L'Afrique* plis ki bann sitwayen Afriken pe benefisye zot menm. Me sa lagreman li i anvi ankouraz komers lenvestisman parmi bann pei *L'Afrique* pou nou osi bouze, pou nou kontinan evolye e *why not* en zour *overtake* bann lezot kontinan.

Mr Speaker mon bezwen dir osi ozordi nou war bann pei etranze, en kou war bann investiser sorti dan plizyer lezot pei dan lemonn in vin investir Sesel pe vin fer lotel.

Akoz ki nou Seselwa nou pa osi al investir dan bann lezot pei *L'Afrique*, fer lotel dan bann lezot pei *L'Afrique* ki annan en pti pei obor nou ki'n fer sa. *Maurice* in fer sa, *Maurice* in

investir dan lotel Sesel in investir dan lotel dan bann lezot pei.

E i annan pei *L'Afrique* ki sitan ki osi zoli ki i annan potansyel pou en *market* enportan. Alor i enportan ki nou osi Sesel nou bann investiser nou get osi pli lwen ki nou pei e get dan bann lezot pei lo kontinan *L'Afrique*.

Sa lagreman pou kre en platform pou Seselwa kapab parey mon'n dir investir dan bann pei *L'Afrique*. Sa lagreman pou osi ouver Sesel avek plizyer *market* bann nouvo *market*. E bi prensipal parey mon'n dir se pour *create an African market*.

E Seselwa nou bezwen sezi loportinite ki sa lagreman pou met devan nou. Sa lagreman pou fasilite komers, *trade*, mouvman resours, materyo brit, kapital e *why not* resours imen parmi bann pei *L'Afrique*?

I pou ankouraz *trading* parmi bann pei *L'Afrique*. E Mr Speaker mon pou bezwen dir e tout an prenon kont ki investiser en biznes pou bezwen swiv Lalwa sa bann pei, dan okenn lenvestisman ki sa biznes, swa investiser i antreprann dan sa pei.

E atraver sa lagreman osi Sesel e bann investiser, bann biznesmenn lokal osi nou pou

ganny akse avek en *database* lenformasyon lo bann loportinite biznes, *trade* dan sa bann pei *L'Afrique*.

Mr Speaker sa lagreman i en loportinite vreman enportan. I pou fasilite e fer provizyon pou Seselwa kapab antre dan sa ban pei e ede annefe parmi nou pei e anmenn plis finansman, plis resours, plis reveni dan nou pei ki nou vreman bezwen a sa moman ki lemonn pe pas ladan. Avek sa de mo mon dir ou mersi Mr Speaker.

MR SPEAKER

Mersi Onorab. Onorab Loze.

HON JOHAN LOZE

Mersi Mr Speaker. Mr speaker toultan letan i annan bann lagreman multilateral bann Protokol enn bann keksoz ki preokip nou pou nou parلمانter se domestikasyon e lakseptans sa bann travay ki'n ganny fer lo nivo enternasyonal isi dan Sesel.

E nou koman parلمانter letan nou mazin domestikasyon nou toultan mazin li an term legal, bann diferan Lalwa ki annan pou nou pase e tou. Be ozordi nou tou nou pe koz bokou lo al investir *L'Afrique*.

Benefis ki sa pou donn nou, akse ki i pou donn nou avek bann nouvo marse. I vre

Sesel nou en pri pei, nou en pti marse, donn nou akse avek en pli gran marse pou devlope e sa pou fer bokou pou biznes Sesel e pou lekonomi Sesel.

Manm ki'n fer son entersesyon avan mwan, in koz lo bann pei parey *La Chine* ek *L'Inde* ki'n al investir an deor zot prop pei. Be i annan en keksoz kle ki fodre nou kalkile e koz lo la *de le debut*, la, la lo komansman la.

Bann resortisan Sinwan ki al investir *L'Afrique* zot ganny akse avek kredi *concessionaire* avek bann diferan lenstitisyon dan zot pei. Nou isi Sesel, Seselwa nou ganny difikilte pou ganny akse avek okenn form kredi, *be it concessionaire and or otherwise*, pou nou fer okenn aktivite ekonomik avek, isi menm dan nou pei.

Let alone pou al *venture* dan en lot pei, pou al *venture L'Afrique* pou al benefisyé *from* sa travay ki pe ganny fer osi dan sa Lasanble ozordi. So nou koman Parلمانter nou pou fer nou bout, nou pou donn lavi sa travay ki Onorab *Leader* Biznes Gouvernman in anmennen, apre ki arive?

Deza mon'n tann en parol taler in dir ki nou bann biznesmenn Seselwa ki annan larzan, (wi mon dakor zot annan larzan) be *how about*

bann biznesmenn ki annan nide ki annan pasyon ki annan lenerzi, ki annan en bon plan, be i napa larzan li?

Nou pou bezwen komans pans dan direksyon sonn lavi sa bann bon travay ki'n ganny fer dan en fason pratik. Nou pa kapab zis aksed avek sa bann keksoz la. Nou koz lo bann benefis potansyel ki i kapab anmennen pou nou nasyon.

Aprè sa potansyel la i reste *locked* koman en potansyel li i pa zanmen ganny libere pou vin sa dyanmen, sa bizou ki nou konnen i kapab vini e ki nou pei i bezwen. I reste sa bout ros, sa bout sarbon ki pa zanmen ganny poli.

E nou pep an deor i dir be sa bann boug laba dan sa Lasanble zis zot asize zot rabase, napa naryen ki zot dir ki ganny materyalize. E sa i pa en lobzervasyon politik sa ki mon pe fer en, *mind you*.

I en lobzervasyon sosyeter, nou pei i koumsa e sa i nou bann kontrent ki nou annan e ki nou pou bezwen onnetman ansanm asize kalkile, dil avek ki nou fer. I pa neserman finansman pou vin dan bann fason bann filyer tradisyannel.

Mon asire ki en Gouvernman ki *reach out* i rod bann lenstitisyon finansyel enternasyonal, met a laporte

son pep, parey *Maurice* in fer e permet sa bann keksoz arive.

Be pour le moman mon oule zis note ki pou sa rev vin vre ou bezwen finansman, ou bezwen kredi, ou bezwen akse avek kredi pou biznesmenn Seselwa, pou bann zenn Seselwa nobou ale al *rip the benefits of* sa travay ki nou pe fer dan sa Lasanble ozordi.

Mr Speaker koman mon'n koz lo rev, mon oule retourn en pe an aryer mon osi. 1963 letan OAU ti lanse, i ti en rev li, i ti en rev pou en meyer *L'Afrique*. I ti en rev ki koman en kontinan i a kapab finalman nobou pran son prop desten an men.

Be dan ki konteks sa i vini? Sa in vin dan konteks kot en kantite pei Afriken ti ankor anba dominans zot bann *myth* kolonyal. Sa in vin dan konteks kot pli gro *power house* ekonomik lo kontinan *L'Afrique*, in anba en sistenm a *apartheid* ziske dan bann lannen '90.

Tou sa letan ki OAU in la, in annan sa lager pou lendependans e in annan sa *issue* avek *Sud Afrique*. Ki'n la *throughout* dirasyon ki OAU in egziste. E OAU in souvan ganny refer koman en klip la diktatir, en klip pou bann diktater. E sa i en *moniker* ki ti ganny *coined* par bann pei oksidan, par bann *western countries*.

E i ti en pe dan lesans pou kontre sa mouvman lendepandans ki ti annan, kot bann pei *L'Afrique* ti pe lager pou revandik zot drwa. E bann pei was zot, zot ti war sa koman pe *cut zot off* avek *basically free resources* mon kapab dir. Akoz zot ti pe donn en bal zot *L'Afrique*, dan resours ki pa ti pour zot.

E taler i annan en lot Manm ki'n koz avan mwan in koz lo bokou birokrasi e *cumbersome procedures* ki pa'n permet bann pei *L'Afrique* realiz zot potansyel ekonomik. E ni menm anmenn lape e sekirite.

Be Onorab William osi ti mansyonn en keksoz, i ti dir koumsa i annan bann baryer dan *L'Afrique* ki i pa konnen kot sorti i pa kapab ganny tire. Be sa bann keksoz la zot, zot pa'n ariv par aksidan sa.

I bann keksoz ki'n ganny mete par ekspre, i bann baryer ki'n ganny mete la avek nou par nou bann met kolonyal. Se bann kolonizater ki'n kit sa bann keksoz ek nou. E menm Sesel ozordi, nou'n erit *the British Civil Service*.

Partou atraver *L'Afrique Civil Service* ki ou pou zwenn i en *whether cumbersome or not*, be i bann *relics of* nou bann pase kolonyal. Si *Hutu ek Tutsi* in lager, set akoz ou'n pran ou

de tribi ki ti *diametrically opposed*, ou'n ferm zot dan en *landlocked border* e ou'n dir zot ale, lala viv ansanm.

Prezan lespri pli visye ankor ou pran enn dan le de tribi ou met kontrol la birokrasi pei, ou pran lot vi ki i pli *warlike* ou met li kontrol larme. Apre kolonizasyon i fini ou sorti ou ale ou kit sa 2 zans la ki pa ti abitye viv dan sa *border* artifisyel ki Eropéen in kit avek zot. I dir zot ale viv anpe. Be natirelman keksoz pou deteryore.

E se sa bann problemn ki sa bann lavantir ki bann *colonist* in kit deryer avek nou, partou atraver *L'Afrique*. E se sa ki *OAU* li i ti pe lager pou sey rektifye en pe. Be erezman parey Onorab Georges in koz bokou lo la, la demokrasi.

L'Afrique in komans son *journey* anver la demokrasi, ki'n ede pou pez en pe son bann prop *issues* entern ki i ti annan, ki ti pe *disturb* la stabilite entern dan son bann pei manm.

I annan en lot keksoz ki zot in koz lo la, se *the Lagos Plan of Action* ki ti vin en 1980. Letan sa plan daksyon *Lagos* ti ganny table an 1980, enn bann keksoz par deryer sete lenterferans bann, sa bann *Bretton Woods Institutions* la.

Son *IMF*, son *World Bank* e tou zot bann pti *satellite*, zot bann pti lezot *bodies* ki asosye ek zot. E sa bann lazisteman makro ekonomik ki zot ti pe antre, zot ti pe fer partou *L'Afrique* i annan en pei *L'Afrique even as late as the 90's* kot *IMF* ti antre pou *privatize* son *public transport system*.

Privatizasyon selman ler ti ganny *privatize*, se en lakonpanyen transportasyon en pei en Gouvernman Eropéen ki ti aste.

So sa Gouvernman Afriken li i ganny dir be wi, be la ou pou bezwen vann ou sistenm transpor piblik, *privatize* sistenm transpor piblik e son *former* met kolonyal i aste. Se sa bann lavantir koumsa.

E an 1980 ler *the Lagos Plan of Action* i ganny fer, lemonn ti pe sorti dan kriz ekonomik ki ti'n 1976, ki ti'n *come about* atraver logmantasyon dan pri karbiran.

E problemn pri karbiran i devlope ant bann *Gulf state* *L'Amerique*, *Israel*, bann lavantir *geopolitique global* i *crash* bann lekonomi *L'Afrique*.

E sa bann lenstitisyon *Bretton Woods* zot antre *L'Afrique* e zot komans fer sa bann lazisteman makro

ekonomik striktirel avek bann pei Afriken. Ki in koz e bon pe ditor.

E *the Lagos Plan of Action* ler i ti vini li i ti en reaksyon a sa. E i ti pe dir be *look* finalman annou sey debout lo nou prop lipye. Annou *shut out* en pe sa bann zafer, ki zot zis antre zot fer nenport kwa avek nou.

E sete sa an realite zot ti antre zot fer nenport kwa avek sa bann pei *L'Afrique*. E *L'Afrique* ti'n deside poudir sa bann lavantir neoliberal ki bann pei was ti pe deside fer se zot ti pa, pa ti dan zot faver. Ti pe koz bokou ditor lo kontinan *L'Afrique*.

E set apartir la ki'n annan nesans sa bann diferan *customs union* ki bann diferan Manm in koz lo la.

Me ofet letan ou gete i aktyelman annan 6 sa, ti annan 8 avan, i annan 6 ki'n *survive*. Nou bann Manm dan Lasanble in koz lo bann en pe pli popiler *ECOWAS*, *East African Community*, *COMESA*.

Be ou osi annan *SACU the Southern African Customs Union*, ou annan ou *The Western African Economic Monitoring Union* e ou annan ou *The Economic and Monitoring Community of Central Africa*.

Zot, zot in ganny zot nesans apartir sa *the Lagos*

Plan of Action an 1980. E sa ki enteresan letan, nou koz bokou avek bann *Scholars* Afriken e de fwa letan zot koz lo sa bann keksoz koumsa, ennler oule dir ou dir be sa bann boug zot en pe fanatik ennler lo sa bann keksoz zot al en pe tro lwen.

Me i enteresan *Lagos Plan of Action* ti an 1980, en 1981 *World Bank* i pran son lipye i met antye dan son labous avek en de nonmen *the bug report*. Son *bug report* li i sorti i dir koumsa be ou konnen kwa *L'Afrique* i pou bezwen depan plis lo led e lasistans ekonomik. I bezwen depan mwen slo son bann *extractive industries*.

Bes en pe son bann aktivite ekonomik, *extractive industries* e depan plis lo led e lasistans ekonomik sorti dan was. E sa i vin zis lan apre ki bann pei *L'Afrique* ti'n fer en *prise de conscience* e zot ti pe dir bezwen arete.

Sa bann lavantir neoliberal ki sa bann zans pe fer se nou, sa bann *experiments* bezwen aret en pe. E sa bann keksoz ki kontinyen ziska ozordi. Menm Sesel nou pe trouve.

Sesel ozordi ou annan ou *World Bank* i vini i dir ek ou gete Sesel ou pa kapab annan ou en *universal pension* avek en pansyon kontribiter. Ou

bezwen swazir, annan enn ant le de.

E sa ankor, mon war Speaker pe drese dan son sez laba, i pa en *statement* politik ki mon pe fer, mon pe koz lo Sesel koman en pei. Mon pe koz lo la souvrennte Sesel la.

Mon pa pe koz lo parti o pouvwar naryen, akoz sa lontan zot pe dir nou sa. Lontan *World Bank* pe silay nou, ki nou pa kapab annan nou de pansyon. Be akoz nou pa kapab annan nou de pansyon? Nou pansyon pou nou. I pou *World Bank* sa?

Ki fer ki Seselwa pa kapab tous li en pansyon iniversel e bann ki'n kontribye i tous plis akoz li i tous son pansyon kot in kontribye. Be *World Bank* kwa ki grate ek li, li? Se sa bann latitid koumsa ki zot antre se nou, zot vini zot finyol nou e zot dir nou kwa ki nou pou fer !

E se sa ki ou war ozordi ou annan sa bann pozisyon koumsa ki ganny pran par kontinan *L'Afrique*, kot i pe dir ou gete, sa ban latitid, sa bann lavantir neoliberal fodre aret ganny fer se nou!

E bann pei Afriken i annan rezon pou zot pous en leren, debout lo zot de lipye e anpese ki kanmarad i antre se nou i vin dir nou ki pou ver ek nou keksoz!

Akoz sa pansyon pa *World Bank* ki touse sa, se Seselwa ki touse. *At the end of the day* ki i annan pou li vin dir nou, nou en pei souvren, nou en Nasyon souvren.

Li ki pou vin dikte ek nou konbyen pansyon nou pep pou gannyen? Be depi kan? E se sa bann keksoz koumsa ki anmenn nou dan sa bann direksyon ki ou war i pe ganny adopte par bann pei Afriken.

Mr Speaker i annan en lot keksoz ki Onorab Georges in tous en pe for lo la, sa se ki *L'Afrique is the continent of the future*. Mon pou agree. Mon pou agree a 100poursan avek li e mon pou dir zot akoz.

Mon lagreman i napa naryen pou fer ni avek lor, ni avek mineral, ni avek naryen ki dan later. Onorab mon *wrap-up* ler in ariv mon ler pou mon *wrap-up*, mon pa pou ekri rapor lo ou, *though*.

I napa naryen pou fer avek okenn bann *extractive industries*. Larises *L'Afrique* ki pou fer li kontinan le fitir parey Onorab Georges in dir, se son popilasyon, son popilasyon.

Mr Speaker par lannen 2050 popilasyon *L'Afrique* pou'n double, double. Par lannen 2100, lannen 21, enn dan 3 imen lo later pou en Afriken, dan sak 3 imen ki pe

viv lo plannet later pou en Afriken.

L'Afrique i an se moman annan li en *youth bulge* ; - 70poursan popilasyon la mazorite pei Lafrik i bann zenn, *70 percent*. En pei, en kontinan ki la mazorite pei i annan ne popilasyon zenn, ki donn li en larises enorm e se zisteman sa *youth boom* la i pou fer *L'Afrique* vin en pei lefitir dan sa monn ki nou pe viv ladan.

E mon agree avek tou Manm ki'n koz avan mwan sorti lo tou lede kote latab, konmkwa ki nou fitir *rest with the mother continent of Africa*. Mon agree avek sa *statement* ki'n ganny fer *we need to get in on the ground floor*.

Mon lekivalans ki mon annan pou sa se ki en dimoun pe aste *shares in Microsoft in 1986* la, *you're getting in at the ground floor* ozordi ou en milyonner. Be Sesel *going back to* mon premye largiman, bann zenn Seselwa zot bezwen partisipe ladan, sezi sa bann loportinite vin parti prenon dan s aki nou pe fer ozordi.

Nou lapel ki nou pe lanse i, nou dan en *silo* Lasanble, nou lans lapel ek kanmarad la anndan; siport mwan maon a siport ou. Lapel ki nou devret pe lanse set avek lazenes Seselwa *grab onto this*.

Ou konnen ozordi en zenn i kapab asize *go through* bann pei Afriken, rode kote i annan en sistenm elektrisite stab, *cheap electricity* i *usually* bann pei ki annan danm ek *hydro electricity*.

Ouswa enn ki annan li en klima fre, bouze sorti Sesel, mont lo en pei *L’Afrique setup en cryptocurrency mining farm* ki ou pa pou zanmen kapab fer Sesel, akoz kou elektrisite.

Ou pa pou kapab *set-up ASIC miner* Sesel, ou pa pou kapab *set-up ni GPU miner* Sesel akoz i pou kout ou ser. E se sa le fitir ki mwan mon sizere mon ti a krwar bann direksyon ki nou kapab al ladan.

Enn bann posibilite i sa, apard kannel, enn bann posibilite i sa. Mon vwar i annan en gran *scope* pou le fitir. En gran *scope* pou bann zenn Seselwa nobou anbark lo en lavantir, anbark lo sa rev ki ti komanse an 1963 avek kreasyon OAU.

E se sa mon swe mon pou mon pep. E Onorab Georges i kapab kont lo mon sipor. Gouvernman Prezidan Ramkalawan ozordi i kapab kont lo mon sipor. E mon pou siport zot akoz mon Gouvernman ki'n la pandan tou sa lannen in *build up to* kot nou'n arive ozordi.

Nou annan bann bon relasyon, i annan bann bon baz pou nou al lo la. E Onorab Georges mon pou siport ou Mosyon. Plis ankor akoz mwan an se moman Sesel la, okenn keksoz ki anmenn loportinite pou anpes en zanfan dormi lafen.

Akoz i annan bokou zanfan ki pe dormi lafen Sesel an se moman, e mon pou siporte. Okenn keksoz ki pou ede kre lanplwa pou tou sa Seselwa ki *unemployed*, okenn linisyativ pozitiv ki ede met larzan dan pos tou sa Seselwa ki bezwen en led pou fer 2 bout zwenn, mwan mon pou siporte.

Nou pa kapab siport zis dimoun met laliny deor kot *Red Cross*. Mersi Mr Speaker.

MR SPEAKER

Mersi Onorab. Mon ava pran Onorab Bistoquet.

HON ROSIE BISTOQUET

Mersi Mr Speaker. Bonzour Mr Speaker. Bonzour tou bann Onorab e bonzour tou ban dimoun ki pe ekoute. Mwan mon ti a kontan konnen lekel ki'n, o pouvwar pandan sa 43an ki pa'n kapab regle sa bann sityasyon pansyon.

Anyhow lo kote sa Mosyon, parey loter Mosyon in dir sa lagreman i en mezir pou

konekte 1.3bilyon dimoun atraver 55 pei enkli Sesel ki a osi ogmant *GDP* rezyonal konbinen, e sa i ava vin koman en valer \$4.3bilyon dapre eksper sa ki'n *draft* sa lagreman.

Plizoumwèn lobzektif sa lagreman, se pour redwir tarif komodite servis, pou sa bann pei rezyonal baze lo sa Trete ki'n ganny sinyen. Sa i a ede pou etabli en Sesel, en sel marse mondyal, rezyonal, kot i konsern servis. Sa lagreman i a osi ede pou fasilite mouvman dimoun, sirtou bann ki pe pran en travay.

Lesanz lekonomi e osi devlop kapasite dan lekonomi komers. Sa lagreman i pou asire ki i pou annan en lekonomi rezyonal ki ganny byen entegre, avek bann gran prosperite.

En lot keksoz Mr Speaker letan nou pe koz lo sa lagreman, se ki i anmèn en pe plis sipor pou Sesel, i plizoumwèn sa *Trade Related Intellectual Property* ki nou apel (*TRIPS*). Sa lagreman i ganny, mon pe koz plizoumwèn lo kote lasante.

Sa lagreman i pou ganny agree par diferan pei e sa i ti ganny met an mars par *WTO*. Son bi se pou ranforsi e prodwi e war solisyon ek rezolisyon pou nenport ki sityasyon.

Sesel in siny sa lagreman e *WTO*, e sa i ti an 1916 pou kapab ganny plis sa (*TRIPS*) ki mon pe koz lo la lo kote latizann pou Sesel kapab ganny akse avek latizann ki pou asir ki bann, ki sa rezyon osi i kapab ganny aksesibilite avek bann latizann.

Sirtou bann latizann esansyel ki afordab, bon kalite e ki sen e ki efikas osi. Sa i enkli pa zisteman latizann be selman ler mon pe koz lo latizann par egzant preskripsyon ki zot apel sa ki annan diferan *regiment*.

Par egzant si nou pou koz lo preskripsyon *HIV* isi Sesel nou annan serten *regiment* ki nou preskri, *Botswana* i pou annan preske parey, *Sud Afrique* en pe parey. Be selman par egzant lezot pei ler ou pou al *Lesotho* ouswa *Mozambique* zot bann *regiment* i en pe diferan.

Alors si par egzant nou annan pasyan ki pe al trete ouswa i *travel* dan diferan sa bann pei, zot pou kapab mank zot *regiment* ; - ki si nou annan sa *trips agreement* avek sa lagreman, mon krwar i a vin en bon zafer pou Sesel kapab benefisye anba la.

E an menm tan i pou benefisye osi lo servis laboratwar. Par egzant

laboratwar lasante, laboratwar klinikal e osi lasante piblik.

Kot nou'n tande par egzanp i annan diferan *specimen* ki'n ganny anvoye *overseas*, dan *regional laboratories* sirtou *Zimbabwe* ek *Sud Afrique*, ki nou'n al fer tes pli avanse kot nou napa sa bann *region* pou fer avek. Ouswa pli avanse.

E mon krwar sa lagreman i ava ede pou Sesel osi benefisyè a travers sa lagreman. En lot bout Mr Speaker, alor ki Sesel e lezot pei dan *L'Afrique* i ava agree avek sa zouti ki pou fer li pli fasil.

Par egzanp enn, pou elimin bann tarif egzorbitan ki bann marse *L'Asie* kot bann marse Eropéen, e lezot ankor ki ganny enpoze lo nou konmela sirtou a travers bann *third parties* ouswa bann *middlemen*.

I pou osi entrodwir bann regilasyon mezir komers dan bann tranzaksyon ou bann marse ki pou grandi de zour a zour avek bann nouvo komodite, nouvo servis. Taler mon'n koz lo servis laboratwar e osi nouvo latizann sirtou la nou dan letan *COVID* nou pa konnen si i annan nouvo vaksen osi ki pou vini.

Pli enportan sa lagreman pou donn *L'Afrique* en marse kontinan, ki pou komen pou

tou bann pei. E parey nou konnen malgre ki tou pei pa parey dan diferan sans.

Par egzanp mon pou dir *Nigeria* i pli gran pei *L'Afrique* pli ris dan lemondan dan *L'Afrique*, e i ganny konsidere koman *the giant of Africa*.

Algerie li i en pei ki pli gran dan *L'Afrique*, tank a Sesel nou apel li *small island state* i pli pti pei dan *L'Afrique*. E osi in ganny rekonnet avek diferan lorganizasyon. E sa par egzanp (*REC*) parey loter Mosyon in ganny dir *economic community*.

Par egzanp Sesel in ganny rekonnet par *COMESA*, *SADC*, *African Union*. E Sesel i ganny konsider koman en pti pei ouswa en *Small Island States*. Me sa i pa vedir ki bann gran pei pou ganny plis loportinite, me koman en lafors inifye anba en sel lagreman, tou pei pou benefisyè parey.

Alors Mr Speaker mon pou siport sa Mosyon, aköz mon asire ki sa lagreman pou *boost up*, ouswa pou ogmant lefikasite ou benefis pa selman pou lezot pei dan *L'Afrique*. Me pour tou pei dan *L'Afrique*.

Sa i pou ogmant komers Afriken plis ki 52poursan, aköz bann baryer komers pou ganny eliminen, bann pri egzorbitan ouswa bann tarif egzorbitan pou ganny redwi.

E sa i a ogmant nou larises ekonomi, pa selman dan lesanz komers, me osi dan devlopman imen e promot en sityasyon komen ;- par egzanp lo standar dan rezyon e sirtou kot Seselwa or Sesel pou benefisyè.

Fotespere Mr Speaker mon pa zis premye ou dernyen Onorab madanm ki koz lo sa size, aköz petet i annan ankor madanm ki enterese dan lekonomi nou pei. Mersi.

MR SPEAKER

Mersi Onorab. Nou pa pou termin sa deba ozordi. Alor mon ava anvoy son kontinyasyon pou en moman pli tar ler nou a kapab met li annord. Apre midi nou ti'n prepar pou pran *statement* par Minis, e nou a kontinyen avek sa 2er.

Nou a pran en poz la e nou a rezwenn 2er. Mersi.

(BREAK)

MR SPEAKER

Bonn apre midi tou Manm. Nou *item* lo *Order Paper* se en *Statement from Minister*. Nou ava apel delegasyon Minis silvouple. Bon bonn apre midi Minis ek bann Zofisyè.

Nou annan avek nou, Minis Patricia Francourt *Minister for Employment and*

Social Affairs. Nou annan osi dan son delegasyon Mr Frank Ally *Attorney General* ki kote la, Mrs Linda William Melanie *Principal Secretary* pou *Social Affairs*, Mrs Brenda Morin *CEO Agency for Social Protection* e Ms Astride Tamatave *Deputy Comptroller General*.

Nou *item* se pou Minis fer en *Statement* me nou pou osi parey *Standing Orders* i prevwar, permet kestyon bann Manm. Nou annan en sel ti lenkonvenyans se ki nou napa ase plas lo latab dan milye pou tou bann zofisyè.

Attorney General i kapab ganny apele pou demann kestyon, e nou'n aranze pou si i bezwen demann kestyon pran plas Ms Tamatave pou li ganny en mikro e zot a esanz plas si i nesese.

Mersi e mon regrete ki nou bezwen *accommodate* ek lenkonvenyans ki en pe osi (pa pou blanm tou keksoz lo COVID) me ki osi aköz COVID. Mersi Minis mon ava envit ou pou fer ou *Statement*.

MINISTER PATRICIA FRANCOURT

Mersi Mr Speaker. Bonn apre midi Mr Speaker. Bonn apre midi bann Manm Onorab e osi tou bann dimoun ki pe ekout oubyen ki pe swiv deliberasyon

Lasanble Nasyonal par tou form medya.

Mon osi remersye ou Mr Speaker pou akord mwan sa demann pou fer sa deklarasyon devan Lasanble anba Lord 38 *Standing Orders* Lasanble.

Mr Speaker deklarasyon ozordi i konsern management bann simityer ki enkli donn servis fineray dan simityer. Depi yer le 01 Zen Gouvernman in rebran fonksyon pou *manage* bann simityer Leta Mahe e Praslin.

An sa ki konsern simityer La Digue ki ti pe ganny *manage* par La Digue *Trust Fund*, an vi ki sa *Trust Fund* pou ganny *dissolve* en revyi pe ganny fer pou vwar ki fason pou ganny *manage going forward*.

Mr Speaker avan ki mon koz lo desizyon Gouvernman pou rebran sa servis, permet mwan retras en pti pe zistwar lo laranzman *management* simityer depi 2015.

Par en Kontra date le 01 Zanvye 2015, Gouvernman ti antre dan en *management contract* avek Mrs Yvette Antat ki son biznes ti apel *Cemetery Services Agency* pou li *manage* bann simityer e donn servis fineray dan simityer.

Dapre sa *management contract* sa *outsourcing* ti alinyen avek program

privatization Gouvernman sa letan.

Le 01 Zanvye 2015 *Cemetery Services Agency* ti komans *manage* simityer Bel Ombre, Glacis, Mont Fleuri, Cascade, Anse Aux Pins, Mont Plaisir, Sweet Escott, Takamaka, 2 simityer Baie Lazare, Anse Boileau e Port Glaud lo Mahe e lo Praslin simityer Grand Anse Nouvelle Decouverte, Baie Sainte Anne e Anse Boudin.

I ti osi *manage Commonwealth War Graves* enkli *Cenotaph ... Memorial* Mont Fleuri. Dapre sa *Management Contract Cemetery Services Agency* ti pou fer tou travay *landscaping*, netwayaz enkli koup zerb, zet bann salte, fouy trou, anter bann lekor, e donn tou servis pou lanterman.

Anba sa kontra Gouvernman ti annan lobligasyon lo en baz anyel pou fer provizyon bidzeter pou tou sa servis. Anba Bidze 2015 en sonm R8milyon 836, 572 ti ganny bidzete pou *manage* simityer kot ki i ti pe ganny peye ek *Cemetery Services Agency* pandan lannen 2015.

Dan la pratik sa sonm ki ganny bidzete i ganny *manage* par ASP ki pey *Cemetery Services Agency* en diferan

sonm ler i neser pandan lannen.

An 2015 ASP in depans R8milyon 493, 744.

An 2016 R8milyon 673, 180.

An 2017 R8milyon 843, 319.

An 2018 R9milyon 305, 691.

An 2019 R9milyon 994, 25.

An 2020 R10milyon 233, 744.

an relasyon avek *management* sa bann simityer atraver *Cemetery Services Agency*. E pour lannen 2021 en sonm 13milyon in ganny bidzete ki enkli 2.7milyon pou peyman konpansasyon travayer pou zot letan servis.

O moman ki sa kontra ti pran lefe tou travayer ki Gouvernman ti anploye pou *manage* simityer ti ganny transfer avek *Cemetery Services Agency*.

Tou sa bann travayer ti resevwar zot konpansasyon pou zot letan servis avek Gouvernman. E zot ti kontinyen zot lanplwa avek *Cemetery Services Agency*.

Menm si sa bann travayer ti anploy avek *Cemetery Services Agency*, lapey sa bann travayer ti ganny peye par ASP avek larzan ki Gouvernman ti'n

bidzete pou sa servis anba Bidze ASP.

E ler travayer Gouvernman ti resevwar serten logmantasyon ki tel parey *Long service allowance* e *supplementation allowance*, sa bann travayer osi ti resevwar sa bann *benefits*.

Gouvernman ti osi delivre bann lekipman e transfer bann transpor, ki ti propriyete Gouvernman e ki ti ganny servi par Gouvernman pou sa servis avek *Cemetery Services Agency*.

Batiman e lezot striktir Gouvernman ki Gouvernman ti servi pou *manage* simityer, ti osi ganny delivre avek *Cemetery Services Agency*.

Sa larzan ki Gouvernman ti bidzete ti osi servi pou soutenir lezot depans *Cemetery Services Agency*, parey pou fer *fuel*, pey depans *maintenance* bann transpor, elektrisite, delo, telefonn, zis pou nonm enn de.

Cemetery Services Agency ti sarz bann kliyan en sonm larzan pou fouy trou, pou aste trou e fre *fuel* pou bann servis lanterman ki fer dan lezot simityer apard ki simityer Mont Fleuri.

I ti osi resevwar en sonm larzan avek Gouvernman Britanik pou zer *Commonwealth Memorial Graves* ek *Cenotaph*.

I paret ki a en moman Gouvernman avan ti'n komans konsidere rebran *management* bann simityer. E mon ganny dir ki sa ti ganny anvoye an vi sityasyon *pandemic COVID-19*.

Aprè ki nouvo Gouvernman in pran direksyon pei nou ti realize ki laranzman anba sa *management contract* pa ti neserman an konformite avek bann prosedir Gouvernman.

Alor boner sa lannen en lanket ti ganny inifye lo sa *management contract* e fason ki i ti pe ganny *manage* e egzekite. En Komite Teknik kot Minister Finans ti'n komans en revè preliminer ki ti'n enkli bann prosedir depans Bidze simityer.

Sa tim ti vin avek diferan aksyon ki bezwen ganny pran par ASP ki pou deside ki pour arive avek sa servis. Dan sa legzersis i ti neser ki nou ti etabli tou bann *asset* ki ganny aste pandan bann lannen, e ki bann *fees* oubyen *charges* ki *Cemetery Services Agency* ti kolekte.

Pandan sa legzersis nou'n dekouver ki in annan bokou *irregularity* ki neser en lodit par Lofis Oditer Zeneral e en terminasyon sa kontra avek *Cemetery Services Agency* imedyatman.

Nou ti konstate ki premyerman sa servis pa ti paret ki i ti'n ganny *tender* an akor avek *Public Procurement Act*. Nou ti osi konstate ki menm si sa *management contract* ti'n ganny fer koman parti program *privatization*, Gouvernman sa lepok, Gouvernman atraver ASP ti pe soutenir sa biznes prive pou li *manage* simityer par pey saler son travayer, lakizasyon en nouvo transpor an 2018, soutenir depans karbiran e lezot depans esansyel *Cemetery Services Agency*.

Me an menm tan sa biznes li i ti pe resevwar servis avek kliyan, ki ti al dan son kont biznes. Dan sa rapor nou ti konstate ki *Cemetery Services Agency* ti pe anploy 77 travayer enkli en *manager*.

Parey mon'n dir avan bann travayer ti lo *payroll* ASP menm si zot anploye avek *Cemetery Services Agency*. E zot resevwar tou bann benefis monneter ki travayer Gouvernman i resevwar enkli *long service allowance*.

Dapre sa rapor nou ti konstate ki i annan serten diverzans enportan dan bann sonm ki'n ganny kolekte, e osi lo bann depans e fason ki sa bann fon in ganny administre e depanse.

Me tou sa i bann *findings* preliminar ki neselit en lodit aprofondir. Lofis Oditer Zeneral in konfirman ki okenn lodit pa'n zanmen ganny fer lo sa servis depi sanzman ki ti arive an 2015.

Nou konklizyon sete ki *management* sa kontra e sirtou lo kote depans pa'n ganny fer dan en fason ki akseptab e napa okenn *record of oversight* de la par Gouvernman lo servis simityer.

Se an rezilta sa bann *findings* ki nou ti pran en desizyon pou Gouvernman termin sa kontra e rebran sa servis ek fonksyonman.

Zofisye mon Minister, *Attorney Zeneral, CEO, ASP* e Zofisye Minister Finans ti zwenn avek Mrs Yvette Antat ki parey mon'n dir avan ti pe zer simityer anba *Cemetery Services Agency*, pou enform lo desizyon Gouvernman pou rebran fonksyon management simityer le 01 Zen 2021.

Son lanmen sa bann menm zofisye ti zwenn avek tou travayer *Cemetery Services Agency* kot zot ti ganny enformen lo sa desizyon e ganny bann detay.

Bann travayer ti ganny enformen ki zot lanplwa avek *Cemetery Services Agency* pou arete le 31 Me 2021. E tou bann

ki anvi kontinyen travay avek Gouvernman, pou kapab kontinyen zot lanplwa avek Gouvernman.

Mon ti a kontan enform Lasanble ki tou travayer *Cemetery Services Agency* ki ti dan son lanplwa le 31 e 2021 a leksepsyon 2 in aksepte lof Gouvernman e zot pe travay avek Gouvernman pou donn sa servis.

Sa 2 ki pa'n pran lanplwa avek Gouvernman, enn i pou rezon medikal e lot akoz in ariv son laz retret e in deside pran son retret. Pou Gouvernman kapab rebran fonksyon zesyon simityer e termin sa *management contract* avek *Cemetery Services Agency*, Gouvernman e *Cemetery Services Agency* ti siny en lagreman kot *Cemetery Services Agency* ti agree pou termin sa kontra e pou Gouvernman pey tou travayer benefis travay ki zot annan anba Lalwa Lanplwa.

Anfet en antisipasyon terminasyon sa *management contract* provizyon ti'n ganny fer dan Bidze 2021 pou en tel depans e konsekaman Gouvernman in servi sa larzan pou pey sa bann travayer.

Gouvernman in asiste *Cemetery Services Agency* an relasyon avek terminasyon son

bann travayer, e zot lanplwa avek Gouvernman.

Cemetery Services Agency in fasilite transfer bann *vehicles* bann transpor ki Gouvernman ti transfer lo li, oubyen ki Gouvernman ti aste an 2018 e osi delivre batiman lofis e lekipman ki ti pe servi pou donn sa servis.

An sa ki konsern egzekisyon sa *management agreement* e rapor preliminar ki mon'n resevwar, Gouvernman pe demann Odirer Zeneral pou li antreprann en odit aprofondi lo rezon pou sa swadizan privatization sa servis, dan alokasyon sa kontra egzekisyon sa *management contract Cemetery Services Agency e ASP*. E nou ava kapab donn bann Manm Onorab detay lo sa odit ler i ganny terminen.

Depi le 01 Zen 2021 tou sa bann simityer ki mon'n nonmen o komansman mon deklarasyon pe ganny zere par ASP.

ASP avek laprouvasyon Departman Ladministrasyon Piblik in kre en Seksyon anba son striktir ki apel *Cemetery Services Section*, mon repete *Cemetery Services Section*.

Sa seksyon in abzorb tou bann travayer *Cemetery Services Agency* e i ganny *manage* par en *manager* ki

raport direktman avek *CEO ASP*.

Tou bann travayer enkli bann ki baze Praslin, in fini ganny zot let lapwentman ki zot in fini sinyen e sot pe an se moman kontinyen zot loperasyon.

Parey tou bann Antite Gouvernman, *management* bann simityer enkli son bann travayer pou ganny fer strikteman an akor avek Lalwa e prosedir servis piblik ki deza an plas.

Pou konklir Mr Speaker apartir le 01 Zen loperasyon tou simityer Sesel ti pou ganny manage dan en fason byen kontrole e tou larzan kolekte pou ganny byen *accounted for* dan en fason transparan par ASP. Mersi Mr Speaker.

MR SPEAKER

Mersi Minis. Mon pou ouver lasal pou kekyon bann Manm. Nou a pas dan Staz Komite.

Eski nou bezwen en Mosyon Onorab Georges? Alor ou a prezant en Mosyon.

HON BERNARD GEORGES

Mersi Mr Speaker. Mr Speaker annakor avek *Order 84* nou *Standing Orders* mon *move* ki Lasanble i *resolve* son lekor dan en Komite Lasanble. Mersi.

MR SPEAKER

Mersi. Eski sa i ganny segonde?

HON SANDY ARISSOL

Bonn apre midi Mr Speaker. Bonn apre midi Minis ek ou delegasyon. Mr Speaker Mosyon i ganny segonde. Mersi.

MR SPEAKER

Mersi. Eski bann Manm i a vot lo la? Bann ki an faver silvouple lev lanmen. Ou'n gannyen Madanm Clerk? Okenn Manm ki kont?

Mersi. Mosyon pour pas dan Komite *Stage* pou konsider kestyon pou sa bann, lo sa *Statement* in ganny 31 vot pour, 0 vot kont e 1 abstansyon.

Alor nou a pas dan Staz Komite silvouple. Byen, bann Manm i kapab adres kestyon pour Minis e Minis i a diriz, en pti moman. *Ok*, tenir lanmen silvouple mon a sey. Mersi.

Byen mon a komans avek Onorab Monthy.

HON PHILIP MONTHY

Mersi Mr Speaker. Bonn apre midi Minis ek ou delegasyon. 2 pti kestyon, mon konnen ki i annan plizyer servis ki tonm anba sa Departman tel parey ou annan *burial fee*, ou annan *re-opening of grave*, *rent of tools* keksoz koumsa.

Ler sa servis ti anba Gouvernman, dizon ti pe ganny sarz R100 pour *burial grave* ok? Eski sa menm sonm in reste ler sa Kontra ti ganny sinyen, oubyen sa sonm in ganny ogmante? *Ok*.

Sa i premye kestyon, dezyenm kestyon. Dan lenstans kot ler trou pe ganny fouye ou zwenn ros, e sa ros i bezwen ganny kase ok? Dapre ki mwan mon konpran avan sa kou ti ganny abzorbe par Minister, Gouvernman. Amwen ki sa dimoun li i anvi en lot trou, la son kou pou li kas sa ros ti tonm lo li.

Donk anba sa nouvo kontra, eski sa osi ti ganny *maintain* oubyen bann dimoun ti pe ganny sarze en sonm egzorbitan pou kas ros ler tou pe ganny fouye? Mersi.

MR SPEAKER

Mersi Onorab. Minis, wi *CEO*.

CEO ASP - BRENDA MORIN

Bonn apre midi Mr Speaker. Bonn apre midi bann Onorab e tou ban ki pe ekoute. Onorab mersi pou ou kestyon.

Lo *burial fee*, *burial fee* i reste parey R100, depi ler nou, nou'n rekomanse. Pour *rock blasting* la pou kas ros, sa nou bann travayer menm ki ti deza pe fer anba kontra Mrs Antat e

menm prosedir zot pe fer, zot ki pe kase. Mersi.

MR SPEAKER

I kler Onorab Monthy? Oule klarifye?

HON PHILIP MONTHY

Zis en pti klarifikasyon. So pou kas ros dan en trou i pe kout en dimoun, avan sa dimoun pa ti peye.

MR SPEAKER

Wi *CEO*.

CEO ASP - BRENDA MORIN

Non, non zot pa ti peye avan. Ki manner nou'n ganny eksplike ki sa nou annan nou travayer nou menn ki kas sa bann ros e pou *burial fee* nou bann dimoun i pey R100, e nou, nou pey nou travayer pou kas ros pou fouy sa trou e met li pare.

Amwen i annan bann lezot dimoun ki ti oule serten landrwa ki zot, zot ti pare pou zot peye pou zot ganny sa, ki ti bezwen plis koman mon kapab dir lekipman. Alors zot, zot ti fer sa laranzman me selman trou in met pare e ou pey R100 pou en trou. Mersi.

MR SPEAKER

Terminen silvouple Onorab Monthy.

HON PHILIP MONTHY

Akoz mon pe demann sa kestyon, akoz i annan en zabitan dan mon distrik fek pas dan sa sityasyon, e in ganny demande pou pey en sonm en pe egzorbitan, pou kas en ros dan en trou.

Deza zot en fanmir ki ti pe ganny en serten difikilte finansye. So se pour sela ki mon pe demann sa kestyon. In sanble mwan ki in annan en sanzman ki oparavan pa ti bezwen peye.

Amwen ki ou anvi en lot trou, me ki la aprezan menm si simityer ki'n onn ou en trou, si i annan en ros ladan i *at your own cost* pou kas sa ros. E mon krwar ziske R6000 dimoun ti pe peye. Mersi.

MR SPEAKER

Wi *CEO*. Si ou kapab klarifye.

CEO ASP - BRENDA MORIN

Wi, si sa ti pe arive i sertennman non. Akoz nou annan nou dimoun pour kas ros e prepar sa trou. So si i ti pe arive i pa devret arive e la ki nou, nou'n pran non i pa pou arive. Mersi.

MR SPEAKER

Mersi. Nou a pran Onorab Gill e i a swivi par Onorab William. Si

ou kapab met pare. Onorab Gill.

HON CHURCHILL Gill

Mersi Mr Chair. Bonn apre midi Minis ek ou delegasyon. Mon premye kestyon se, ler simityer ti pe ganny *manage* avan sa ti annan sityasyon kot ler netwayaz i ganny fer, latonm i kase e prezan bann fanmir ti ganny bokou difikilte.

Mwan menm mwan mon ti bezwen anmenn, serten pwen isi dan Lasanble pou kapab *repair*. Alors eski Minister pe mazine ler sa bann dimoun pe travay si ariv sa bann keksoz, i garanti ki Minister ki pou repar sa bann latonm? Sa pou benefis sa bann dimoun Praslin.

Apre dezyenmman, simityer Baie Ste Anne i annan en kontrent lespas. Mon'n deza anmenn sa devan avan sa. Alors mon ti a demann Minister si zot pou konsider komans *be on the lookout* pou en lot landrwa akoz simityer Baie Ste Anne la i annan en kontrent lespas tre, tre serye.

Apre pour, pour Baie Ste Anne. Eski i pou ganny *manage* anba en *supervisor*, i pou annan en dimoun ki pou *supervise* sa travay laba, oubyen i pou annan en Departman ki direktman anba Minister ki

pou, *manage* sa sityasyon? Mersi.

MR SPEAKER

Mersi Onorab. Wi Minis.

MINISTER PATRICIA FRANCOURT

Mersi Mr Speaker. Mersi Onorab. Wi, *definitely* sa ki ou'n koz premye lo mwan, *about* netwayaz *cleaning* i pou arive. Akoz ASP pe rebran sa manda konpletman. Nou'n zwenn avek sa dimoun ki *actually* ansarz *as the director*, kot Mont Fleuri. E nou'n *have a long* miting avek li kot nou'n, tal tou keksoz lo latab.

Nou *expectations* e dan son fason, dan nou fason nou pou zwenn avek Praslin *very soon* ler nou kapab ariv Praslin. Me solman i annan sa bout i *oversight* sa.

Praslin pou bezwen annan en *supervisor*. Nou'n komans regard nou, nou *layout* ki mannyer pou marse. E *definitely* sa i gran konversasyon ki nou bezwen koz lo la vremen *urgently about* lespas, dan simityer.

Not just, zis Baie Ste Anne me lo Mahé osi. E sa i en konversasyon kritik ki nou bezwen komans fer pli vit posib. E nou'n komanse, prezan *it's*

knowing how we proceed from that. Mersi.

MR SPEAKER

Mersi. Onorab William.

HON WAVEN WILLIAM

Mersi Mr Speaker. Bonn apre midi Minis avek ou lekip. Minis mon ti a kontan si ou ti kapab rebran ankor, ki Manm Lasanble avek piblik ki pe ekoute a konpran li en pti pe byen. Sa *management contract* avek *Cemetery Services Agency*. Letan mon'n fer en pti kalkilasyon, an mwayenn nou pe koz R66mil par mwan, e maksimonm nou pe koz nou R108mil par mwan.

So si ou ti kapab dir nou en pti pe, baze lo sa ogmantasyon, egzaktman ki bann servis, detay bann servis anba sa Kontra?

Epi mon dezyenm keston. Minis lefe ki nou pe koz bann simityer, e nou konnen mon pa konnen si sa rapor i deza devan ou. Nou pe ganny enformen koman Manm Lasanble pou dir bann simityer pe plen.

E ozordi zot pe bat lo bann trou ki annan zis ros. Ki nouvo Gouvernman, ouswa ou ladministrasyon i annan lentansyon fer vizavi, revwar en

pti pe lafason ki nou, nou fasilite sa bann *burial* dan lavenir?

Sirtou an term sansibilizasyon akouz nou konnen i annan diferan kalite fason ki ou kapab fer. E ki zot annan zot, ki lentansyon zot annan vizavi sa? Mersi.

MR SPEAKER

Mersi Onorab. Minis wi.

MINISTER PATRICIA FRANCOURT

Mersi Mr Speaker. Mersi Onorab pou ou keston. Mon a pran sa enn nimero 3 apre *CEO* i ava pran sa enn dezyenm avek premye.

Pour *facilitate* sa konversasyon *actually* letan nou'n *meet* semenn pase e nou'n kontinyen pe koz lo la. Nou'n realize poudir sa servis pou annan *availability of* trou, oubyen pour bann aksyon ki nou bezwen ganny pran pou fer sir ki annan lespas.

Nou ti bezwen enkli bann, bann dimoun *expert* ki annan sa *expertise* dan sa domenn. E sa en keksoz ki nou pe fer komansman sa semenn ki vini. Pou fer sir sa, i annan dimoun ki annan *expertise* ladan.

Letan nou regarde, dan nou Minister nou, nou pe asize *we didn't have expertise in that*. Me selman nou ti pe, nou ti pe

esper pou nou antre dan nou, dan nou manda pou nou kapab *have this conversation*.

Mon *wish* sa bann konversasyon ti'n ariv *way before*, akoz sa bann dimoun petet ti okouran, poudir *we are running out of* lespas *and everything else*. *What was the action plan?* Konnen ti enportan.

Ler mwan mon'n demann lenformasyon mon'n zis ganny dir en *data* dan tel simityer napa, dan sa enn i reste zero, dan sa enn i reste de. *That, that was not good enough, it's a plan that's should have been there way before*.

Ou pa esper letan nou, nou kritik prezan pou rode ki nou pou fer. *So that is a conversation* ki mon *believe* bann dimoun ki annan *expertise* bezwen asiz avek nou, *immediately* pou nou kapab *look after that*.

E nou konnen poudir *this is going to happen*. Me parkont nou'n ganny bann lendikasyon, kisisa ki nou kapab fer *immediate* pour soulaz sa sityasyon en pti pe. Mersi Onorab.

MR SPEAKER

CEO.

CEO ASP - BRENDA MORIN

Mersi Mr Speaker. Ler sa servis ti avek Mrs Antat, i ti pe ofer servis *in terms* pou fouy nouvo trou, *grave opening* bann ki'n deza la pou ouver avek relasyon avek Lasante, pou asiste sa e osi asiste sa dimoun ziska i fini son lanterman.

E osi zot louvraz se pou *maintain*, pou netwaye pou kit simityer prop, pou koup tou dibwa, bann lezot zerb tou sa pou *maintain* simityer. E la tou sa servis se la Gouvernman ki'n rebran. E li i pou fer tousala.

E mon a profite poudir la, pa pou peyman. Ler pou annan en lanterman se ou ava, al kot sa simityer la kot sa *supervisor* i ete la, pou dir li ki ou pe vin fer lanterman. E li ava, fer en konnen kot pou ganny en trou kote. Zot a fouye, a fini met pare.

E i pou donn ou en form ki i pou'n sinyen e stanpe e sa pou anmenn anba kot ASP pou peyman. Pou napa peyman fer dan simityer li menm avek person. I pou ganny fer anba kot ASP.

E la i pou donn ou en resi avek en dezyenm kopi ki ou pou bezwen retourn kot sa *supervisor*, kot simityer laba. Pou li asire ki ou'n fini fer ou peyman li ava donn ou en, i annan enn sa kopi ki ou a kit ek ou e lot fodre li i gannyen pou li

rann ASP pou kapab *monitor* peyman ki'n resevwar.

So alor la Gouvernman i responsab tou, pou fer sir ki lanterman i ganny fer par Lalwa e demande par Lasante. E fer sir ou pou ganny en trou ki konvenab e redwi tou bann problem ki bann dimoun pe gannyen pou lanterman. Mersi.

MR SPEAKER

Mersi. Onorab Mondon.

HON TERENCE MONDON

Mersi Mr Chair. Mon kestyon i premye lo bann *fees* ki dimoun i peye e ki pe ganny kolekte par sa, sa *agency*. Ki manner sa bann *fees* ti pe ganny gard bann rikord, ti pe ganny garde? Eski ASP ki ti pe, anmas tou sa bann *fees*? Si ou kapab eksplik nou en pti pe ki manner ti arive, pe pase.

E dir nou si anilasyon sa kontra, in napa okenn reperkisyon. Eski zot satisfè pou napa okenn reperkisyon, ouswa en kou koman konpansasyon? Tou bann provizyon i ganny soz, zot in asire bann provizyon i annord?

E ler nou'n koz nou, napa *tender*. Eski ti napa okenn keksoz, okenn rikord ki zot vwar dan zot lodit preliminar pou montre ki ti annan okenn

zistifikasyon, pou napa *tender* pour sa servis kontra?

Sa i, boner i annan en pti kestyon lo anfet nou pe koz lo servis fineray a lavenir. Anfet ki Takamaka osi ki napa lespas pour, pour anter dimoun ki, ki koman zot pe anvizaze rezourd sa sityasyon? Mersi Mr Chair.

MR SPEAKER

Mersi wi. Silvouple *panel* les mwan konnen lekel. Wi Mrs Tamatave.

DEPUTY COMPTROLLER GENERAL ASTRIDE TAMATAVE

Bonn apre midi Mr Speaker. E tou Manm Onorab. Mersi Onorab pou kestyon. *In regards* to bann *fees* ki ti pe kolekte lo servis fineray pandan letan sa laranzman, tou reveni ki ti ganny kolekte ti ganny *bank*, ti ganny *handover* avek Mrs Antat.

Savedir bann *supervisor*, par egzanp simityer Mont Fleuri ti *handover* avek Mrs Antat. E li konsekaman i ti *bank* dan en kont komersyal. Savedir son konpanyen prive ti annan en kont komersyal kot i ti pe *bank* son bann reveni. Pou Praslin osi ti ganny *bank* dan sa kont komersyal.

In regards to *tender*, kestyon lo *tender*. Wi, *tender* pa

ti ganny fer, e rezondet mon mazin en akòz i parey Minis in mansyonnen *it was part of* bann *outsourcing arrangement* ki ti *from* 2008 e i *burial services* i ti enn parmi.

Kot letan Gouvernman a sa letan ti dekouver, konmsi ti realize ki sa bann servis i bann *non-core* e i pou pli bon i ganny *outsource*. Ti annan serten lakonpanyen ki ti ganny kree dan sa legzanp *burial e Cemetery Service Agency* ti ganny kree.

Mrs Antat ki ti *the manager*. E i ti ganny donnen sa kontra. Me an prensip ti sipoze *tender*. I sipoze *tender*, e nenport ki endividi ti anvi partisipe ti ava partisipe. Mersi bokou.

MR SPEAKER

Mersi. Onorab Woodcock.

HON WAVEL WOODCOCK

Mersi.

MR SPEAKER

Wi Onorab Mondon, ou annan kestyon ki pa'n reponn oule klarifikasyon?

HON TERENCE MONDON

Wi, wi Mr Chair lo kote lespas.

MR SPEAKER

Takamaka. Minis wi?

MINISTER PATRICIA FRANCOURT

Mersi Mr Speaker. Mersi Onorab. Onorab parey mon'n dir i pa zis Takamaka, i pa zis Praslin. *This is a whole issue, of, of spaces*. E se sa ki mon'n dir ki nou pe ganny bann *expert* ki annan leksperyans dan sa domenn pou nou koz avek.

E *by all means* letan i annan en *concrete plan we will let you know, we will let the Assembly know, but it's an issue that*, i kritik e nou bezwen koz lo la e nou bezwen annan en aksyon. Mersi.

MR SPEAKER

Mersi. Onorab Woodcock wi.

HON WAVEL WOODCOCK

Ok. Mersi Minis, Speaker. Bonn are midi Minis. Mr Speaker mon kestyon, zis mon pe rod en leklersisman la. Sa servis *cemetery management*, ti ganny privatize. Savedir sa *Cemetery Service Agency* i en *private company*.

E normalman en *private company* i merit pe zener son prop reveni. E kestyon ki mon pe demande la ler mon pe gete, kontra i annan en Kontra ki ASP in sinyen avek sa lakonpanyen *Cemetery Service Agency*.

From 2015 ti annan en sonm 8.4milyon e in kontinyen monte, 2017 8.8milyon e in kontinyen ogmante ziska 2020, in ariv par lao 10milyon.

Me yet en private company ki mannyer en private company ASP ki pe ganny tou sa larzan atraver en kontra, me selman ASP ti ankor pe soutenir sa lakonpanyen, pou kouver kou loperasyon sa lakonpanyen, pey tou sa bann lezot depans enkli saler travayer.

E an plis ki sa bann reveni ki sa lakonpanyen, ki sa lakonpanyen pe generate i al dan en kont prive sa lakonpanyen.

Konmsi ASP ti pe subsidize en lakonpanyen prive ki en lakonpanyen prive ki pe fer so much money lo larzan tax payers. Alor mon kestyon i ki mannyer en manboulouk koumsa, mon konnen in ariv dan Gouvernman presedan, ki mannyer en tel manboulouk in kapab arive? E eski sa kantite larzan ki Gouvernman in peye was value for money?

Akoz mwan ler mon pe get simityer Grand Anse avek Nouvelle Découverte en nespes kosonnyen. Gomon pe pouse, in fini plen, management - preski napa. okenn cemetery management ki pe ganny

deroule, dan bann simityer Praslin enkli Baie Ste Anne osi tou sa bann konsern ki nou annan.

Alor mon ti kontan demande, eski pou annan serten aksyon legal ki pou ganny pran osi, pou nou rekouver en pe tou sa bann larzan ki ASP in peye? Mersi.

MR SPEAKER

Mersi. Panel.

DEPUTY COMPTROLLER GENERAL ASTRIDE TAMATAVE

Onorab mersi pou ou kestyon. In regards pou reveni, korek ki ou'n dir. Reveni ki sa lakonpanyen in kolekte over the years, depi 2015 ziske le 30, ziske avan le 01 Zen in ganny bank dan son kont komersyal.

Gouvernman parey ou'n, you have rightly said ki Gouvernman in pey depans en lakonpanyen prive. Ki natirelman i pa ti devret, i pa ti devret ariv koumsa. An prensip ki mannyer ti sipoze arive. Cemetery Services Agency koman en lakonpanyen prive tou le mwan ti a merit anvoy ASP en invoice pou son servis.

Nou kapab konstata ki sa reveni ki burial services i kolekte avek fre lanterman, nenport ki dimoun ki ti pou al

dan sa servis pa ti pou ase pou li *run the management of cemetery*. E i ti pou bezwen *invoice* Gouvernman tou le mwan.

Me se sa ki pa'n ganny arive. Depans in ganny fer direktman anba Bidze ASP dan plas ki *the Cemetery Service Agency* koman en lakonpanyen prive *invoice ASP on a monthly basis* parey bann lezot laranzman *outsourcing* i marse. Mersi.

MR SPEAKER

Wi *CEO*.

CEO ASP - BRENDA MORIN

Mersi Mr Speaker. Pou mwan azoute lo la ki, *Cemetery Services Agency* i pa ti en *agency* li. *Anyway*, sa biznes Mrs Antat ki la mon pa pe mazin son non. *Yah! So, it was right, anyway*. I ti en *sole trader* e parey sa en biznes *sole trader* e i osi nou ti pey li en saler e i ti pe ganny tou konpansasyon koman en travayer Gouvernman, parey tou bann benefis.

E se sa, i ti tou bann konpansasyon ki gannye parey en normal travayer. Me selman i ti *run* koman en *sole trader*. *Ok*, mersi.

MR SPEAKER

Ou annan klarifikasyon Onorab Woodcock? Wi.

HON WAVEL WOODCOCK

Mr Speaker ankor enn fwa i vremen sagrinan, ziska dan simityer i annan vol anba Gouvernman presedan !

(laughter)

HON WAVEL WOODCOCK

Mon lot klarifikasyon mon pe rode, *ASP* in osi aste transpor pou donn sa lakonpanyen prive !

Eski zot in rebran sa bann *asset* ki *ASP* in donn sa lakonpanyen? Mr Speaker sa *it's a blatant abuse*, labi lo resours ek larzan Leta e fodre aksyon serye i ganny pran kont sa ! Mersi Mr Speaker.

MR SPEAKER

Sezi. *CEO*, ou ti pou donn li en repons lo la. Madanm *Comptroller General* *yeah*.

DEPUTY COMPTROLLER GENERAL ASTRIDE TAMATAVE

Onorab sa lakonpanyen i annan 4 transpor. I ti annan 4 transpor. 3 ti ganny transfer letan sa laranzman, letan sa *management agreement* ti ganny sinyen. Ki ti pou

Gouvernman ti ganny transfer avek sa lakonpanyen. E parey Minis in mansyonnen en 2018 en lot transpor ti ganny aste par *ASP*, pou sa lakonpanyen.

Me parey osi Minis in mansyonnen, dan son diskour ki tou le 4 transpor in fini re ganny transfer avek *ASP*. Savedir Gouvernman in fini rebran tou le 4 sa bann transpor. Mersi.

MR SPEAKER

Mersi. Wi *CEO*.

CEO ASP - BRENDA MORIN

Mersi Mr Speaker. Pou azoute lo la, ki bann tou bann *assets* parey in dir bann transpor in fini ganny transfer lo Gouvernman, e apre osi bann, zouti ki pe servi dan bann simityer nou'n fer en *inventory* e tousala in ariv lo liv *ASP*.

E la pou bann *assets* ler pou fer en sanzman, bann ki'n kase i bezwen form par *normal procedure of ASP* pou *acquire* bann lekipman ki bezwen. E sa i pe ganny zere vreman dan en fason strik prezan. Mersi.

MR SPEAKER

Mersi. Onorab Aglae e Onorab Roucou a swiv apre.

HON EGBERT AGLAE

Mersi Mr Speaker. Bonn apre midi Minis ek delegasyon. Minis premyerman mon ti a kontan demande, parey Ms Tamatave in eksplike si petet, ti annan sa lagreman avan, si avek sa lakonpanyen la. Si zot annan sa lagreman ki petet nou ti a kapab osi vwar ki sa bann detay sa bann *Clause* ki annan ladan.

Parey ou'n dir fason *operating, reporting procedure, invoicing* si ti ganny mete ladan pou li swiv, pou nou konnen ki mannyer keksoz i sipoze marse ti a bon.

Dezyenmman mon ti a kontan petet anvi ki zot pou fer, pe fer sa sanzman la pou retourn li en pe parey i ti ete o komansman avan ti vin avek en Lazans Gouvernman i *take-up*.

Premyerman mon ti a kontan lavenir *burial services* dan pei mon krwar i en servis ki vreman enportan. An vi ki i annan bann travayer ki deza pe travay avek sa lakonpanyen li menm li, parey ou'n dir dan ou repons Minis.

Mon ti a kontan konnen prezan ki zot pe mazin fer premyerman, akoz sa bann travayer, menm si ti pe travay dan pe rann sa servis, premyerman kot en simityer zot napa ni menm en *storage facilities*.

Lapli soley zot lanmenm la. Eski zot pe mazin al avenir annan sa bann fasilite pou kapab *accommodate* sa bann travayer dan plas kit parey Port Glaud, kit kot Mrs Angela Hermitte anba zot pyos, zot pik, zot lapel. Sa i enn.

Dezyenmman Minis, pozisyon an tern *burial services*. Eski nou pou kontinyen sa fason tradisyonnèl, kot nou kontinyen antere e lespas napa Port Glaud in deza plen li menm li. E i annan en servis ki pe ofer atraver Padayachy pou brile, *cremation*.

Eski Gouvernman i pou al angaz li en pti pe plis an diskisyon avek sa *private* servis ki deza pe ganny pran, ouswa zot pou vin avek bann lezot alternatif? Akoz i annan bann lezot pei koutim i sanze, i annan lezot fason ki zot *bury* zot bann *décéder*.

So eski nou pe mazin enn pti pe, ouver anvi ki nou pa le pran tou nou later ki nou deza napa zis pou fer simityer avek? Mersi.

MR SPEAKER

Mersi Onorab. Wi Minis.

MINISTER PATRICIA
FRANCOURT

Mersi Mr Speaker. Mersi Onorab pou ou kestyon. Mon a

pran ou bann dernyen kestyon apre *PS* i ava zis petet eksplik ou en pti pe, en pti pe lo *the contract*. E i a donn ou en pti pe plis detay.

Wi Onorab, parey mon dir nou bezwen angaze ek bann dimoun ki annan *expertise* dan sa domenn pou nou konnen *what is the next steps*. E i ankourazan ki nou pe komans ganny konsiltasyon, *but that's the way forward* ki pou nou kapab konnen *is traditional way of* anter dimoun soutenab oubyen non.

So sa i bann diskisyon ki nou bezwen annan *right now*. E *you are right*, napa later kote ki nou pou ganny later pou fer sa , so nou bezwen get lot bann fason *unconventional* parey nou dir.

Letan ou pe koz lo bann servis, menm bann keksoz *operational* i annan en bann difikilte ki letan nou'n koz avek , kontinyen koze, koze, koze avek Mr Renaud *who is the supervisor*, i annan problemm *storage* ki ou'n fek nonmen.

Mon en gran problemm ki'n fatig mwan kote bann madanm i sanze *for example*. Ler zot vin travay dan simityer napa landrwa pou zot sanze. Kot zot servi *toilet for example*.

Lofis Mont Fleuri i tro ptipti, dimoun i vini i annan ler

i dir dimoun dan laliny i akimile pour bokou letan. *Health and Safety* letan zot pe fer lanterman, eski zot annan *the right equipment* ki zot servi ?

E *one way forward* lo la sirtou pou Mont Fleuri nou ti osi dekouver poudir i annan e lakaz, en gran lakaz trwa lasanm, i annan en dimoun ki reste ladan pa'n pey okenn *rent*.

Me selman en dimoun i reste ladan napa nanryen ki pou fer ek simityer pou lemoman. So tousala nou bezwen *reacquire*. Eski sa landrwa i kapab, sa lakaz i kapab vin parey en lofis pli gran annan en *toilet facilities* pou bann madanm *and so on*, en *restroom*?

So tousala i bann keksoz parey i form, nou evalyasyon pou nou kapab *put it together*. Nou'n komanse me selman its now finaliz tou sa bann *task and ways forward like you, like you* parey ou tann mwan pe dir i annan bokou pou fer.

Me selman *with the right support and expertise*, apre avek diskisyon avek *Local Government* osi akoz zot osi zot pou annan en gran rol pou zwe finalman pou nou regarde ki bout sa servis ki vin kot zot. E tousala i form par bann *reforms* ki posibleman pou arive. Mersi mon a les *PS* zis koz en pti bout.

MR SPEAKER

Mersi. *PS* wi.

PS LINDA WILLIAM-MELANIE

Mersi Mr Speaker. Bonn apre midi Mr Speaker ek tou Manm Onorab. Kot i konsern bann kondisyon dan sa Lagreman wi, mon pou kapab dir poudir Mrs Antat ti annan bann kondisyon, anba kwa, anba ki, ki i ti pe *operate*, ki bann servis ki i ti sipoze pe donneren.

Me selman lefe ki sa lagreman ti ganny sinyen ant Gouvernman ki ti ganny reprezante par mwan menm Sekreter Prensipal. *ASP* i ti sipoze ki pe annan *oversight* pour sa lagreman avek bann servis ki pe ganny donneren par lefe parey zot kapab apresye Bidze ti ganny mete dan, dan anba *budget line ASP*.

So bann *oversight* ki ti merit ganny fer a sa letan, o moman ki apre ki Gouvernman ti pou al revwar sa laranzman privatizasyon, ti devret pe ganny fer *by ASP* ki ti pe *manage* Bidze, ki ti devret pe *held The Cemetery Agency accountable* pou bann larzan ki ti pe ganny depanse. Mersi Mr Speaker.

MR SPEAKER

Mersi. Onorab Roucou e i a swiv par Onorab Arissol.

HON MICHEL ROUCOU

Mersi Mr Speaker. Bonn apre midi Minis avek ou delegasyon. Bonn apre midi spesyal pou bann zabitan Mont Fleuri. Minis ou'n dir poudir kot Lofis Simityer i ete i annan en lakaz trwa lasanm ki mon mazine ki manner ou pe dir pou Gouvernman menm sa propriyete la.

Eski zot in komans antre an diskisyon ek sa fanmir ki pe okip sa lakaz la? E si mon pa tronpe simityer Mont Fleuri in komans servi depi 1903, kot in komans anter dimoun la.

La ki nou pe vwar, nou vwar poudir dimoun pe, bann lekor pe ganny antere diferan fason, atraver ki manner dimoun i ganny en trou i anter son lekor.

Eski nou pou kontinyen servi simityer Mont Fleuri la oubyen zot pou met en, zot pou tenir en kou. Ziska ler zot kapab vwar ki bann lezot opsyon parey ou'n dir Minis.

Mon dezyenm, mon trwazyenm, mon trwazyenm kestyon..

MR SPEAKER

Non-non. De kestyon i ava ase, Onorab. En!

HON MICHEL ROUCOU

Enn dernyen Mr Speaker. Mon trwazyenm kestyon i an term ou dir poudir ASP ti pe pey bann travayer komansman Mrs Antat ziske bann travayer simityer, si ou kapab dir nou ki zot saler? Mersi.

MR SPEAKER

Mersi. Minis. Annou sey gard de kestyon silvouple, akoz nou annan en kantite dimoun. Wi CEO.

CEO ASP - BRENDA MORIN

Mersi Mr Speaker. *Regarding* sa lakaz dan simityer nou pou al komans fer, *you know* komans koz ek sa msye la *regarding* sa propriyete.

E avek AG nou ava ganny en diskisyon ki manner nou pou *move on* avek sa. E *regarding* lefitir la simityer Mont Fleuri sa parey Minis in dir i nou bezwen al konsilte bann *expert*. E ed nou pou nou desizyon. Mersi. Wi trwazyenm, Ms Tamatave pou reponn silvouple.

MR SPEAKER

Wi Ms Tamatave.

<u>DEPUTY</u>	<u>COMPTROLLER</u>
<u>GENERAL</u>	<u>ASTRIDE</u>
<u>TAMATAVE</u>	

Mr Speaker mersi, Onorab mersi pou ou kestyon. Mon pe zis rod sa lenformasyon *in regards to* saler.

MR SPEAKER

Ou ti a kontan zis kontinyen etidye sa. Nou a pas lo lot kestyon, ler ou gannyen ou a sinyal nou. Onorab Arissol.

HON PHILIP ARISSOL

Mersi Mr Speaker. Bonn apre midi tou dimoun. Minis avek sa sanzman eski i pou annan sipervizyon strik, pou asire ki travay netwayaz tou bann simityer i ganny fer byen?

Epi eski Minis i kapab dir Lasanble ki kantite larzan sa lakonpanyen in akimile dan son kont biznes, pandan sa letan depi 2015 ziska la le 31 Me 2021? Mersi.

MR SPEAKER

Mersi Onorab. Lekel ki annan repons *panel? CEO? Wi, CEO.*

CEO ASP - BRENDA MORIN

Yes. Mersi Mr Speaker pou kestyon. *Regarding* bann zafer netwayaz simityer, *monitor* tousala i pou vin anba. Nou pe fer nou prosedir anndan e ki manner nou pou *tackle* tou sa bann *tasks* ki nou annan pou fer dan simityer. Mersi.

MR SPEAKER

Mersi. Wi, wi Ms Tamatave.

**DEPUTY COMPTROLLER
GENERAL ASTRIDE
TAMATAVE**

Mersi Mr Speaker. Mon kapab donn lenformasyon lo total saler par egzant pou *May payroll* sa 77 travayer ki *Cemetery Services Agency* ti pe anploye. Sa ti pou, i tonm R663,760. So sa i dernyen saler pou *the company* pou mwan Me. Mersi.

MR SPEAKER

Mersi. Klarifikasyon.

HON PHILIP ARISSOL

Mon dezyenm kestyon Minis pa'n reponn. Eski Minis i kapab dir Lasanble ki kantite larzan sa lakonpanyen in akimile dan son kont biznes, depi 2015 ziska la le 31 Me 2021. Mersi.

MR SPEAKER

Eski. Wi Ms Tamatave si ou annan sa repons.

**DEPUTY COMPTROLLER
GENERAL ASTRIDE
TAMATAVE**

Mersi Onorab. Mr Speaker, sa lakonpanyen en lakonpanyen prive. Nou pa'n neserman al dan son kont komersyal, akoz i en *private*

company. Me si letan *Internal Audit* i antre, oubyen Oditer Zeneral i a fer, zot fer zot rapor zot santi zot bezwen al dan son kont komersyal, sa lenformasyon i ava ganny sorti dan rapor. Mersi.

MR SPEAKER

Mersi. Onorab Esparon.

HON REGINA ESPARON

Mersi Mr Speaker. Bonn apre midi Minis ek ou delegasyon. Mr Speaker petet mon a klarifye sa avek Minis, lo kote sekirite dan bann simityer, mon konnen dan bann simityer i annan distrik pa tou ki ganny *fence*, e i annan bokou rapor lo vandalizm.

E mon konnen parey distrik Glacis, tanzantan ou tann dir latonm in ganny kase e ti annan sa bann zafer koksik anba ros bann zafer. E apre ou tann, ou tann, ou tann *syndicate*. Parski i annan bokou simityer ki napa sekirite dan simityer. E pa tou simityer ki *fence*. Eski anba sa nouvo program zot pou anbak lo en, lo en program *fence* bann simityer? Premye keston.

E dezyenm keston Minis letan ki, letan ki bann travayer pe fouy latonm la, pe fouy trou la, si zot rankontre ros dan trou. Eski sa nouvo sa seksyon

zot ki pou kas sa ros ki dan trou?

E zot pou annan en sarz pou zot pas lo sa bann dimoun? Parski anba sa lot lakonpanyen la, letan ki sa *Cemetery Services Agency* la, letan zot ti rankontre ros dan trou pe fouye. Mrs Antat ti osi annan en lakonpanyen kas ros li, ki ti sarz dimoun pou kas sa ros dan trou parfwenn ler 5mil, R6mil ki mannyer pou marse la? Mersi.

(Interruption)

MR SPEAKER

Mersi. *Panel*. Wi *CEO*.

CEO ASP - BRENDA MORIN

Mersi Mr Speaker. *Regarding* sekirite dan simityer ek *fencing*. Nou'n fek pran loperasyon la depi yer. So definitivman tou sa bann risk nou pou reevalye, sekirite simityer si nou pou met *fencing* ki mannyer nou pou ale. Sa i pou dan nou bann prosedir ki nou pou bezwen travay lo la pou tou simityer Mahé e gete e pa zis Mahé, Praslin, La Digue osi. Pou nou fer sir ki zot *safe*.

E fer sa bann problem ki nou bann dimoun pe rankontre e pou nou get ladan. E lot sa parey mon'n dir ou avan nou annan en *blaster*, nou ki'n ganny anploye, nou annan

lekipman pou kas ros. Alors sa i pou nou devwar osi pou fer sa osi. Ma les ou demann lot kestyon.

MR SPEAKER

Klarifikasyon. Vitman silvouple.

HON REGINA ESPARON

Mersi Mr Speaker. Eski pou annan en *fee*, ki zot pou sarze?

MR SPEAKER

Wi *CEO*?

CEO ASP - BRENDA MORIN

Non, pou napa. Akoz nou anploye. Zis ou a pey ou R100 pou ou trou se tou. Nou, nou met trou pare koman i devret pou ou fer ou lanterman. Mersi.

MR SPEAKER

Mersi Onorab Lemiel.

HON SYLVANNE LEMIEL

Mersi Mr Chair. Bonn apre midi Minis avek ou delegasyon. Minis mon ti a kontan konnen Anse Royale wi, nou annan de simityer, Mont Plaisir avek Sweet Escott ki, Sweet Escott in toultan ganny dir i en simityer *La Paroisse*.

Mon konnen ti annan en pti pe laranzman ki ti pe sey ganny fer akoz parfwa letan i annan dimoun ki ti annan trou ki ti le al refouye i ti al kot Pret,

Pret i tournen i dir pa kot li si zot in kapab klarifye sa. Akoz mon konnen pou dir Mrs Antat ti pe koup zerb laba.

E eski sa simityer in fini vin direk anba Gouvernman in sorti avek *La Paroisse*, nou pe koz legliz. E leta simityer Mont Plaisir osi Minis, mon krwar zot pou okouran poudir lannen pase i annan en miray ki ti'n komans ganny fer.

Me i pa pe vreman servi son *purpose* akoz nou vwar ki annan serten, sirtou ek lapli si nou les keksoz ale menm, i annan serten serkey ki ou pou vin zwenn lo semen Mont Plaisir. Se sa ki sa miray ti ganny fer pou *purpose of* sa.

Mon ti pe regarde la letan ki zot, zot in pran, akoz sa proze i merit kontinyen sa. Eski zot pe mazin pou zot kontiny li pou zot kapab anbelir sa later, pou anmase?

E osi leta simityer ki pe plen, mon konpran Minis wi ou'n dir poudir i annan en travay zeneral ki ou pe fer lo tou simityer e parkont ti deza, mon panse ti deza, annan en plan.

Mon pa konn pou lo kote Anse Royale si ou'n ganny dir ki ti deza annan serten laranzman ki ti'n ganny fer kot menm ti pou annan later ki ti pou vin *land bank* ti'n idantifye prezan i dir pa pou fer *land bank*, pou

vin simityer. So me mazin, mon pe met sa devan zot pou mwan regarde si i pe kontinyen sa?

E apre osi lo kote zot mendev. Sak fwa ti annan zafer koup zerb ti vin en problem. Swa koup zerb i fer tou le trwa mwan, mon pa konnen. Me i annan de letan ki dimoun ti pe kriy en pti pe akoz zerb ti long.

Eski sa mendev ki zot, zot in pran la i ase pou zot kapab zer netwayaz dan tou sa bann simityer lo Mahé? Mersi.

MR SPEAKER

Mersi Onorab. Minis wi.

MINISTER PATRICIA FRANCOURT

Mersi Mr Speaker, mersi Onorab. Mon pe ekout tou ou bann keston i montre ki mannyer nou annan en bon evalyasyon, pou nou fer, e nou pe komanse. E i en gro louvraz, i pa en pti louvraz.

E this is why it's so important pou nou annan nou bann right partners sa i plis ki ASP sa. Sa it's bigger. Nou annan Ministry of Land Use, nou annan Local Government, nou annan en kantite partners ki nou bezwen asiz avek from now to start talking about the ways forwards.

E tousala i bann evalyasyon pou nou travay lo la.

Mwan ki mon'n ti a kontan ki, letan konmsi nou ti pe komans demann en pe keston lo *the management of it all*. Annan lenformasyon, annan en prediksyon annan dir pou dir be ou konnen Sweet Escott *bla, bla, bla. This is the plan for it.*

Be nou pa mon pa, mon pa vwar sa bann plan, konpran? Zis i ti parey *everyday as normal we carry on, we carry on, we carry on.*

Be son fonksyon, son bann fonksyon *comme fodre napa en plan. So we are taking it from like nothing. Right?*

So this is why it's important pou nou annan the right partners, the right experts pou kapab donn nou sa gidans. But this is bigger than ASP. Mon mazine at one time letan nou'n consolidate nou evalyasyon, we will have to come and tell you guys. Ki kote nou ete, e ki nou plan e lekel bann partners ki involve.

Like I say, si ou dir miray, later pe kase konmsi who was supposed to be under taking all of this?

Konnen bann keksoz ki pa'n ganny fer. So nou pe *inherit something ki we will have to start from the beginning* e sa i en gro, nou apresye sa i en gran louvraz. Mersi. Mon pa konnen

si *CEO* i annan keksoz pou azoute lo la.

MR SPEAKER

Wi *CEO*.

CEO ASP - BRENDA MORIN

Mersi Mr Speaker. Wi, parey Minis in dir ki mannyer *ASP* in pran sa servis. I pa'n annan en *proper handover* mon kapab dir. Akoz ti napa *monitoring* pe fer avan, ti napa pou vwar sa bann problemn, ti annan en plan pou rezourd tou sa.

Se nou pe komans preske *from scratch* e la menm avek zot nou pe konpran en pe bann problemn ki annan. E pou nou komans menm kekfwa pou ganny an kontak ek zot pou konnen dan zot distrik bann problemn ki annan, bann *task* ki annan.

Nou'n deza wi ganny nonmen en pe bann problemn koup zerb, bann travayer ki menm pa pe fer zot louvraz ler zot al dan distrik laba.

So tousala in ganny met devan so nou bezwen asize met en plan, en prosedir akoz nou'n pran sa dan sa problemn ki nou'n prezante ozordi.

E remet li avek Gouvernman e la rekomanse, re travay. Met en tim ki pou kapab met sa servis lo sa standar ki Seselwa i merite. Mersi.

MR SPEAKER

Mersi. Mersi *CEO* Onorab Hoareau e i a swiv par Onorab Labrosse.

HON JOHN HOAREAU

Mersi Mr Speaker. Mr Speaker Minis avek *CEO* petet in fek pran sa bann *job*. Me *PS* in la en pe lontan, i dir, i menm dir nou poudir i an 2015 li ki ti la ler sa Kontra ti ganny sinyen.

Mwan mon kestyon se ki. Akoz ki an 2015 ziske 2021 in napa okenn lodit ki'n ganny fer lo sa *burial services*? Eski i annan laprev *so far* ki annan serten travay entern ki'n ganny fer, zis pou kouver serten aktivite kot larzan Leta, pe ganny depanse oubyen pe ganny servi, dan en fason ki pa ganny *accountable*? Sa mon premye kestyon.

Mon dezyenm kestyon Mr Speaker, se sa 77 travayer. Konbyen dan sa 77 travayer ki'n ganny reabzorbe? E eski i pou afekte oubyen i pa pou afekte *burial services*, fotespere ki nou pa ganny okenn dimoun ki bezwen ganny antere me selman I pa ganny antere akoz napa dimoun pou travay? Sa mon le konnen.

E osi Mr Speaker mon ti a kontan konnen petet zis an pasan, ki mannyer bann lezot

simityer ki pa'n ganny nonmen la, i ganny zere? Mersi.

MR SPEAKER

Mersi. Nou a sey gard de kestyon silvouple. Akoz nou annan sa. Me Minis ou'n pare?

PS LINDA WILLIAM-MELANIE

Mersi Mr Speaker. Mersi Onorab pour, pour ou kestyon. Wi koman PS pou responsab pou Zafer Sosyal mon'n la, e mon'n okouran serten diskisyon. Me selman mon anvi met sa Lasanble kler ki, PS napa Lotorite lo Lazans Proteksyon Sosyal, ni son bann aktivite ki i ganny fer.

Me koman Lazans Proteksyon Sosyal i anba sa Minister ki responsab pou Zafer Sosyal, mon kapab okouran serten diskisyon. E mon kapab ganny demande pou pran serten rol letan i annan serten travay ki ganny fer.

E mwan personnelman sa ki mwan mon okouran, mon pa'n *involve* dan okenn manev pou kouver okenn keksoz.

E si lodit pa'n ganny fer, a sa moman, i en kestyon ki petet vre i devret ganny reponn akoz sa ki mwan mon okouran, i annan lodit ki'n ganny fer kot ASP.

Me akoz servis simityer sa *Cemetery Services Agency* lefe

ki i en *budget line* anba Bidze ASP pa'n ganny touse, sa mon pa pou kapab reponn Mr Speaker ! Mersi.

MR SPEAKER

Mersi i annan lot pwen. Wi CEO.

CEO ASP - BRENDA MORIN

Mersi Mr Speaker. Lo, nou'n abzorb, i annan 77 *staff* nou'n abzorb tou espekte 2, enn ki 2 ki'n deside pou pran lanplwa. Enn akoz i malad. E lot akoz *retirement age*.

E avek lezot simityer ki ou'n nonmen sa osi la, pou mwan kapab donn en bon repons fodre nou pe al koz ek sa bann *parish* la, pou nou konnen ki mannyer ti pe ganny fer.

E annan en *going forward* plan, ki mannyer nou pou travay ansanm akoz mon osi mon pa, mon napa en repons pou ou. Mon pa konnen mannyer ti pe ganny fer. Mersi.

MR SPEAKER

Mersi. Onorab Labrosse.

HON RICHARD LABROSSE

Mersi Mr Speaker. Bonn apre midi tou dimoun ki a lekout. Bonn apre midi tou bann Manm koleg. Mr Speaker en pe letan pase ti annan en pyes teat ki ti apel "*Bal dan simityer* !" Nou ti

krwar zis sa ti en pyes teat.
Anyway ...

(laughter)

HON RICHARD LABROSSE

Mr Speaker. Ozordi zour ler ou tann en lot parti politik dir ou i pe retourn ankor ou demande kwa ki zot in pran ki zot pe retourn ankor? *Anyway*, mon kestyon pou Minis.

E sa ki fer mwan ankoler Mr Speaker, ler mon vwar Ms Tamatave ki nou de nou'n grandi o bor en simityer dan nou distrik, ki nou ozordi nou vwar pe vin dan Lasanble swa li pe reponn kestyon, swa mon pe vin demann kestyon.

So mon ava demann mon kestyon Mr Speaker. Minis, *CEO* mon'n tann bokou iregilarite dan sa ki ou'n, sa ki Minis in fer, son *Statement* ki'n dir bann keksoz ki vreman pa normal sirtou ler nou pe koz simityer. En landrwa kot lemor pe repoze.

Mon ti a kontan si *CEO* koman sa nouvo *management ASP*, akoz mon krwar *ASP* i annan, ou annan en bon pe travay pou ou fer laba ler mon pe ekout sa ta dema ,... sa ta zafer ki ou pe vin reponn kestyon isi la.

La lo kote simityer ou'n dir ki ou'n apwent en *management*

anba la pou zer simityer. So ki bann mezir *compliance* ki ou pe vin avek la pou fer sir ki an zeneralman. Ler nou pe koz *compliance* ki an zeneralman nou pa pe vin ankor dan Lasanble pou nou vin koz lo en keksoz, ki pa sitan annan en pti pe priyorite parey lezot dan pei ki nou pe rankontre an se moman la?

E osi Minis, Minis oubyen *CEO*, mon ti a kontan konnen osi dan lefitir ki nou pe koze, dan simityer li menm li nou konnen i annan bann rezidan ki reste o bor, mon pe koz koman *MNA Plaisance* la.

Zot in met sa devan mwan, ti annan en proze, en larzan mon krwar ti'n ganny bidzete pou bar simityer. Akoz i annan bann keksoz ki pe afekte bann rezidan o bor ki mon pe koze la en.

La mon ti a kontan konnen ki plan lefitir mon konnen kekfwa la, nou pou napa ek sa bann welele ki pe arive la.

So si eski zot annan en plan pou zot kapab annan en dyalog ek sa bann rezidan? Parey mon pe dir sa bann rezidan zot, zot ti a kontan partisipe ladan.

Pa zis les Gouvernman vin bare zot menm me zot osi partisipe, swa ek mendev, swa

avek resours. So la dan sa laliny kwa ki zot pe mazin fer? Mersi.

MR SPEAKER

Mersi Onorab. *CEO*

CEO ASP - BRENDA MORIN

Mersi Mr Speaker. Onorab mersi pou ou keston. E mersi pou rekonnèt ki kantite louvraz nou annan pou fer. I en gro *task* lo nou.

Lo kontrol sa mon garanti ou, mon pou mete e nou deza komanse e nou deza komanse ek sa R100 ki enportan pou Bidze sa pti R100 ki nou gannyen.

E depans osi parey *fuel*, sa i pou ganny byen kontrole e pou annan sa dimoun ki pou vin ansar la. Pou annan plan ki manner parey nou pou get parey Mont Fleuri pou koup zerb, pou *estimate* konbyen apepre *fuel* nou pou bezwen.

Tousala pou annan en plan ki pou ganny *allocate*, ki pou fer nou Bidze osi pli, *realistic*.

E en kantite fransman dir ou la mon pa konn tou sa prosedir, i telman nouvo lo nou. Me selman mon konnen ki manner mon *tackle* sa *task*, pou mwan fer sir mon annan tou sa kontrol.

E pou annan dimoun osi ki responsab e pran zot

responsabilite. E sa i mon responsabilite pou fer sir nou tou nou pran nou responsabilite e bann kontrol i an plas.

E sa mon garanti, ou i pou annan. Osi la parey ou pe dir *fencing* avek e bann zabitan otour, i en keksoz pou nou al *tackle*, nou annan en gro *task at hand*. Mersi.

MR SPEAKER

Mersi Onorab Loze.

HON JOHAN LOZE

Mersi Mr Speaker. Mr Speaker depi lo komansman, sa prezantasyon in annan non en endividi ki'n ganny mansyonnen. En non en Seselwa parey nou tou.

E *subsequently to that*, Manm pe komans fer ensinyasyon, be ensinyasyon i domaz pe ganny fer an relasyon avek en diskisyon kot i annan non en dimoun ki'n ganny mansyonnen.

Nou pe komans koz bal dan simityer, nou pe koz kosonnyen, malpropte pe arive, manboulouk. Sa Manm ki'n dir.

So mon pe zis dir ki i regretan aköz nou pa ankor *flesh out* tou lenformasyon. E klerman sa mon krwar i en keksoz ki devret ganny *taken-up* par FPAC pour ki Lepep

Seselwa i a konpran. Akoz i kler ki nou la anndan nou pa konpran, *yet* nou pe fer krwar nou konpran.

Mon premye kestyon, Ms Tamatave in dir nou poudir *payroll*, *payroll* tousel i ariv R663mil pou sa dernyen mwan ki'n pase. Mon..

HON WAVEL WOODCOCK

(Off-Mic)

MR SPEAKER

Silvouple!

HON JOHAN LOZE

Mr Speaker. Si Onorab Woodcock, ti a kapab gard son labous frenmen!

MR SPEAKER

Onorab Woodcock ou annan tor enteronpe ! Mon ti krwar i ti pu zis pase me selman mon bezwen met lord. Wi Onorab Loze kontinyen.

(Interruption)

MR SPEAKER

Onorab Pillay mon pa apresye sa parol! I en mank respe ! Silvouple mon pe fer mon louvraz ou osi respekte! Onorab Loze kontinyen.

HON JOHAN LOZE

Mr Speaker zis pou note depi *ce matin* a sak fwa mon koze, Onorab Woodcock i pe yonyonyon, laba dan son kwen. Mersi Mr Speaker.

MR SPEAKER

Ok si in fer sa. Mon pe demann li pou arete. Kontinyen.

HON JOHAN LOZE

Mr Speaker mon pe prezimen ki sa *payroll* la, i ariv *around* apepre dizon en R8milyon par an, mon pe *assume*. E nou'n ganny dir ki dernyen Bidze ti R10milyon. So ladan i pou anviron R797,96mil zis *payroll*.

Mon kestyon sa lakonpanyen *is a service provider to Government*. Eski sa lakonpanyen ti devret pe tous, en peyman tou le mwan *from Government* verse dan son *coffers*? *As oppose to* sa ki pe ganny dekrir la koman manboulouk, kot i annan en Bidze anba ASP ki pe *ganny run from the desk of the CEO of ASP*.

E sa lakonpanyen li i pe vini tou le mwan pou *handout of son salary, handout of en pickup, handout of* isi laba, ki prezan nou pe ganny dir ki tousala i manboulouk, i se si, sela?

So sa i mon premye kestyon, eski koman en *service*

provider to Government i sipoze ganny en peyman, resevwar en peyman tou le mwan? *Be it* son 6milyon, son 9milyon, son 10milyon *whatever it was due to that company.*

Mon dezyenm kestyon ki mon anvi poze, i annan bokou kestyon pe ganny demande lo lodit. Eski Gouvernman i dan son fonksyon normal e natirel pou odit kont en lakonpanyen prive ki pe *provide* li avek en *service*? Eski sa i en fonksyon normal e natirel *of Government*?

Akoz mon pa konnen si nou konfize, ouswa si nou pa pe konpran. I annan detrwa nou la pe demande, akoz sa lakonpanyen prive pa'n ganny odite dan sa bann dernyen lannen?

Akoz mon *the way I read this*, si in ariv en fot. I *squarely* lo ledo *Government*. Minister Finans *whoever* ki'n negosye avek sa lakonpanyen prive, ti'n devret annan prosedir kler depi lo komansman, ou *provide* nou en *service*, ou donn nou en *invoice*, nou lev ou Bidze nou donn ou swa *monthly*, swa *per annum*. *Whatever* zot in desid lo la.

Be la i annan en *hybridization* ki pa pe konpran ki prezan dimoun i le odit lakonpanyen prive. E se sa

mon krwar kot nou *stuck* la. Mersi Mr Speaker.

MR SPEAKER

Mersi. Minis wi.

MINISTER PATRICIA FRANCOURT

Mersi Mr Speaker. Mersi Onorab pou ou kestyon. Mon ti a kontan demann AG pou donn en leksplikasyon lo sa prensip *service provider*. Akoz i ti eksplik nou byen menm sa, ki mannyer in vini. Mersi. Apre petet Ms Tamatave i a pran en bout. Mersi.

THE ATTORNEY GENERAL FRANK ALLY

Mersi Mr Speaker. Mr Chairman. Bon, sa lagreman ki Gouvernman ti antre avek *Cemetery Services Agency*. Ti ganny *titled* koman en *Management Agreement*.

Me selman i kler ki i pa toutafe en *management agreement*. E akoz, sa bann travayer par egzanp pa ti dwatet, pe ganny transfer avek sa *service provider*. E *well*, sa *service provider* li menm li i pa ti dwatet en *service provider per se*, i ti dwatet senpleman en *manager*.

E la i ti dwatet pe ganny en *management fee*, pour li *manage* sa servis lo non

Gouvernman. Me i ti ganny enplimante, egzekite koman en kontra kot Gouvernman i ti transfer tou bann travayer avek sa, sa *service provider* si mon pou apel li koumsa.

E prezan Gouvernman ti tonm dakor avek li, ki toulezan i pou *raise* en serten sonm larzan, atraver Bidze. E sa larzan prezan i pou met a son dispozisyon, pou pey son bann depans. I paret ki, *well* parey dan sa Kontra i dir, sa ti ganny fer aköz Gouvernman ti pe angaz li dan en program privatizasyon e se larezon pou lakel i ti *outsource*.

Ler mwan mon get li mon pa en dimoun finans, i ti kler poudir, si nou pe donn sa koman en *service provider* ek en *service provider*, sa *service provider* li menm li i pa pou kapab avek sa reveni ki i ti pou gannyen, *from* sa servis ki i pe donn piblik pou li kapab sirviv.

E petet sanmenm sa Gouvernman i ti dir ek, dan sa lagreman i ti fer provizyon pou Bidze serten sonm larzan e met a son dispozisyon.

So me sa larzan ti ganny donner a sa *service provider* atraver Bidze ASP, e sa la ki sa *service provider* i paret, ler i bezwen okenn larzan, (mon pa konnen si zot ti annan en laranzman ant li ek ASP), kot

prezan ASP i *provide* li avek sa larzan.

Vwar, e i pe, e son bann travayer i lo *payroll ASP*. Ler i annan en ogmantasyon saler oubyen i annan serten benefis pou bann fonksyonner, son bann travayer osi i benefisye. So in annan en, en fason en pti pe degize petet dan fason ki mannyer sa kontra in ganny fer, ki *raise* serten kestyon legal.

Me selman pratik nou mon, nou vwar ki mannyer petet sa pe ganny fer. E parey Minis in dir, i ou'n donn en Kontra, en *sole trader* e en *sole trader* pa kapab anploy son lekor. So, *unless* ki Gouvernman ki pe anploy li.

So i annan en pti pe bann - i annan en pe bann keksoz ki *raise* serten kestyon. Me selman mon krwar i kler poudir i en mon pa konnen si sa kontra ti ganny, sa servis ti ganny, ti ganny *tender*, ti ganny *tender out* anba *Public Procurement Act*.

I ti dwatet ganny *tender* avek tou sa bann benefis, oubyen bann kondisyon ki Gouvernman ti pou aport a sa *service provider* pour ki bann dimoun ti ava *tender* dan en fason kler e *net*. Pou zot konnen *what* benefis zot pou gannyen. Mon pa konnen si mon'n

reponn en pti pe, me *this is what*. Mersi.

MR SPEAKER

Klarifikasyon Onorab Loze? Les *CEO* reponn avan, apre ou a gete ki sa ki manke. Mersi. *CEO*.

CEO ASP - BRENDA MORIN

Mersi Mr Speaker zis pou mwan azoute lo la ki dan sa Kontra i fer *CEO ASP the accounting officer*. E i responsab pou *accounts* sa laliny Bidze. E ler tou sa bann depans se ki en pe drol osi pou travay, ou annan en *invoice*, en depans ki pe ganny fer, en lot dimoun i fer en desizyon pour ou kapab *question* en *sole trader* lo desizyon son biznes.

Me ou anndan ou responsab sa larzan e ou bezwen otorize, ki ou pa kler pour kwa ki ou pe otorize.

Akoz ou napa drwa antre dan sa *private business* pour *you know question* li lo son depans ki i pe fer aköz i son Bidze. Me *yet ASP* ti *carry* sa *load*, sa responsabilite. Mersi.

MR SPEAKER

Mersi. Ou pou bezwen klarifikasyon Onorab. Wi?

HON JOHAN LOZE

Mersi Mr Speaker mon krwar la keksoz in vin en pe, bokou pli kler pou nou tou aköz mwan mon. Mr Speaker, (Onorab Woodcock silvouple!)

MR SPEAKER

Onorab, *ok*. Esper mwan, esper mwan en moman. Onorab Woodcock mon pa'n tann ou. Selman mon'n tann plizyer fwa la i fer mon krwar dezyenm fwa.

HON WAVEL WOODCOCK

(Off-Mic)

MR SPEAKER

Wi! Be selman, be selman les sa Manm koze e silvouple respekte drwa sak Manm pou koze. Silvouple. Mersi. Onorab Loze *carry on*.

HON JOHAN LOZE

Mr Speaker in vin en pe pli kler la. Mon krwar in kler, i pli kler pou tou Manm. Aköz parey mon ti pe dir avan i annan en non ki'n ganny nonmen. E lafason ki diskisyon ti pe ale nou ti pe *allot* blanm lo lendividi.

Mon krwar pa si lendividi in antre annan dan *ASP* in pran larzan, ouswa in antre dan *ASP* in asize in *draw up* en kontra lo li menm, *hand* son lekor *over* en Kontra e fer serten keksoz *néfaste* an relasyon avek sa.

Sa ki, pwen ki mwan mon pe sey fer Gouvernman, nou annan Minister Finans, nou annan Lodit Entern, nou annan ASP li menm avek son *management*. Be kestyon, lapant kestyon dan lafason i pe ale, la direksyon se pou al odit en lakonpanyen prive.

Be eski mon kestyon la, eski nou kapab annan en lodit dan prosedir ki'n *lead-up* ; - enn *to* sa kontra, dezyenm febles dan sa kontra? Akoz si nou oule anpese ki en tel keksoz i re-ariv ankor, i repet son lekor, nou pa kapab zis fer sa ki nou Kreol nou tipikman fer toultan, rod en ledò, pin en blanm lo la, swiy nou lanmen e nou satisfè *ah*, nou'n donn li!

MR SPEAKER

Ok.

HON JOHAN LOZE

Nou bezwen rode kot vre problem ti ete. Eski vre problem i sa madanm ek son pti lakonpanyen ek son 70 travayer? Ouswa le vre problem se bann gardyen servis sivil ki ti la koman garan! Mersi.

MR SPEAKER

Ok Onorab Loze. Nou'n sezi ou kestyon. Nou a les AG donn en lopinyon, wi AG.

THE ATTORNEY GENERAL FRANK ALLY

Mersi Mr Chairman. Mr Chairman mon krwar i tre enportan pou nou fer sa diferans, i pa ti en lakonpanni. I ti en endividi ki ti pe fer komers anba en non biznes ; - sa ki nou apel en *business name*. An *individual trading, under a business name*.

So i responsab endividuelman pou sa. Sa ki Onorab Loze in dir, i egzaktman sa ki Minis in dir dan son dan son deklarasyon. In dir i ti a kontan en, en lanket aprofondir lo *procurement* sa kontra, savedir alokasyon sa kontra, fason ki mannyer sa Kontra in ganny enplimante, egzekite.

An relasyon i sa kontra e dan sa kontra i annan de parti. I annan Gouvernman, e i annan sa endividi ki nou a dir li en *service provider*. E, ASP. Mersi.

MR SPEAKER

Mersi AG. Onorab Henrie. I a swivi par Onorab Labonte.

HON GERVAIS HENRIE

Mersi Mr Chair. Bonn apre midi tou dimoun. Mr Chair i fer dezyenm fwa ki i annan en size enportan lo ASP ki Lasanble i diskite e mon not ankor labsans

Chairman Board ASP. I en keksoz ki mon'n koz lo la souvan. Konmsi mon krwar akoz zot *Board* osi tou i annan en rol pou li reponn kestyon e ou pa vwar *Chairman Board*.

Mon premye kestyon, mon ti a kontan *panel* i konfirman. Si eski iregilarite ti zis lo larzan ouswa lo *assets* osi? Si wi, mon oule zot eksplike. *Ok*, zot pa'n konpran mwan.

Eski iregilarite ti zis konsern larzan an term Bidze ki ti ganny mete tou le an pou al pou sa *Agency* ouswa ti enkli osi *assets*? E si wi, eksplik nou dan ki konteks ti annan iregilarite osi lo *assets*.

Mon dezyenm kestyon Mr Speaker, mon krwar enn bann keksoz ki enportan, en lenformasyon ki ti ava enportan nou ganny e pou nou kapab konpran. Parski largiman ki enterven anven mwan in fer, matematikman wi, i kapab montre poudir an term larzan ki sa *agency* ti pe gannyen, son *payroll* par mwan, miltipliye li par an, 12 fwa. Ou pa vwar problemm la. Ou pa vwar problemm.

Son problemm mon krwar i vin dan reveni *the company*. Akoz *the expenditure of that sole trader is being taken care of*. Me selman *all profit* i *pocket*. E panel ti merit dan en pozisyon

pou zot dir nou par egzanp ki *standing* sa *sole trader* avek SRC par egzanp. Because *this is where the problem is. It's the profit*. E zisteman prezan mon a fer dernyen.

Eski par egzanp zot in etabli si ti annan okenn kolizyon ant *the sole trader* avek okenn dimoun dan servis piblik ki'n donn laprouvasyon pou sa *service management contract* ganny fer. Ki in sinyen, si i an okenn kolizyon avek okenn *public servant*? Mersi.

MR SPEAKER

Mersi. *Panel*, lekel ki pou pran. Wi Ms Tamatave.

DEPUTY COMPTROLLER **GENERAL ASTRIDE** **TAMATAVE**

Mersi Mr Speaker. Mersi Onorab pou ou bann kestyon. *In regards to* pete sa mo inegalite ki'n ganny mansyonnen. Zis pou met Lasanble petet en pe dan perspektiv kwa ki'n deza ganny fer. Minister Finans pa'n fer en *proper audit*. Nou pa'n fer en odit.

Me selman letan Gouvernman in pran desizyon pou *bring back the service*, pou ASP re pran sa servis, nou'n bezwen fer en leverter lo tou bann *asset* ki ganny *acquire*

over the years, pou nou kapab fer li retourn *back* lo liv Gouvernman.

E *this is where* nou'n fer en legzersis. Akoz nou'n bezwen al dan *file*, al rod tou bann *asset* ki'n ganny *procure over the years* e ti annan en pe inegalite *in terms of* prosedir. Par egzanp, en legzanp *fixed asset register* ki nenport ki antite. Akoz larzan i ganny depanse anba Bidze ASP malgre i en konpanyen prive.

Me selman in ganny depanse direkteman anba vot ASP e nou ti pe swete i kit en *fixed asset register* ki pa ti le ka. Savedir sa i montre ou ki ti annan en pe defayans *in terms of* rikord prosedir. Me nou pa'n al vreman an detay *per se* pou nou vwar tou bann -

Me selman petet dan *fuel management* nou'n idantifye serten defayans *in terms of fuel management, in terms of repairs and maintenance*. Akoz tousala i an glob avek *asset*.

Letan nou fer lodit *asset* nou *pick-up* parey *fuel, maintenance* transpor, nou vwar serten defayans dan bann serten peyman ki'n ganny fer.

In terms of returns to SRC: lenformasyon ki nou, nou'n resevwar letan nou ti pe fer sa pti lenvestigasyon, i ti pe *submit* en *return* li. 2015 ziska 2019

nou annan kopi *return*. Me selman en keksoz ki letan nou, nou pe regarde petet sa *return* i ti pe fer *return* lo reveni ki ti pe antre lo son kont komersyal. I ti baze lo sa.

Me selman *let's say* i ti en lakonpanyen prive kot Gouvernman ti pe pey li pou son servis tou le mwan, *then* son *turnover* ti sipoze plis ki sa. Akoz son *turnover* ti pou tou son reveni ki Gouvernman. So, *it was only what* ti al dan son kont komersyal.

In tems of kolizyon, mon pa konnen si CEO oubyen Minis i anv'i reponn. Me selman nou pa'n vwar - Parey mon pe dir ou, nou pa'n al an detay dan nou lenvestigasyon. Mersi.

MR SPEAKER

Mersi. CEO i oule azout keksoz?

CEO ASP - BRENDA MORIN

Yes. In regards to kolizyon avek okenn *staff*. Sa fodre dan bann lenvestigasyon ki a ganny fer. Nou, nou pa'n vwar ladan. Mersi.

MR SPEAKER

Mersi. Onorab Pillay. *Sorry*. Wi, oule klarifikasyon?

HON GERVAIS HENRIE

Wi, en klarifikasyon. Letan mon premye kestyon mon'n demande eski i realite ti zis lo larzan oubyen lo *assets* osi, pou eksplike.

Mon oule konnen par egzantp si depi ant 2015 ziska 2021 sa *sole trader* in fer vini okenn bann keksoz par egzantp masin, pyes transpor par egzantp.

Ouswa fil pou bar en landrwa. *Because these are assets* ki i ti kapab fer vini anba pretan pou travay avek simityer. Me selman in ganny detournen. E mon ti oule ki *panel* i eksplik nou, pou nou kapab konpran gravite sa sityasyon pou nou apresye, poudir in annan en labi *of some sort* ki'n arive ant 2015 a 2021. Sa ki mon ti pe rode. Mersi Mr Chair.

MR SPEAKER

Mersi. Wi, lekel ki pou reponn? Ms Tamatave, wi.

DEPUTY COMPTROLLER
GENERAL ASTRIDE
TAMATAVE

Mersi Onorab. Onorab letan nou'n fer sa pti lenvestigasyon. Wi nou'n vwar serten keksoz ki pe *pronon* nou pou nou *require* en lodit. Par egzantp ou'n mansyonn *fence*. Wi. Par egzantp i annan serten keksoz

ki'n ganny aste. Me selman metann nou'n al rode nou pa'n vwar.

Savedir i montre ki annan serten inegalite. Me *this is why*, selman nou pa'n al an profon. Me selman ou'n nonm *fence*, sa ti en legzanp. Bann keksoz ki'n ganny aste me selman ki letan nou'n demande oli, nou pa'n vwar.

In terms of par egzantp serten *asset* osi ti ganny aste, ki nou'n vwar *invoice* in ganny aste. Me selman letan pou nou demann son *physical* pou nou *verify*, pou nou kapab fer antre dan liv, nou pa'n vwar sa bann *asset*. Mersi.

MR SPEAKER

Mersi. Bann Manm i a pran en pa pasyans avek mwan. Mon annan 5 Manm ki reste. Mon prefer zis kontinyen e terminen. Onorab Pillay. Lekel? Non, non. Mon ti dir Onorab Pillay i a swivi par Onorab Labonte. Alors ou pase. Zis in al laba en pe vitman, setou.

HON SEBASTIEN PILLAY

Mersi Mr Speaker. Mr Speaker, pardonn mon lenteripsyon pli boner, me sete lefe ki mon santi poudir si en Manm i kontinyelman enteronp en lot, me apre i raport sa lot ler sa lot i enteronp li, i pa byen.

Mr Speaker, yer ler mwan mon'n demann kestyon Vis-Prezidan, mon pe servi sa pou ilistre en pwen. I ti donn mwan serten lenformasyon, ki apre ler mon'n al get lo *website SEYPEC*, mon vwar ki Vis-Prezidan pa'n antyerman dir, mon pa pou servi sa mo ki mon ti servi. Me i pa'n donn nou tou lenformasyon.

Akoz li i ti dir ek nou, par egzant an relasyon ek pri *fuel* ki bann bato i servi, in desann e sa i R22.8. Rezon mon pe dir sa Mr Speaker, se akoz i enportan pou nou ganny tou lenformasyon.

E apre ler *SBC* i pas en program, prezan i a kapab montre poudir i pa kapab pey R31mil ler pri i R22. Me selman ler pri i pli o ankor ou pe pey R31mil.

Mon pwen Mr Speaker, i koumsa. Minis ler in fer son prezantasyon, Minis in fer kler poudir son *issue* i avek sa kontra e probleman ki i paret mwan ki Departman Zafer Sosyal i annan, se ki mannyer zot kontinyen avek en *burial services* ki pa monte, akoz son kou pou monte egzorbitan si Gouvernman pa *subsidize* li.

Pour le moman sa i en *main* konsern ki zot annan.

Akoz mannyer mon konpran, *the fee* i konbyen?

R100? R100. So, si pou pran sa *service provider* lo R100 e si nou *get death rate* Sesel, *burial rate* savedir i around 1000 *burials per year*.

Sa *service provider* i fer zis R100mil par lannen. Lo R100 mil par lannen, *there is no way service provider* pou kapab pey 77 travayer. Me se pour sa rezon alors ki i paret larzan ki pey sa bann travayer in ganny *retain* par *ASP*.

E fer ki senmen sa i kre en konfizyon parey Oditer Zeneral pe dir an relasyon avek kontra sa *service provider* e an relasyon avek deklarasyon kot *tax*.

Akoz esansyelman ler en dimoun ti pou deklar *tax* i ti pou bezwen deklar saler son travayer tou. Be i pa kapab deklare, akoz sa larzan pa pe vin kot li dan sa kont ki i sipoze fer sa deklarasyon lo la. E i pe fer li R100mil.

So esansyelman ler Gouvernman pou repran sa servis, Gouvernman pou ganny zis R100mil tou le lannen lo *burial*. Ki vedir poudir Gouvernman pa pou zanmen kapab soutenir sa servis *unless* i *subsidize* li.

E si nou, lendividi ki pou vin pran sa servis, pri ki nou pou peye pou en *burial* pou bokou pli o, akoz *otherwise* pou

annan dimoun ki pa pou kapab *afford*.

Be sa ki'n arive dan Lasanble apre midi. Se ki bokou Manm *in jump the gun* pou zot sey rod en labi kot napa, e zot pe sey obliz bann zofisye lo *panel* pou kree en labi kot bann zofisye pa ankor kapab vwar en labi oubyen zot pa ankor fer en lenvestigasyon lo la.

E mon krwar sa ki nou bezwen fer, se ki nou bezwen, parey Onorab Loze in dir, *FPAC* i ava kapab regard dan sa *issue* osi. Me i enportan pou nou pa pirifye karakter en dimoun sa ki nou annan tou lenformasyon. E mon krwar sa i en keksoz ki nou bezwen fer sir.

Mwan mon pa pou verifeye karakter ni Minis oubyen ni *CEO* ki la. Akoz *CEO* in fer en pwen ki zot pa'n remarke. *CEO* in dir *ASP* ki *accounting officer*. Li i pa ti *CEO obviously*, i bezwen annan en dimoun ki'n *CEO* oubyen en dimoun ki'n ansarz sa *payroll*.

E sa *assets register* ti bezwen ganny *maintain* lo non *ASP*, akoz peyman i ganny fer lo non *ASP*. Me selman, lefe ki i annan en *service provision contract*, *assets register* i al kot *service provider* e se la kot i kree en inegalite dan dokimantasyon.

So, mon kestyon pou Minis. Si sa servis ti'n ganny *tender*, sa dimoun ki *tender* sa servis ti pou bezwen *manage* tou son bann *cost*. Eski i ti posib ki servis *burial* ti pou monte, akoz sa dimoun ti pou fer li vin lo en baz en biznes e non pa lo en *service provision sustained* par Gouvernman?

Akoz mon krwar nou bezwen fer kler pou nou aret fer bann alegasyon ler nou napa tou lenformasyon. Nou'n fek vwar en konpanyen ki fer *testing PCR*, ganny tou *testing* lo erport avek *SCAA*. Me in annan en *tender* ki'n ganny fer pou sa?

Eski i annan *tender* ki'n fer pou sa? Personn antre zot pa'n demann *tender* lo la. *Ok?*

Mon pe demande la. Mon pe demande pou zot akoz ou konnen. Akoz i enportan. E mon krwar dezyenm kestyon ki mon annan pou Minis, pou Minis klarifye. Se ki mannyer prezan *ASP* i annan plan pou li restriktir sa servis. Mwan mon'n *bury* mon papa. Mon'n *bury* mon manman. Nou ti annan problenm avek ros, nou ti bezwen pey en dimoun ki fer *blasting*.

Mon pa rapel sa madanm annan en konpanyen *blasting*. Me i annan serten travay kas ros ki bann travayer i kapab fer, me sa i *very* minim.

La mazorite ka, ou sa endividi ou bezwen pey sa kontrakter. Ou pa ganny sa servis avek *burial services*. So, si zot pou pran *onboard* sa. Ler i annan bann *major* travay kot ou pou bezwen *require* en konpanyen, vini, en *something like that*. Eski zot pou kapab? Zot pa pou kapab kouver.

So, eski zot in mazine dan sa *restructuring*, ki manner i annan bann *cost* ki otomatikman serten dimoun pou bezwen peye. Akoz mon krwar *CEO* ou'n fer en *statement* ki ou pou oule donn sa servis ki sa *burial plot* i ganny *provided* ek tou son keksoz, me petet i riske, *ASP* pa pou kapab fer sa, akoz i pou annan sirkonstans kot ou pou *incur* bann *cost*, ki ou pa pou kapab kouver.

So, petet mon ti ava demann ou zis pou *re adjust* sa en pti git ler ou pe dir nou. Mersi Mr Speaker. Sa i mon 2 kestyon.

MR SPEAKER

Mersi Onorab. *Panel*, *PS* ki pou pran sa? Wi *PS*.

PS LINDA WILLIAM-MELANIE

Mersi Mr Speaker. Mersi Onorab pou ou kestyon. Mr Speaker, mon pou tous sa bout lo *outsourcing*, bann diskisyon

ki mwan mon ti asiste e dokimantasyon ki nou ti travay lo la, ki ti annan sa lentansyon pou fer sa *outsourcing by 2020*.

Diskisyon ki ti ganny fer, ti ki *burial services*, savedir fouy trou, fer lanterman ti sipoze reste koman en *core business* avek Gouvernman, anba kek antite. Swa i ti pou reste kot *ASP*, swa petet i ti pou al kot *Local Government*.

Akoz pandan sa letan ler ti pe koz *District Council*, si ti pou annan eleksyon, ti pou vwar ki manner sa servis antere ti pou al kot *Local Government*.

Ti annan en legzersis ki ti ganny fer pou *outsource landscaping*. Savedir netwayaz, koup zerb dan bann simityer. E sa legzersis ti pe montre ki petet i ti pou pli rantab pou fer *outsource* sa travay *landscaping*, netwayaz dan bann simityer, avek bann pti kontrakter.

E ti annan en diskisyon ki ti komans fer avek *landscape management* pou kapab vwar ki manner sa *outsourcing* pou ganny fer e la bann *tender* ti pou ganny mete pou bann dimoun ki ti pou enterese.

Swa i ti kapab bann travayer ki deza pe travay kot simityer, zot ti anv form en pti lakonpanyen. Oubyen bann dimoun dan distrik pou zot

kapab *tender* pou sa bann *lots*. E dan bann diferan simityer ti annan bann *lots* ki ti'n demarke, zot grander, ensidswit e en *costing* ti'n ganny fer zisteman avek lasistans Minister Finans avek kot *Procurement Oversight*.

Me parey Minis in dir dan son *Statement*, sa travay pa'n materyalize lannen 2020 akoz sityasyon *COVID-19* e la answit la san lannen letan nouvo *CEO* in antre e bann travay entern ki ti pe ganny fer dan reform *ASP*, sa bann keksoz in re monte.

E vwala kot sa *assessment* ti ganny fer par Departman Finans lo sityasyon pou *Cemetery Services Agency*. Mersi Mr Speaker.

MR SPEAKER

Minis wi.

MINISTER PATRICIA FRANCOURT

Mersi Mr Speaker. Mersi Onorab pou ou *statement*. Mon mazine *PS* in fer byen kler, akoz i byen o fer avek ki manyer keksoz ti pou ete.

Onorab, zis pou mwan klarifye. I pa nou lentansyon pou nou asasin karakter personn. Tou sa ki nou'n koze i *very factual* e nou byen *aware* poudir ziska ler *investigation* i

fer, nou pa kapab asasin okenn karakter.

Me selman, *because* parey AG in eksplike, *Cemetery Services Agency* i *belong to an individual*. So, *that's why the name is mention*. So, tou sa ki nou'n dir, i zis bann *facts*. Nou pa pe asasin karakter personn.

E zis pou re dir ou ankor, wi, nou konnen sa louvraz devan nou i en gro louvraz, e se sa ki mon dir poudir nou bezwen travay *close* avek tou *partners*, avek bann *experts*.

E i en louvraz ki nou pe *look forward to undertake* e fer li byen, fer li dan en fason ki i devret ganny fer. E nou konvenki ki *when we undertake it* avek *the right* gidans e *expertise*, *we will do a good job*.

So, *that's all we want* e nou pare pou sa. E *we will take up the challenge*. E nou konnen bann *task* ki pou devan nou i pa fasil. Me selman parey dan nenport kwa, sa bann laliny i pa nou *expertise*. *We have to find the right expertise and also the guidance and the support, and I think we will get that*. Mersi.

MR SPEAKER

Mersi. Ou bezwen klarifikasyon, wi Onorab. Sey fer li vitman.

HON SEBASTIEN PILLAY

Yes, Mr Speaker. Mr Speaker, zis en pti pwen klarifikasyon. Apre mon pou demann *CEO* lo sa *stetment* ki in fer *regarding* sa bann *burial plot*. Se ki si nou kapab ganny en garanti avek zot ki *no matter what happens*, ki *given* sityasyon ki nou pe pas ladan osi. Difikilte finansyel ki bokou dimoun i annan. Ki mon konnen i pou en *load* lo Gouvernman. Me *we try to keep the service as it is* pou ki dimoun i kapab ganny sa servis.

Me ki petet *CEO* rekonsider sa pozisyon ki pou kapab *provide* sa *plot* konplet, menm si i annan travay petet sibstansyel ki ou pou kapab fer. Akoz mon santi poudir petet kliyan i kapab vini e vwar poudir *then* i pou annan en kou pou li *and then* i pou blanm *ASP*. I pou dir ou, be *ASP* ki'n dir li sa.

And then zis *one final point* mon oule zis klarifye Mr Speaker, mersi, dan nou bann *meeting* ki nou'n gannyen avek Oditer Zeneral, i pa paret poudir in komans fer en odit lo sa.

So, petet zis klarifye sa pwen akoz petet i ava annan persepsyon ki Oditer Zeneral in komans fer en odit, kan i pa ankor komanse. Mersi Mr Chairman.

MR SPEAKER

CEO.

CEO ASP - BRENDA MORIN

Mersi Mr Speaker. Wi, ler nou ti pe koz lo *burial plot* la. Lo sa servis nou pou kontinyen parye i ete la e nou sertennman konnen ki sityasyon pei i ladan. E sertennman parey Minis in dir, sa bann diskisyon lo pri, lo fason fer. Sa i pou pran son letan, nou bezwen son bann *expert* ki pou kapab *advice* nou lo *better way of doing it*.

So, nou selman nou pou kontiny loperasyon *as is* e i ankor R100. E sa ki mon pou dir la. Ler nou pou prepar sa *burial plot* la. I bann bout ki nou travayer i kapab fer. Bann ki nou pa kapab fer, parey nou pa pou kapab fer. Savedir si nou'n fouy sa trou la pou, i ale avek bann zouti ki nou annan, nou pou fer li. E koumsa ki ti pe marse.

Pou bann landrwa ki nou'n dir i ros, i bezwen gro sa pou vin kase, sa nou pa kapab *afford*, nou pa pou kapab fouy en trou laba. Mersi.

Regarding Oditer, wi sa mon konfirman. Nou'n fer Oditer konnen ki nou ti a oule en odit ladan. Odit pa ankor komanse e zot pa ankor donn

nou en dat kan zot pou komanse. Mersi.

MR SPEAKER

Onorab Labonte.

HON ANDY LABONTE

Mersi Mr Chair. Bonn apre midi Minis avek *panel*. Bon, Mr Chair mon pou dakor avek Onorab Loze lo serten size. Akoz mon santi mwan en pe kanmi, onte.

Se pou la senp rezon akoz ler ki AG e *panel* pe donn nou bann leksplikasyon. Mon santi mwan en pe anbarase, vi ki sa madanm i enn mon *constituent* e i ti enn bann *accounting agent* pou US dan dernyen eleksyon. E i ti parmi bann premye dimoun pou *congratulate* mwan ler mon ti raport sa eleksyon.

So, mon annan en gran respe pou li. Alors mon kekyon, i bann keksoz ki i vremen i pa kler. Ler mon dir i pa kler. Petet mon ti a voudre ki PS Melanie, li ki'n la pou plizyer lannen e parey in dir, mon sipoze i dir li ki'n siny sa kontra de la par Gouvernman.

Ki vedir mon krwar i *well versed* avek tou konponan ki dan sa kontra e mon sipoze ki ou annan en kopi sa kontra. E nou lo kot Lasanble nou pa vremen konnen kwa ki annan dan sa kontra.

Petet ti ava enportan ki nou koman bann Manm Lasanble nou ganny en kopi sa kontra, nou kapab konnen kwa egzaktaman pou ki rezon ki sa madanm, partikilyerman Mrs Yvette Antat. Si mon'n konpran byen, ki 2015 i ti pe ganny li 8.4 milyon. 2016 8.6milyon. Petet mon'n mal konpran. Petet ou kapab eksplik mwan.

Akoz si Gouvernman, ASP ti pe pey 77 travayer separeman apart ki sa 8.4milyon, 8.6 milyon, 9 milyon. Pou mwan i pa kler akoz ki i ti pe ganny sa larzan. Akoz ler mon pe get anba *budget book* pou 2020, '*wages and salaries*', li menm li i ti 8.5 milyon.

So, petet nou kapab ganny en pti leksplikasyon. An menm tan mon ti a voudre osi, petet nou ganny en kopi *payroll*, si ti posib. Oubyen ou ti kapab dir nou konbyen ki li Mrs Yvette Antat li menm li ti pe gannyen koman saler.

Akoz i ava enportan petet pou nou fer sa lazisteman pou nou pa blanm li parey i pe ganny dir la deor. Petet i ava en pe pli kler pou nou lo sa kote koumsa.

Me selman an gro mon ti a kontan dir ki i kler ki i annan keksoz ki in mal marse e akoz ler ki mon ti pe fer kanpanya dan English River, mon ti ganny

dir *comme quoi* poudir mwan mon pe *impute* serten keksoz ki pa vre.

So, petet i a pli kler pou dir nou'n La Rivière Anglaise vreman kapab fer zot desizyon zot menm zot, si vreman sa bann keksoz ti vre oubyen pa ti vre, lo sa madanm. En manner a madanm son non i a ganny *cleared*. Mersi.

MR SPEAKER

Mersi Onorab. Wi PS.

PS LINDA WILLIAM-MELANIE

Mersi Mr Speaker. Petet mon a reponn en bout, apre lezot manm *panel* i a reponn. Kot i konsernan kontra.

Parey mon'n eksplike, mon PS pou Departman Zafer Sosyal e lefe bann antite ki tonm anba Minister, souvandfwa mon ganny *involve* dan bann diskisyon, akoz i enpotan pou donn sipor avek leksperyans e konesans ki mon annan.

E dan sa adiksyon, ki manner kontra i ganny fer? Kote ti ganny fer? Par ki ti ganny fer? Mon pa ti dan sa diskisyon. Me koman en PS dan en Minister, mon *subject to administrative instructions and directives*. E alors ler mon ti ganny dir i annan kontra, i annan sa desizyon ki

Gouvernman ti'n pran, i annan bann keksoz parey Ms Tamatave in dir ki i pa bann *core business* ki bezwen ganny *outsource* ;- e i annan dimoun ki'n ganny idantifye, so mwan mon'n fer mon travay dapre *administrative directives* ki mon'n gannyen.

E kopi sa kontra, i *available* ki Lasanble i kapab gannyen ki annan ladan. E parey mon'n dir. Lefe ki *management* simityer ti avek ASP, mwan koman PS, mon napa lotorite pou antre dan *management ASP* pou vwar ki manner sa kontra i ganny fer *oversight* lo la, malgre ki mon PS.

E mon anvi fer resorti la, AG i la dan lasal avek nou, ler nou'n termin - Minister in pran desizyon, Gouvernman in pran desizyon, in termin sa kontra avek *Cemetery Services Agency*. PS William-Melaine menm ki'n reprezant Gouvernman pou sinyen sa kontra, koman en *admirative direction* ki mon'n gannyen.

E ankor mon pe re met devan, vwala rol ki mwan mon zwe dan Minister, kot i annan sipor pou donner mon donn sa bann sipor kot i nesese, dan en fason profesyonnel. Mersi Mr Speaker.

MR SPEAKER

Mersi. Wi Ms Tamatave.

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Mersi Onorab pou ou bann kestyon. Mon ti anv i zis met en keksoz en pe kler. Letan Minis in koz depans *burial services* dan Bidze ASP. Sa larzan pa'n ganny *disburse* avek *owner of the business*, avek *the service provider*. Non, sa i fo.

Sa bann larzan pa'n zanmen ganny donnen *to the service provider*, me selman i depans ki'n ganny fer an relasyon avek kou loperasyon sa biznes.

Savedir Gouvernman in pey travayer, in pey bann depans *fuel ek maintenance*. Parey zot kapab konstate, *burial services* i anba Bidze ASP koman program 3 e dan Bidze 2021, son total i 13.88 milyon e ladan i annan 7.9milyon ki pou saler. E 5.9 ki pou son *goods and services*. E sa larzan pa zanmen ganny donnen avek sa *service provider*.

In regards to payroll, mon krwar sa nou ava kapab *provide* avek FPAC si pli tar i *require*. Nou ava *provide with* FPAC. Mersi.

MR SPEAKER

Onorab Labonte, ou pe rod en siplemanter ?

HON ANDY LABONTE

En pti siplemanter.

MR SPEAKER

En klarifikasyon silvouple, wi.

HON ANDY LABONTE

En klarifikasyon petet wi, Mr Chair. Eski ou pe dir poudir sa sonm antye pa'n gannyen donnen avek Mrs Yvette Antat koman sa *sole trader*?

So, eski ou annan en rapor egzakteman konbyen larzan ki'n ganny donnen dan son kont par mwan? Petet si i posib pou nou ganny sa lenformasyon silvouple. Mersi.

MR SPEAKER

Wi CEO.

CEO ASP - BRENDA MORIN

Mersi Mr Speaker. Pou eksplike wi. Sa larzan, sa Bidze i la pou Mrs Antat depanse avek son biznes fason ki li i *choose*. I annan bann *payroll* ki sa i otomatikman, ASP i fer son *process*. Parey i pey tou travayer Gouvernman e bann kot ASP. So, *the same procedure*.

Prezan li, leres ki'n *allocate*, 5. keksoz milyon pou

son *goods and services*. Savedir pou li fer bann depans mentenir simityer, fer lanterman. Sa i li ki deside. Kantite *fuel* i oule par mwan, li ki deside. Ki i al fer ek sa *fuel*, li ki deside.

Selman, sa ki problemn i vini, koman *CEO ASP* ki la avan e avek mwan nou pa kapab kestyonnen. I son biznes. Si in dir i oule *whatever*, i oule 4 milyon. Ou annan pou donn li son 4 milyon. Li i ki konnen ki i pe fer avek. Mersi.

MR SPEAKER

Nou a *move-on* silvouple, Onorab Labonte.

HON ANDY LABONTE

Dernyen Mr Chair.

MR SPEAKER

Fer li vit. Dernyen pwen.

HON ANDY LABONTE

Akoz mon zis anvi *clear* non sa madanm. Ki mon pe gete. Konmsi ou pe dir mwan poudir Gouvernman ti anploy Mrs Antat pou li *run* en biznes pou son lekor? Sa ki ou pe dir nou.

MR SPEAKER

Wi *CEO*.

CEO ASP - BRENDA MORIN

Sa pou, aköz sa mon napa lekspertiz legal. Sa mon krwar

mon a les AG reponn, aköz mon pa kapab met mon lopinyon personnel. Mersi.

HON ANDY LABONTE

AG si ou kapab reponn silvouple.

THE ATTORNEY GENERAL FRANK ALLY

Mersi Mr Chairman. Onorab Andy Labonte, fason ki mannyer, bann rapor ki mon'n lir. Ki nou'n konstate se ki petet parey ou'n dir i en pti pe korek. Dan lesans ki Gouvernman atraver *ASP*, i pe pey en saler sa *manager* pou li *manage* en servis anba en *management agreement*. E si, en biznes par egzanp i anrezistre avek Komisyon Reveni, *then* i pa kapab anploy son prop lekor.

Me selman petet i en laranzman oubyen, mon pa konnen i kapab i en inyorans pete ki'n *creep in*.

E alors en saler i ganny donnen avek sa *manager* e an menm tan petet sa *manager*, parey *CEO* in dir, Minis in dir, se apre en lanket aprofondir ki Gouvernman pou kapab konpran, si vremen in annan iregularite oubyen i napa iregularite. Me selman *on the face of it* i annan serten keksoz ki poz serten kestyon. Mersi.

MR SPEAKER

Mersi AG. Nou a *pass on*. Onorab Arissol kote isi e apre i a swivi par Onorab Bistoquet.

HON SANDY ARISSOL

Mr Speaker, bonn apre midi. Bonn apre Minis avek ou delegasyon. Mon anvi fini kot AG in kite Mr Speaker. Mwan mon avi dir, poudir ti napa naryen linyorans ladan. Mwan mon krwar zot ti konn tre byen ki zot ti pe fer.

Mwan letan mon pe ekout tousala, ozordi non Mrs Yvette Antat in ganny mansyonnen dan Lasanble Nasyonal, mwan mon krwar i bezwen annan lezot dimoun ki koupab ansanm avek Mrs Antat!

Premyerman Minister Fians ki la, ki ganny reprezante par Ms Tamatave, zot koupab. Mon lopinyon, zot koupab !

MR SPEAKER

Onorab, servi en mo en pe pli pridan, ki 'koupab.'

HON SANDY ARISSOL

Zot pa inosan. Mon pa a dir zot koupab, mon a dir zot pa inosan.

MR SPEAKER

Pwen in ganny fer poudir lanket pa ankor fini. Zafer pa ankor al

Ankour. Rod en lot mo silvouple.

HON SANDY ARISSOL

Mon lot mo. Mon krwar oubyen zot okouran poudir sa i pa ti en linyorans. Finans i konn sa. Mrs William ki asiz laba ki reprezant Sosyal, mon pa krwar dan mon lopinyon, ki sa i en linyorans. Zot ti konn tre byen ki zot pe fer.

Me malerezman ozordi non Mrs Antat ki ganny mansyonnen dan Lasanble Nasyonal. Mon kestyon ki mon ti a kontan demande, letan Mrs William in dir li ki'n siny sa kontra, mon ti a kontan konnen zot dir nou lekel ki ti *CEO* sa letan ?

Lekel ki ti Depite *CEO* sa letan? E lekel Minis ki ti ansarz, ki ou koman Mrs Linda William ou ti bezwen fer sinyen pou Gouvernman sa letan? Mon premye kestyon. Eskiz mon langaz Mr Speaker, en?

Dezyenm kestyon ki mon ti kontan demande, se letan nou'n tann koz lo saler. Mwan mon pa tro kontan letan Ms Tamatave i dir i pou anvoy kot *FPAC*, saler. Tou bann Manm Lasanble ki la, i annan plizyer nou ki annan simityer dan nou distrik. Nou ti a kontan ganny sa lenformasyon nou osi koman bann Manm Elekte,

Proporsyonnel Lasanble Nasyonal an relasyon ek saler.

Mon osi mon pe demann saler, parski mon aprann poudir La Digue i annan en Manm ki lo *payroll* simityer li osi. Selman zanmen i travay dan simityer e i pe ganny environ R15mil par mwan.

Mon ti a kontan zot donn nou sa lenformasyon oubyen rode si vre, si manti. Fer nou konnen. Parski sa osi mon krwar i enportan pou nou konnen.

E trwazyenmman, an vi ki mwan mon annan, pou nou fini byen lo sa zafer Mr Speaker, parey Onorab Loze in fer byen kler, mon ti a kontan rekapitile. Pou nou konpran egzaktman kwa ki nou pe koz lo la.

Parski annan en kantite keksoz ki'n ganny dir. Mon ta kontan demann Minis si i pe konfirm avek nou, malgre lanket parey Speaker in dir pa ankor fini, pa ankor pare. Ki Mrs Antat ti annan son lakonpanyen, me se Gouvernman ki ti pey son lapey, saler, tou son travayer. Bennzin, transpor, sekirite, pansyon.

Me selman Mrs Antat, li tou son reveni parey nou dir, ti al lo son kont personnel, pou li.

Menm si Gouvernman ti pe pey tou son fre.

Mon pa konnen si i apel en laranzman, si i apel en koripsyon. Zot ava dir nou.

Mon dernyen seksyon mon ti a kontan demande Mr Speaker, an vi ki mon annan en simityer Bel Ombre, mon ti a kontan konnen ke ler bann travayer simityer Bel Ombre i komanse e ke ler zot fini. Parski mon pa tro kler lo la. Mersi bokou Mr Speaker.

MR SPEAKER

Mersi, ou'n fer 4 kestyon. In debord en pe. Non, i annan lezot Manm ki osi in deborde. Alors sanmenm mon'n les li. Wi, Minis ou pou adrese? *PS* wi.

PS LINDA WILLIAM-MELANIE

Mersi Mr Speaker. Mersi Onorab pou ou bann komanter, ou bann pwen e pou donn *culpability* tou dimoun. Petet nou ava pran li dan en fason kolektiv, akoz mon rekonnet wi, mon *PS* e parey mon'n dir, mon ganny *administrative directive* ki mon sivre.

I pa en keksoz ki dimoun pa konnen. A sa moman 2015 ti Minis Vincent Meriton ki ti Minis pou *Community Development* avek *Social Affairs* e kot *ASP* ti sitye. E nou annan Mr Cosgrow avek Mr Simeon ki.

(Interruption)

MR SPEAKER

Silvouple.

PS LINDA WILLIAM-MELANIE

Ki ti dan *Agency* pou *Social Protection*. E parey mon'n dir i annan diskisyon ki mon pa *privy* sa bann diskisyon i tel parey *ASP* i annan son *Board* e i annan diskisyon ki pase avek Minis.

I menm keksoz, menm pratik ki Minis konmela i fer. Kot i annan en nesesite pou mwan la, mon la e vwala en pti pe ki mon kapab dir vizavi sa.

E parey ankor si en Lakour i a deklar mwan koupab, mon ava aksepte mon rol pou siny en dokiman koman en travayer piblik. Mersi Mr Speaker.

MR SPEAKER

Mersi. Lezot, *panel* in not lezot pwen Onorab. Minis ou'n pare pou donn repons oubyen ou le i repet?

MINISTER PATRICIA FRANCOURT

Wi, mon krwar repete silvouple. Eskiz mwan.

MR SPEAKER

Onorab eski ou kapab repete san en *speech*? Zis dir ki pwen, ki kestyon. Pa bliye ou'n poz 4 kestyon.

HON SANDY ARISSOL

Wi, en sans ki ou'n donn mwan. En fwa pou en letan. Mon byen apresye, Mr Speaker.

MR SPEAKER

Ale, silvouple.

HON SANDY ARISSOL

Mon kestyon ki mon ti a kontan demann Minis se an relasyon avek travayer Bel Ombre dan simityer. Ke ler zot komanse, ke ler zot fini. Apre mon lot kestyon ki mon ti demande. Kekfwa *CEO* ava annan sa lenformasyon, an relasyon avek en atraver La Digue ki lo *payroll* simityer, pe ganny anviron R15mil. Selman zanmen in deza travay La Digue, si i korek sa lenformasyon. Wi oubyen wi. Mersi bokou Mr Speaker.

MR SPEAKER

2 pwen, 2 pwen pou adrese silvouple. Travayer Bel Ombre e La Digue. Wi *CEO*.

CEO ASP - BRENDA MORIN

Mersi Mr Speaker. *Regarding* sa travayer ki pe ganny R15mil fodre nou al regarde, mon pa *aware of that*. Mersi.

Avek ler travay dapre nou konpran i 7er ziska midi. Me selman mon a konfirman *and I will get back to you. Ok. Mersi.*

MR SPEAKER

Mersi. E mon ti'n dir Onorab Bistoquet pou swiv. Ou'n pare?

HON ROSIE BISTOQUET

Mersi Mr Speaker. Bonn apre midi av ek ou delegasyon. Bal dan simityer i ariv zis ek lalin kler, me selman mon krwar sa i en *broad daylight corruption!* Ki mon dir, zis pou donn en pti lenformasyon Onorab Pillay, se ki *death rate* dan Sesel depi 2017 i pa'n tro sanze. In reste 7.8 a 7.9 *per thousand*. Savedir napa en kantite dimoun ki'n mor an plis.

Minis mwan mon ti a kontan demande par egzanp i annan en kestyon ki koman mon kanmarad obor mwan, Onorab Andy in dir in demann saler ki sa madanm i gannyen, personn pa'n reponn li lo la.

Tou sa bann travayer ki anba sa Bidze i ganny sirveye par Minister Finans, e Minister Finans li i travay lo en bann endikater baze lo en plan anyel tou le lannen. E sa i ganny bann endikater plizoumwèn i ganny *monitor* anba *PPBB*, *which is Program Performance-Based Budgeting* av ek *RBM*

which is Result-Based Management.

Akoz mon pe met sa devan, se ki mon konnen poudir tou, mon ti deza en *civil servant*. Tou bann Minister, sirtou bann *program managers*. Letan mon dir *program managers PPBB*, zot travay lo en plan. Apre zot annan en rapor, *periodic report* ouswa *annual report* ki zot *submit* baze lo sa *action plan*.

E mon pa konnen oli sa rapor, si annan sorti, ki Sosyal pou ASP in anvoye. Eski sa lakonpanyen in deza *submit* okenn *periodic reports* baze lo sa de gran prensip ki mon'n donner av ek Minister Finans?

Akoz kote sa bann peyman ti sorti sirtou? Kote sa bann peyman, sa bann larzan ti sorti, dan *tax payers money*.

Apre en lot keksoz ki nou'n remarke dan diskisyon, kote, vi ki letan Mrs Morin mon krwar, oubyen sa lot madanm in eksplike poudir R100 pou *all* foy trou, e nou'n fek ganny dir ankor poudir ler ros i ganny kase, i plis ki sa. So, lekel ki'n donn sa direktiv ki ler ros i kase i vin plis ki sa R100?

MR SPEAKER

Pa tro bokou kestyon Onorab.

HON ROSIE BISTOQUET

Nou'n ganny dir poudir sa *burial fee* i R100. Onorab Monthy in dir poudir in fek pas atraver en sityasyon kot en dimoun in pey R6000 mil. Mon pe demande lekel ki'n donn sa lotorizasyon pou peye. Sa madanm oubyen sa lakonpanyen R6000. Si ASP ouswa Minister, ouswa si sa madanm in pran li lo li menm. Akoz mon oule ganny sa direktiv lekel ki donn sa direktiv pou fer sa?

Vi ki in koz lo la, in dir i napa okenn odit ki'n ganny fer. Mon pe mazine ki mannyer Minister kapab donn en Bidze, en nenport ki endividi, ouswa en lot Lazans san en lodit, san en performans. Oli sa performans?

Akoz letan mon get sa Bidze, depi 2018 Bidze in ogmante. Ki mannyer sa logmantasyon in vini? In vin par laverti tabatyer lekel?

So, nou bezwen konnen ki mannyer in baze, lo kwa ki in baze pou ou kapab donn en dimoun en logmantasyon ouswa en konpanyen en logmantasyon dan sa sityasyon.

Eski Minis ...

MR SPEAKER

Ale, mersi. Mersi pou ou kestyon.

HON ROSIE BISTOQUEST

Dernyen pwen, eski Minis i kapab dir nou...

MR SPEAKER

Mersi. Onorab ou'n demann 3 kestyon deza, i ase. Silvouple, mersi.

HON ROSIE BISTOQUEST

Ok, mersi bokou Minis. Mersi bokou Speaker.

MR SPEAKER

Lekel *panel* pou pran silvouple? wi.

DEPUTY COMPTROLLER
GENERAL ASTRIDE
TAMATAVE

Mersi Mr Chair. Mersi Onorab pou ou bann kestyon. Mon a pran de petet. Ou'n nonm lo *burial services* dan Bidze ASP baze lo endikater. Zis pou konfirman, wi. *Burial services* i anba program 3 Bidze ASP. Me selman pou sa program i napa *indicator*.

Savedir ti napa okenn *performance indicator* ki ale avek sa program. Me selman tou le, parey Lalwa i gid nou. Tou Minister i bezwen fer en *mid-year review*. E ASP ti pe soumet en *mid-year assessment* pou *burial services* koman sa program anba son Bidze. E ti zis en performans

fiskal. Savedir *in terms of Budget expenditure towards, verses son actual.*

In regards to odit, pou en rezon ou en lot, odit pa'n ganny fer, me la parey Minis in mansyonnen nou pou fer Oditer Zeneral oubyen *Internal Audit* fer en lodit. Mersi.

MR SPEAKER

Wi CEO.

CEO ASP - BRENDA MORIN

Mersi Mr Speaker. Zis pou *go back* lo Bidze pou *burial services*, mon ti demann kestyon ler mon ti vini, akoz mon ti zwenn Bidze in fini prepare. Zot ti dir mwan non, Mrs Antat ki fer son *Budget* e apre i ganny *insert into ASP*. So, *obviously* sa lannen la keksoz i a diferan.

Mon ti pe al zis koz lo sa R100. Konmsi ti'n demande. Dapre mon konpran sa i dan Lawal pou sa *fee*. Apre sa bann *rock blasting* ki ti pey R6000. Sa vreman mon pa kapab reponn ou akoz mon pa konnen. Me sa, sa madanm ki ti pe fer.

Nou, se sa rezon. Pou bann ki nou kapab, parey mon'n eksplike boner. Pou bann ki nou prepar trou, Savedir kot nou, nou pou kapab avek masin ki nou annan,

prepar sa trou. I pou ganny prepare. Si nou vwar i enposib pou fer sa trou. Alors i pa ou kapab ganny en fer en trou la dan sa landrwa.

Savedir nou bezwen get lot landrwa oubyen lezot fason, ziska ler en lot keksoz i ava ganny met an plas. Oubyen dan bann prosedir kot nou pe diskite, e si bann *expert* i kapab *advise* nou *of other ways*, e nou ava pran sa an plas. Mersi.

MR SPEAKER

Mersi. Onorab Loizeau.

HON NORBERT LOIZEAU

Mersi Mr Speaker. Bonzour Minis avek ou delegasyon. Mr Speaker, mon ti annan 6 pti kestyon.

MR SPEAKER

6?

(laughter)

HON NORBERT LOIZEAU

I reste mwan 2 selman. I reste mwan 2.

MR SPEAKER

Ok, byen.

HON NORBERT LOIZEAU

Mon ti annan 6, i reste mwan 2 en pti pe fay, fay. Mr Speaker, mon anvi demann ek *panel*, vi ki sa konpanyen ti en

konpanyen prive avek tou sa bann zistwar ki'n ganny akonte. Eski i vre ki i ti annan en lot biro kot *Ocean Gate House* ki ti pe ganny peye par ASP osi? Pou li sa dimoun. Sa i mon premye kestyon.

E dezyenman, parey Onorab Arissol in dir pli boner, mwan osi mon krwar i annan en pti nen dan sa zwe, i annan en pti loder koripsyon, konmsi ki pe pase. Eski apart bann lodit ki pe ganny fer, eski ACCS, Anti- Koripsyon - vi ki i la pou get bann zafer koripsyon, eski li osi i pe antre *en jeu* pou vwar.

Vi ki i annan en zafer Gouvernman ek prive ki pe deroule pou fer serten lenvestigasyon lo sa size? Mersi.

MR SPEAKER

Mersi Onorab. Wi *CEO*.

CEO ASP - BRENDA MORIN

Mersi Mr Speaker. Lo *rental*, wi sa madanm i annan en lofis kot *Ocean Gate House* e dan baze lo kestyon ki mwan mon'n demande laba, ki dan Bidze i annan en laliny pou *rental* son lofis.

E i paret mwan zanmen, tou sa lannen pa'n zanmen ganny servi. Me selman i ganny mete. E ki mon konpran, konmsi i form par, son *rental* i

form par pou ASP. Mersi. Setou.

MR SPEAKER

Dezyenm kestyon. Anti-koripsyon. Si sa pou ganny refer avek. Wi, Minis.

MINISTER PATRICIA FRANCOURT

Wi, Mr Speaker. Sa i ava zot *prérogative* si zot pou antre ladan. Mersi.

MR SPEAKER

Mersi, wi. Onorab Andre. Annou pran en pe konsiderasyon pou letan silvouple.

HON CLIFFORD ANDRE

Mersi Mr Speaker, mon pa ou long. *PS* in dir nou Minis Vincent Meriton ki ti responsab pou sa Minister letan li i ti ganny lenstriksyon e Mr Cosgrow ki ti responsab kot ASP. Eski ou kapab donn nou son non ? Akoz ou'n dir nou li ki ti responsab. Son, non pou nou konnen lekel ki responsab. 2enm.

(Interruption)

MR SPEAKER

Ale. Onorab mon krwar ou pe zis servis sa pou fer en pwen

kont. Nou konnen lekel Mr Cosgrow. Kontinyen.

(laughter)

HON CLIFFORD ANDRE

Oh, Mr Wallace Cosgrow. Ok, savedir ok. Mon dezyenm kestyon, se Onorab Pillay in dir ki si ou pran sa pri R100 par trou avek en *average* 1000 dimoun ki ganny antre par lannen i fer R100 mil. Mon oule Minis i konfirman konbyen, Onorab Andy in demann sa.

Mon anvi Minis i konfirman konbyen ki ASP in pey sa *service provider* par lannen depi 2015, pou nou kapab konfirman konbyen ki'n al dan sa kont e i pa R100 mil definitivman.

Akoz nou pa oule dimoun i krwar ki poudir sa dimoun in ganny peye zis R100mil. Mersi Mr Speaker.

MR SPEAKER

Mersi Onorab. Wi, ok. Les mon a re- Non, en pti moman. En pti moman Onorab Cosgrow. Wi CEO.

CEO ASP - BRENDA MORIN

Mersi Mr Speaker. Lo sa kestyon konbyen ki'n al dan kont sa madanm. Parey mon ti pe eksplike avan. Wi i annan sa

bann R100 ki anmase apre bann kontra *maintenance* parey *War Memorials*. Sa i ti pe anmase e sa deza la kontra ASP ki'n sinyen e la nou ki *maintain*. Larzan i vin kot Gouvernman. Avan li ki ti pe anmase sa.

Lezot parey mon ti pe dir ou la, dan sa depans Bidze ki i gannyen la, li i anmenn son resi. I dir i bezwen tan, son *invoice*.

Konpran, si i pe aste en keksoz *somewhere*, si i pe aste son bann *coupons fuel*. Zis prezan, nou, nou pey sa. Nou donn ek sa larzan. Prezan li ki deside.

MR SPEAKER

Silvouple, les sa madanm reponn. Wi. Ou'n terminen? Mersi. Nou terminen lo sa pwen. Ok. Onorab Cosgrow, wi. Ou non in ganny mansyonnen. Mon krwar i zis, zis ki mon permet ou laparol, mon pa konnen si ou pou demann en kestyon, oubyen si ou pou adres en pwen ki'n ganny fer. *Go ahead*.

HON WALLACE COSGROW

Mersi Mr Speaker. Mr Speaker, wi mon non in ganny mansyonnen e mon krwar i normal in ganny mansyonnen aköz mon ki ti CEO Lazans Proteksyon Sosyal ziska -

(Interruption)

MR SPEAKER

Silvouple. Wi.

HON WALLACE COSGROW

Ziska Fevriye 2015. Le 2 Fevriye, 2015 mon ti ganny apwente Minis.

PS taler in fer resorti ki kontra ti siny le 01 Zanvye, 2015. Me parkont Mr Speaker, si ou ti permet mwan. Donn mwan 2 mini pou mwan antre en pti pe dan sa bann *process*. Akoz mon konn en pti pe sa bann *process*. Zis pou eklersi Lasanble ek piblik an zeneral.

MR SPEAKER

Wi, ale. 2 minit. 2 minit ou'n dir mwan.

HON WALLACE COSGROW

2 minit Mr Speaker.

MR SPEAKER

Be *ok*, byen.

HON WALLACE COSGROW

So, *basically* an 2012 ler mon ti vini, *burial services* ti anba sa ki nou apel *Social Security Fund*. Apre ti annan en tranzisyon e *ASP* sa letan ti pe *take over* serten rol. E *burial services* ti la. *ASP* ti annan *Security Fund*. So, mon ti rekomande ki i

annan en *outsource* akoz i *non-core service*.

Parey Mrs Tamatave in eksplike i ti en *non-core service*. So, nou ti fer rekomandasyon pou *outsource* sa servis.

Now, *outsourcing of services* i ganny fer par Minister Finans. Pa ki mon pe pas blanm pe ki mon anvii tir serten responsabilite. Me selman *outsourcing for non-core service* sa letan i ganny fer par Minister Finans e i ganny negosye, i ganny agree. E in annan en lagreman ki'n ganny fer, en kontra ki'n ganny sinyen. E se sa.

So, *basically* mon *ok*, Manm pe dir mon ti *CEO*. Me parey mon'n fer konpran, poudir mon ti *CEO* pandan en mwan sa lagreman e apre mon'n bouze. Ki'n arive apre 2015, 2016 ziska 2021, mon pa konnen. Mon pa pou kapab antre ladan.

Me selman mon ti zis anvii zis *paint* en pti portre. Depi 2013 ziska 2015 ler zot ti *outsource*, akoz nou ti anvii *outsource*. Akoz i ti en *non-core service*. E ki bann keksoz ki'n arive?

I annan en kantite keksoz ki'n arive, i annan en kantite keksoz mon kapab dir. Me selman pou letan Lasanble i limite. Petet si en lot zour mon

ganny sans mon ava koz lo la.
Mersi.

MR SPEAKER

Mersi. Onorab Georges, ou lanmen i ankor anler? Ok, byen.

HON BERNARD GEORGES

Mersi Mr Chair. Mr Chair, avek ou permisyon permet mwan pou remersi Minis avek son lekip e *Attorney Zeneral* ki apre midi in eksplik nou en pe ki problem dan sa domenn *cemetery services*.

Atraver sa, mon krwar Minis in eklersi tre byen lafason, donk ladministrasyon oparavan ti gouvern pei. E nou'n konpran tre byen ki atraver sa legzanp apre midi ki sa filozofi transparans, bonn governans e rann kont i ti plito en zoli parol ki zanmen ti'n ganny vreman met an aplikasyon, ou sertenman pa'n ganny met an aplikasyon dan sa ka.

E si mon kapab rezim en pti pe defayans ki nou'n aprann la apre midi. Mon pa pe ganny sa okenn lezot landrwa, me ki nou'n aprann la apre midi.

Public Procurement Act, pa'n ganny swiv avan ki sa *agreement* ti'n antre ladan. *Agreement Attorney General* in eksplik nou, ti defayan. I ti'n

devret kekwfa en *management agreement* oubyen en *service provision agreement*. Me i pa'n kler lo lekel i ti sipoze ete.

Asset register pa ti ganny *maintain* e en bann *assets* pa ti ganny vwar, akoz defayans dan *assets register*.

Okenn *accounting* pou reveni ki ti pe ganny anmase pa ti pe ganny fer e sa ti pe al dan kont prive sa *service provider*. *Repairs* ek *maintenance* pa ti ganny *accounted for* lafason ki i ti devret. *Fuel allocation*, parey.

Okenn bann *tax returns* ki ti pe ganny soumet avek SRC pa ti rann en bon kont *turnover* sa lakonpanyen ek son *income*, akoz i pa ti pe pran konsiderasyon sa ki i ti pe gannyan avek ASP.

Finalman nou vwar en *sole trader* ti pe pey son lekor en saler, alors ki sa biznes ti pou li. Donk tousala se bann defayans ki nou'n aprann la apre midi. Nou pa kapab dir ki ti napa defayans, akoz defayans ti annan.

E pour sa Mr Speaker, mon ti ava swete ki nou konpran tre byen ki responsabilite pour sa bann defayans i bezwen ganny partaze lanmwatye par bann servis ek bann dimoun ki'n aprouv sa kontra ;- e ki pa'n *follow-up* apre lo ki mannyer i ti

devret pe fer anba transparans, bonn gouvèrnans ek rann kont.

Me osi lo lapar bann defayans ki sa *service provider* li menm li in anmenn lo son prop lekòr par lefe ki i pa'n byen *manage* son travay, i pa'n swiv bann konsiny ki i ti devret pran anba Lalwa tel parey *tax*, eksetera.

Alors, finalman mon krwar Mr Speaker, nou bezwen dir ki sa legzersis apre midi ti en legzersis tre enportan, pou nou Lasanble konnen e pou Lepep Seselwa konnen akòz se egzaktaman koumsa ki Gouvèrnman pa devret pe *operate* dan lefitir.

E si nou'n aprann en keksoz apre midi, se egzaktaman sa. Ki i annan en fason fer e en fason pa fer.

E mwan mon ti ava kontan sizere ki le 24 Oktob, in montre nou sa laliny kot fason pa fer in fini e fason fer in komanse.

E mon ti ava donk finalman demann avek nou Lasanble apre ki nou'n aprann sa bann keksoz apre midi, deside kote nou pou ale la prezan dan sa sityasyon.

Eski nou pou esper lodit e pran en dezinyon ? Ki Minis i ava dir nou. Oubyen eski mon koleg *Leader* Lopoziyon pou pran sa an sarz anba *FPAC*,

prepar en rapor e soumet avek Lasanble?

Akòz mon krwar sa sityasyon apre midi i pa enn ki nou pou termin la. Me i enn ki'n komans la e i bezwen fini en serten landrwa. E mwan mon vwar sa landrwa se enn ant sa de.

Swa Minis ava retournen e i ava raporte avek nou lo sa ki lodit i dir. Swa, oubyen apre ki in fer sa, mon koleg lo lot kote latab i ava pran sa rapor lodit e ava anmenn dan *FPAC* pou li etidye e raport avek nou. Mersi Mr Speaker.

MR SPEAKER

Mersi. Prezan nou pou re pas dan Staz Lasanble e pou terminen mon a permet Minis annan petet en remark ki i ti a kontan - Ou osi ou oule fer en *statement*. Ale Onorab Pillay, mon a les ou. Si ou kapab fer li en pe bref.

HON SEBASTIEN PILLAY

Non, Mr Speaker, mon pa pou fer en *statement*. Nou pe *manage* letan e i pa letan pou mwan fer en *statement*. Onorab Georges in mansyonnen *FPAC*, mon ti a kontan fer kler ki si a okenn moman *FPAC* i konpri Manm Lasanble. A okenn moman Manm i santi ki nou bezwen ekri Oditer Zeneral

direkteman, e demann li pou fer en lodit, nou kapab demann li.

Be i paret Minister Finans in deza demann, oubyen Minister Zafer Sosyal oubyen ASP in deza demann li en *special audit* par Oditer Zeneral. Nou ava gete, mwan mon ava pran kontak avek Oditer Zeneral pou nou ganny en konpran.

Me selman nou pou bezwen *get to the bottom of this* e sa bann fason fer e pa fer, i enportan parey ki parey Onorab Georges in dir. Nou fer li byen. Parey lo erport nou'n vwar nouvo kontra ganny donnen. So, nou bezwen gete akoz nou'n donn sa enn konpanyen, nou pa'n donn lezot.

Tousala i bann nouvo fason fer, ki fodre pa i repet sa bann move fason fer. Ou konpran? E parey kot NSC osi nou annan en sityasyon menm parey kot NSC. Kot en *service provider* i annan en menm kontra.

So, tousala nou pou bezwen gete pou nou kapab fer sir poudir fason fer ki nou pe dir, ki meyer, i en fason fer ki nou tou nou tonm dakor avek. Mersi Mr Speaker.

MR SPEAKER

Mersi. Minis ou ti a kontan zis fer en pti pwen pou termin sa *Statement*.

MINISTER PATRICIA FRANCOURT

Mersi Mr Speaker. *Very* bref. Mon remerci tou bann Manm Onorab ki'n ekout nou *attentively* e zot partisipasyon e tou zot kestyon. I en soulazman pou nou letan nou met keksoz o kler e nou fer li dan en fason ki montre transparans.

E nou fer li dan en fason ki montre prosedir i bezwen ganny fer dan en fason sistematik. E letan ou fer li byen ou bann *outcome* i sipoze byen.

Be la mon krwar i montre osi ler keksoz i pa fer byen, petet *audit report* a montre sa. Ki bann *outcomes* osi ki nou gannyen ki pou bokou difikilte *in the end*. So, *hopefully* i en *learning curve*.

Me selman mon konvenki ki sa Gouvernman se sa son misyon pou fer sir ki tou keksoz i ganny fer dan transparans e dan *accountability*. Nou pou *request* pou annan en odit, so *hopefully* sa i ava ganny *undertake* e nou pou *press* byen for.

So, *again* mon remerci zot tou pou donn nou sa loportinite e nou ti pe fer sir ki tou keksoz

i o kler, i ganny met o kler ki menm ler lapres i raporte, i raport li parey in ganny dir, e napa naryen ki'n ganny manke e tou dimoun i ganny en konpran ki mannyer keksoz i marse. Mersi Mr Speaker.

MR SPEAKER

Mersi Minis e mersi tou Manm e *panel* pou zot partisipasyon. Mersi pou zot pasyans. Mon ti krwar mon pe al terminen 50 minit pase. Me mon vwar nou'n arive la, me kantmenm sa, mon krwar nou'n al a profon dan sa size.

Mon a dir ankor en pti lanons. Mon ti kontan ganny bann Manm ABC pou 5 minit silvouple. Dan 5 minit. Savedir dan 5 minit nou raporte pou nou pran 5 minit. Akoz en pti pwen pou eklersi avek zot. Yes.

Mersi bokou Minis ek *panel*. Mersi bokou bann Manm, nou pou re pran travay Mardi prosen 9er. Mersi.

(ADJOURNMENT)